



ಹರವೂರ್ಧ ತುಳು ಪುರ್ವ

(ತುಳು ಕಬಿಲೆ ಗೊಂಜಿಲ್)

ಶಿಮಂತೂರು ಚಂದ್ರಹಾಸ ಸುವರ್ಣ
(ಸಂಪಲ್ನಾಲ್)



ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ

ಪರವೂರ್ಧ ತುಳು ಪುಷ್ಪ

ತುಳು ಕಬಿತೆಲೆ ಗೊಂಚಿಲ್...

ಸಂಪತ್ತಿನಾರ್
ಶಿಮಂತೂರು ಚಂದ್ರಹಾಸ ಸುವರ್ಣ



ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ

ಮಹಾನಗರಪಾಲಿಕೆ ಕಟ್ಟಡ, ಲಾಲ್‌ಬಾಗ್

ಮಂಗಳೂರು - 575 003

PARAVURDA TULU PURPA : Collection of Tulu Poems compiled by Shimanthoor Chandrasaha Suvarna , C-1, Jalkirti Co- operative, Housing Society, Jay- Raj Nagar, Off. : L. T. Road, Near Mahisha Mardini Temple, Borivili(West), Mumbai- 400091. M: 09821621501, Ph : 022-28986287 Published by Karnataka Tulu Sahithya Academy, City Corporation Building, Lalbagh, Mangalore - 575 003. Tel. & Fax : 0824-2459389 Email: tulu.academy@yahoo.co.in, www.tuluacademy.org

Hon.Editor

Dr. Palthady Ramakrishna Achar

President , Karnataka Tulu Sahitya Academy

Editor

Shimanthoor Chandrasaha Suvarna

Member, Karnataka Tulu Sahitya Academy

Publisher

Chandrasaha Rai. B

Registrar, Karnataka Tulu Sahitya Academy

@: Karnataka Tulu Sahithya Academy

Pages: 112

Price: Rs. 80

Cover Design: Pavan Graphics, Mangalore

First Impression: 2011

Designed & Printed at:

Pavan Graphics

N.D Complex, Opposite Gokarnanateshwara Temple

Kudroli, Mangalore - 03

Ph: 2494925

ಗುರ್ಕಾರನ ಮಡಿಲ

ತುಳು ಕಾವ್ಯ ಪರಂಪರೆಡ್ ಮುಖ್ಯವಾದ್ ಪ್ರಾಕ್ರದ ತುಳು ಕಾವ್ಯೊಲು, ಪಣಿಯಾಡಿ ಯುಗೊತ ತುಳು ಕಾವ್ಯೊಲು, ಬೊಕ್ಕ ಪೊಸಕಾಲೊದ ತುಳು ಕಾವ್ಯೊಲು, ಇಂಚ ಮೂಜಿ ವಿಭಾಗ ಮಲ್ಪೊಲಿ. ಪ್ರಾಕ್ರದ ತುಳು ಕಾವ್ಯೊಲು ಸುಮಾರ್ 13-14ನೇ ಶತಮಾನೊಡು ತುಳು ಲಿಪಿಡ್ ತಾರಿದೋಲೆಡ್ ಬರೆತಿನ ಕಾವ್ಯೊಲು. ಇತ್ತೆ ಈತ್ನೇಟ ತೆರಿನ ವು ಪಂಡ ವಿಷ್ಣುತುಂಗನ ಭಾಗವತೊ, ಅರುಣಾಬ್ಜನ ಭಾರತೊ, ಬೊಕ್ಕ ಕಾವೇರಿ, ಇತ್ತೆ ಇಂಚಿಪ ಲಿಪ್ಯಂತರ ಆಯಿನ ಕರ್ಣ ಪರ್ವ. ಪ್ರಾಕ್ರದ ಸಾಹಿತ್ಯೊ ಉಂತಿಬೊಕ್ಕ ಕಾವ್ಯೊ ಮುಡಪಿನ ಕೈಂಕರ್ಯ ಸುರುವಾಯಿನೇ ಪಣಿಯಾಡಿ ನ ಕಾಲೊಡು. ಪ್ರಾಕ್ರದ ಸಾಹಿತ್ಯೊಲು ಪೂರ ವೈದಿಕ ಪುರಾಣೊಲೆಗ್ ಸಮ್ಮಂದ ಪಟ್ಟಿನ ಆದಿತ್ತಂಡ ರಡ್ಡೆನೇ ಮಜಲ್ಡ್ ಕವಿಕುಲು ತುಳುನಾನ್, ತುಳುವಪ್ಪೆ, ತುಳುಬಾಸೆದ ಮಿತ್ತದ ಮೋಕೆಡ್ ಕಬಿತೆಲೆನ್ ಬರೆಯರೆ ಸುರುಮಲ್ತರ್. ನರ್ಕಲ ಮಾರಪ್ಪ ಶೆಟ್ಟಿ, ಎನ್. ಎಸ್. ಕಿಲ್ಲೆ, ಕೆಮ್ಮೂರು ದೊಡ್ಡಣ್ಣ ಶೆಟ್ಟಿ, ಪೊಳಲಿ ಶೀನಪ್ಪ ಹೆಗ್ಡೆ, ಮೋನಪ್ಪ ತಿಂಗಳಾಂಬಿ, ಎಚ್. ನಾರಾಯಣ್ ರಾವ್, ದಾಮೋದರ ಪುಣಿಂಚತ್ತಾಯ, ಸೀತಾನ್ದಿ ಗಣಪಯ್ಯ ಶೆಟ್ಟಿ ಇಂಚ ಕೆಲವು ಜನ ಕವಿಕುಲು ಈ ಕಾಲೊಡು ಕಾವ್ಯೊಲೆನ್ ಬರೆದ್ ಬೊಳ್ಳುಗು ಕನತೆರ್.

ಪೊಸಕಾಲೊದ ಮಹಾಕವಿ ಪಂಡ ಮಂದಾರ ಮಹಾಕಾವ್ಯ ಬರೆಯಿನ ಮಂದಾರ ಕೇಶವ ಭಟ್. ಮೇರೆನ ಈ ಕಾವ್ಯ ಪೊಸಕಾಲೊದ ಮೇರು ಕೃತಿ. ಆರ್ ಬರೆದ್ ಬೊಳ್ಳುಗ್ ಕನತಿನ ಪೊರ್ಲುದ ನನೊಂಜಿ ಕೃತಿ ಕೃಷ್ಣನ ಬದ್ಕದ. ಮಂದಾರ ರಾಮಾಯಣೊಗು ಸಾಟಿಯಾದುಂತಾನ ಬೇತೆ ಕಾವ್ಯೊ ಇನಿ ಈತ್ನೇಟಗ್ ಬತ್ತದಿಜಿ. ಕೆಲಿಂಜ ಸೀತರಾಮ ಆಳ್ವರ್ ಹರಿಶ್ಚಂದ್ರ ಕಾವ್ಯೊ ಬರೆತೆರ್, ಎನ್.ಪಿ.ಶೆಟ್ ಬತ್ತೆ ಕೆತ್ತರೆ ಉತ್ತರ ಬರೆತೆರ್. ಅವು ಖಂಡಕಾವ್ಯೊಲೆ ಸಾಲ್ಗ್ ಸೇರೊಂದುಂಡಾಂಡಲ ಕನ್ನಡ ಕಾವ್ಯೊಲೆನ ತರ್ಜುಮೆದ ಒಂಜಿ ಪಿಲ. ಅಯಿ ಕುಲೆನ ಮಿತ್ತನೆಗತ್ ತೋಜುನೆಡ್ಲಾಕರ

ಮಹಾಕಾವ್ಯೋಲೆನ ಸಾಲ್‌ಗ್ ಸೆರ್ಯರೆ ಸಾಧ್ಯ ಆಪುಜಿ. ಮಂದಾರ ರಾಮಾಯಣೋಗು ಪೊಸದೇಕಿ ಉಂಡು. ಪರಿಸರೊದ ಕಮ್ಮೆನೊಲುಂಡು, ಛಂದಸ್ಸೆಡ್ ಒಂಜಿರೀತಿದ ಆಕರ್ಷಣೆ ಉಂಡು. ಇಂಚಿನ ಮಹಾಕಾವ್ಯೊಲು ನನಲಾತ್ ಮೂಡ್ಡ್ ಬತ್ತದ್ ತುಳುವಪ್ಪೆನ ಸಾಹಿತ್ಯೊದ ತುಪ್ಪೆ ದಿಂಜಡ್‌ಂದ್ ಬಯಕುವೆ. ಪೊಸಕಾಲೊಡು ಬರೆಪಿನ ಕವಿ, ಕವಯಿತ್ತಿನಕುಲು ದಿಂಜಜನ ಲಕ್ಕ್ಕದುಂತೊಡು. ಅವು ಸಂತೋಸದ ಸಂಗತಿ. ಮಾತೆರೆಗ್ಲಾ ಬರೆತಿನ ಕಬಿತೆಲೆನ್ ಪೂರ ಅಚ್ಚಿ ಮಲ್ಪಯರೆ ಸಾಧ್ಯ ಆಪುಜಿ. ಆಂಡ ಬರೆತಿನ ಕಬಿತೆಲು ಉದುರ್ದು ಪೋಯರೆ ಬಲ್ಲಿ ಪನ್ನಿ ದಿಟ್ಟಿ ದಿವೊಂದು ಅಕಾಡೆಮಿ ಕಬಿತೆಲೆನ ಕೋಪೆ ಬೊಳ್ಳುಗು ಕನಯರೆ ಸುರುಮಲ್ತಂಡ್. 1998ಡ್ “ಬಂಗಾರ್ ಪರ್ಬದ ಸಿಂಗಾರ ಕಬಿತೆಲು” ಪನ್ನಿ ಕೋಪೆನ್ ಪಿ.ಎಸ್.ರಾವ್ ಸಂಪಲ್ತೆರ್. ನೆಕ್ಕದುಂಬೆ ಡಾ.ವಸಂತ್ ಕುಮಾರ್ ಪೆರ್ಲ ಮೇರ್ ತುಳುಕೂಟೊ ಕುಡ್ಲದ ಕರ್ಚಿಡ್ ಆಕಾಶವಾಣಿ ತುಳುಕಬಿತೆಲೆನ ಕೋಪೆ ಅಚ್ಚಿ ಮಲ್ತದಿತ್ತೆರ್. ಶ್ರೀ ಕೃಷ್ಣಾನಂದ ಹೆಗ್ಡೆರಾಲಾ ಒಂಜಿ ಕೋಪೆನ್ ಸಂಪಲ್ತ ದಿತ್ತೆರ್. ಕುಡಲದ ತುಳು ಸಾಹಿತ್ಯ ಪರಿಷತ್ತಾದ ಮಂಜುನಾಥೆರಾ ಒಂಜಿ ಕಬಿತೆದ ಕೋಪೆ ಬೊಳ್ಳುಗು ಕನತ್‌ದಿತ್ತೆರ್. 2008ಡ್ ಪಿರ ಅಕಾಡೆಮಿ ನೂದು ಕಬಿತೆಲು ಪನ್ನಿ ಪುದರಡ್ ಒಂಜಿ ಸಂಕಲನ ಅಚ್ಚಿ ಮಲ್ತಂಡ್. ಶ್ರೀ ಚಿದಂಬರ ಬೈಕಂಪಾಡಿ ಈ ಕೋಪೆನ್ ಸಂಪಲಿತೆರ್. ಪಿರ ಅಕಾಡೆಮಿ 2010ಡ್ “ನೆಯಿ ಪೆರ್” ಪನ್ನಿ ಪುದರಡ್ ನನೊಂಜಿ ಕೋಪೆ ಕಬಿತೆಲ್ ಬೊಳ್ಳುಗು ಪಾಡ್‌ಂಡ್. ನೆನ್ನ ಸಂಪೊಲ್ತಿನಾರ್ ಶ್ರೀ ಭಾಸ್ಕರ ರೈ ಕುಕ್ಕುವಳ್ಳಿ.

ತುಳುನಾಡ್‌ನ್ ಬುಡುಂಡ ಕರ್ನಾಟಕೊಡ್ಲ ಪಿದಯಿದ ಒಂಜಿ ಮಲ್ಲ ತುಳುವರೆನ ಕೇಂದ್ರೊ, ಮುಂಬಯಿ. ಏತೋಕಾಲೊಗು ದುಂಬು ಕಸುಬು ನಾಡೊಂದು ಪೋಯಿನ ತುಳುವರೆನ ಪೀಳಿಗೆ ಈ ಮಹಾನಗರೊಡು ಇತ್ತೆಲ್ಲಾ ಬುಳೆವೊಂದುಂಡು. ಮುಂಬಯಿದ ತುಳುವೆರ್ ತನ್ನುಲೆನ ಅಪ್ಪೆಬಾಸೆನ್, ತುಳು ಸಂಸ್ಕೃತಿನ ನನಲಾ ಬುಡ್ಡು ಪಾಡ್‌ಜೆರ್, ಅಯಿನ್ ಒರಿಪಾವೊಂದೆರ್ ಪನ್ನಿನ ಒಂಜಿ ಸಂತೋಸದ ಸಂಗತಿ. ಪಾತೆರ ಕತೆಟ್ ಮುಕುಲ್ ತುಳು ಒರಿಪವೊಂದಿನ ಮಾತ್ರ ಅತ್ತ್ ಸಾಹಿತ್ಯೊನ್ನಾ ಬುಳೆಪವೊಂದುಲ್ಲೆರ್ ಪನ್ನಿ ವಿಚಾರೊಗು:

ಮುಂಬಯಿಡ್ ಬದುಕುನ ಕೆಲವು ಜಾತಿ ಸಂಘ ಸಂಸ್ಥೆಲೆನ ಪತ್ರಿಕೆಲು ಸಂಕ್ಷಿ. 1994ಡ್ ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿನ್ ಕರ್ನಾಟಕ ಸರ್ಕಾರ ಉದಿಪನೆ ಮಲ್ತಂಡ್. ಅಕಾಡೆಮಿಗ್ 10 ಸದಸ್ಯರೆನ್ ಸರ್ಕಾರ ನೇಮಕ ಮಲ್ಪುನ ಪದ್ಧತಿ. ಮೂಜಿ ಜನೊ ಸದಸ್ಯರ್ ಅಕಾಡೆಮಿಡ್ ನೇಮಕ ಆಶರ್. ಹೆಚ್ಚಿನ ಸಮಿತಿಲೆಡ್ ಮುಂಬಯಿದ ಒರೈಗ್ ಸದಸ್ಯತನ ಕೊರ್ಪಿನ ರಿವಾಜಿ. ಈ ಸರ್ತಿ ಅಕಾಡೆಮಿ ಈ ಮಾನಾದಿಗೇನ್ ಕವಿ ಸಾಹಿತಿ ಶಿಮಂತೂರು ಶ್ರೀ ಚಂದ್ರಹಾಸ ಸುವರ್ಣರೆಗ್ ಕೊರುಂಡು. ಆರೆನ ಒಂಜಿ ಸಾದನೆಡ್ ಈ "ಪರವೂರುದ ತುಳು ಪುರ್ಪ" ಕಬಿತೆಲೆನ ಕೋಪೆ ಬೊಲ್ಪುಗು ಬರೊಂದುಂಡು. ಈ ಕೋಪೆಡ್ 61 ಕಬಿತೆಲು ಉಲ್ಲ. ಪುದರ್ ಪಡೆಯಿನ ಕವಿ, ಕವಯಿತ್ರಿಯೆಡ್ ಪತ್ತಿನ, ಇತ್ತೆ ಇಂಚಿಪ ಬರೆವಣಿಗೆ ಸುರುಮಲ್ತಿನ ಕವಿಕುಲೆ ಆಶಯೆಲ್ಲಾ ಮೂಲು ತೋಜಿದ್ ಬರ್ಪುಂಡು. ಅವಕಾಶ ತಿಕ್ಕಂದಿನಕುಲು ಒರಿದಿಪ್ಪರೆಲಾಯಾವು. ಬೇಜಾರ ಮಲ್ಪರೆ ಬಲ್ಲಿ. ಅಂಚಿನಕುಲೆಗ್ ನನೊರ ಅವಕಾಶ ಖಂಡಿತ ಬರ್ಪುಂಡು ಪಂಡ್ ಎನ್ನ ನಂಬಿಗೆ. ಈ ಕಜಿತೆದ ಕೋಪೆಗ್ ಸೇರಾಯರೆ ಎಡ್ಡೆ ಕಬಿತೆಲೆನ್ ಅಜತ್ ದ್ ಕೊರ್ಪಿನ ಮಾತ ಕವಿ-ಕವಯಿತ್ರಿಯೆರೆಗ್, ಸಂಪಲ್ತಿನ ಕವಿ ಶ್ರೀ ಚಂದ್ರಹಾಸ ಸುವರ್ಣರೆಗ್, ಪೂರ್ಪ ಪೊಲಿಗೆಡ್ ಅಚ್ಚಿ ಮಲ್ತ ಕೊರಿನ ಪವನ್ ಗ್ರಾಫಿಕ್ಸ್ ದ ಶ್ರೀ ಎಚ್. ಪ್ರಸನ್ನ ಕುಮಾರ್ ಮೇರೆಗ್ ಮೋಕೆದ ಸೊಲ್ಮೆ ಸಂದಾವೊಂದುಲ್ಲೆ. ಮುಂಬಯಿಡ್ ತುಳು ಬಾಸೆ ಸಂಸ್ಕೃತಿನ್ ಒರಿಪಾಲೆ ಬುಲೆಪಾಲೆ ಪಂಡ್ ಕೇಂಡೊಂದುಲ್ಲೆ.

ಡಾ. ಪಾಲ್ತಾಡಿ ರಾಮಕೃಷ್ಣ ಆಚಾರ್

ಚಾಂದ್ರಮಾನ ಯುಗಾದಿ

04-04-2011



ಸಂಪತ್ತಿನಾರನೆ ಮದಿಪು

ಯಾನ್ ಕರ್ನಾಟಕ ತುಳು ಸಾಹಿತ್ಯ ಅಕಾಡಮಿದ ಸದಸ್ಯೆ ಆದ್ ಆಯ್ಕೆ ಆಯಿ ಬೊಕ್ಕ (ಬೊಂಬಯಿದ ಪ್ರತಿನಿಧಿ ಆದ್) ಪರವೂರುಡ್ಲಾ ಅಕಾಡಮಿದ ಪುದರ್ನ್ ಮೆರೆಪಾವೊಡ್ಂದ್ ಆಸೆದ ತೆಗಲೆ ಪುಟುಂಡ್. ಅಂಚ ಪರವೂರುದ ಬೊಂಬಯಿಡ್

ಅತ್ತಾಂದೆ ಆಸ್ಪಾಸ್ಡ್ ನಿಲೆ ಆತಿನ ತುಳು ಕವಿ- ಕವಯಿತ್ತಿಲೆನ ಒಂಜಿ ಕಬಿತೆದ ಗೊಂಚಿಲ್ನ್ ಅಚ್ಚಿಮಲ್ವಾವೊಡು ಪನ್ನಿನ ಆಸೆಗ್ ಅನು ಕೊರಿನ ಕರ್ನಾಟಕ ತುಳು ಸಾಹಿತ್ಯ ಅಕಾಡಮಿದ ಗುರ್ಕಾರ್ಲು ಬೊಕ್ಕ ಸರ್ವ ಸದಸ್ಯೆರೆಗ್ ಎನ್ನ ಸುರುಕ್ಕು ಉಡಲ್ ದಿಂಜಿನ ಸೊಲೆಲು.

ಬಂಜೆದ ಗುಜಾರ್ಮೆಗ್ ತುಳುವೆರ್ ಸುರುಕ್ಕು ತೂಯಿನ ಊರೇ ಮಹಾರಾಷ್ಟ್ರದ ಬೊಂಬಯಿ. ಮುಲ್ವ ಬತ್ತಾದ್ ಬೇಲೆ- ಬೆಸನ ಮಲ್ತೊಂದಿತ್ತಿ ಲೆಕ್ಕನೇ ಸಂಘ ಸಂಸ್ಥೆಲೆನ್ ಕಟ್ಂದ್ ನಾಟಕ, ಆಟ, ಸಾಹಿತ್ಯದ ಬೇಲೆ ಬೆಂದರ್. ಇಂಚ ಬೇತೆಬೇತೆ ಪದೊಲಿಡ್ ಬೋಡಾಯಿನಾತ್ ಬೇಲೆ ಮಲ್ತೊಂದು ಪುದರ್ಪೋಯಿನ ಏತೋ ಕವಿ- ಕವಯಿತ್ತಿನಕಲೆನ ಇಡೆಟ್ತ್ಯ ಪೊಸ ಪೊಸ ತೆಗಲೆಲು ತೆಗಲೊಂದುಲ್ಲ. ಅತ್ತಾಂದೆ ಸಾಹಿತ್ಯದ ಬುಲೆಚಿಲ್ಗ್ ಸೊಂದೊಂದುಲ್ಲೆರ್.

ಅಂಚಾದ್ ಮೊಕಲೆನ್ ಮಾತೆರೆನ್ನಾ ಸೇರ್ಪಾವೊಂದು ಮಹಾರಾಷ್ಟ್ರದ ತುಳು ಕವಿ-ಕವಯಿತ್ತಿಲೆನ ಕಬಿತೆಲೆನ್ ಒಟ್ಟು ಮಲ್ತಾದ್ ಒಂಜೆ ಕೋಂದೆಡ್ ಸುರಿದ್ ನೆಯ್ಯೊಡ್ಂದ್ ಪ್ರಯತ್ನ ಬತ್ತೆ. ಈ ಬೇಲೆಗ್ ಸಾಯಿ ಕೊರಿನ ಮಹಾರಾಷ್ಟ್ರದ ತುಳು ಕವಿ-ಕವಯಿತ್ತಿನಕಲೆಗ್ ಸೊಲೆ ಸಂದಾವೊಂದುಲ್ಲೆ. ಈ ಕಬಿತೆದ ಕೋಂದೆಡ್ ಮಹಾರಾಷ್ಟ್ರದ ಮುಪ್ಪತ್ತೊಂಜಿ ಕವಿ - ಕವಯಿತ್ತಿ ನಕಲೆನ ಅಜ್ಜತ್ತೊಂಜಿ ಕಬಿತೆಲು ಉಂಡು. ಈ "ಪರವೂರು ತುಳು ಪುರ್ಪ" ಸರ್ವ ತುಳುವೆರೆಗ್ ಎಡ್ಡೆ ಕಮ್ಮೆನ ಕೊರ್ಪುಂಡುಂದು ಎನ್ನ ಮದಿಪು.

ಶಿಮಂತೂರು ಚಂದ್ರಹಾಸ ಸುವರ್ಣ
(ಸಂಪತ್ತಿನಾರ್)

ಗೊಂಚಿಲ್ಲತ್ತಿ ಪುಸ್ತಕಗಳು

1.	ಪನಿ-ಪನೀಶ್	7
2.	ಕುಟುಮ ಜರಿಪುಲೆ	9
3.	ಕಬಿತೆ ಉದಿತಾಂಡ್	11
4.	ಸತ್ಯ ದೈವೋಲು ಗಟ್ಟಿ ಸೇರಿಯನ....?	13
5.	ತಮೇರಿ	15
6.	ಕಲ್ಲಿಗದ ದೈತರಾಷ್ಟ್ರ	17
7.	ದೇವೆರ್ನ್ ಪಾಲ್	19
8.	ಇತೊಂಜಿ ಮಲ್ತುವನ	21
9.	ನಮ್ಮ ತುಳುನಾಡ್	23
10.	ಈ ಕ್ಷೇತ್ರ ಮಾರಣಿ ಕಟ್ಟಿ	26
11.	ನೇಸರ್ ದೇವೆರ್ ಮೂಡುನಗ	28
12.	ಸುಧಾರ್ಥಿನಕುಲು	29
13.	ನಟ್ಟುನಕುಲು	30
14.	ನಾಡೊಡು	32
15.	ಯಾನ್ ಎಂಚ ತೆಲಿಪುಗೆ!	34
16.	ಟೆನ್ಯನ್ ಸ್ವಾಮಿ ಟೆನ್ಯನ್.!	36
17.	ಭವಿಷ್ಯದ ಬಾಳ್ವೆ	38
18.	ಬದಲ್	39
19.	ಕುದುರು ಕುಂಜ ತಿರ್ಗ್ ತೂವೊಡು	41
20.	ಪಾಪದ ದೂಮಗ್ ಕೋಪದ ಬುಡೆದಿ	43
21.	ಪೊಣ್ಣು ಜೋಕುಲು	45
22.	ಕೋಡೆ ಇನಿ	46
23.	ಪೊಸತ್ ಉದಿಪು	48
24.	ಪೊರ್ಲುಗು ಮೈ ಮರ್ಲುಂಡು	50
25.	ಆಟೊದ ರಡ್ಡನೇ ಭಾಗವೆರ್ ಬೊಕ್ಕ ಎಂಕ್ಲೆ ಊರ್ದ ರಾಜಕೀಯ	51
26.	ಪೊರ್ಲುದ ಪೊಣ್ಣು	53
27.	ಬದ್ಕದ ಪಯಣ	55
28.	ಬಣ್ಣದ ಪಾಂತೆ	56
29.	ಓಲುಂಡು ಇನಿ ಓಲುಂಡು	57
30.	ಮದಪಡ ಬಾಲೆ ಮದಪಡ	58
31.	ಆಯೆ ಬದ್ಕದ್ ಒರಿಯೊಡು	59
32.	ಬೊಂಬಾಯಿ ರಾತ್ರೇಗಾಲಾ ಜೆಪ್ಪುಜಿ	61
33.	ಡೆನ್ನಡೆನ್ನನಾ ನಲಿಪುಗ ಡೆನ್ನಡೆನ್ನನಾ	63

34.	ಬದ್‌ಕ್ ಕೈ ಅರಾದ್ ನಿನನ್ ಲೆತ್ತೊಂದುಂಡು	64
35.	ತುಳುವಪ್ಪೆ ಜೋಕುಲು	66
36.	ದಾಯೆಗೀ ಭೇದ?	68
37.	ನೆನಪು	70
38.	ಉಡಲ ಬೊಲ್ಪು	71
39.	ಅಂಗಲಪ್ಪು	72
40.	ಕೋರ್ದಟ್ಟ	74
41.	ನಮ್ಮ ಊರು	76
42.	ಉಂದು ಭೂಷಣ	77
43.	ಕಾಲಚಕ್ರ	78
44.	ಮಾಲೆ	80
45.	ಮೋಕೆದ ನೆನಪು	81
46.	ದೊಡ್ಡದ ಮಹಿಮೆ	82
47.	ತಪ್ಪಾಂಡ್	83
48.	ಸಂಬಂಧ	84
49.	ದ್ವಾಪರ ಕಲ್ಪಿಗ	85
50.	ಆನಿದ - ಇನಿತ್ತ (ಪೋಣ್ಣಲು)	86
51.	ಸ್ವರ್ಗದ ಊರು ಪೇತ್ರಿ	87
52.	ಕಂಬುಳ	89
53.	ನಮ್ಮ ಇಲ್ಲೆ "ಆನಿ" "ಇನಿ"	90
54.	ನೀರ್	92
55.	ಗಾಳಿ	94
56.	ಸ್ಥಿತಿ ಇನಿತ	95
57.	ಮಣ್ಣೆ	97
58.	ಬಾವುಟ ಏರಿಸಾಗ !	98
59.	ಡಯಾನ ಓ ಡಯಾನ!	101
60.	ಸುಧಾರಣೆ	102
61.	ಕಾಂತಪ್ಪಣ್ಣನ ಬರ್ತ್‌ಡೇ	105
62.	ಕವಿಕ್ಕೊಲ್ಲ ಪತ್ತೆ	108



ಹನಿ-ಹನೀತ್

೧

ನಮ್ಮ ಕನ್ನಡ ಇತ್ತೆ
ಶಾಸ್ತ್ರೀಯ ಬಾಸೆ,
ತುಳುನು ತರ್ಕಲ ಆಪ್ಪೆ,
ಉಂದು ಎಂಕಲ್ಲ ಆಸೆ||

೨

ಸಂಘೋಲು ಸಂಸ್ಥೆಲು
ಬೊಂಬಾಯಿದ ಆಸ್ತಿಲು
ಪಟ್ಟೇದಾರ್ಡಿ ದಾಂತಿನ
ಮಾಮಲ್ಲ ಬದುಕುಲು||

೩

ಹಿಂದಿ ಚೀನಿ
'ಭಾಯಿ ಬಾಯಿ'
ಇತ್ತೆ ಅವೆನ್ ಪನ್ನೆರೆ
ಓಲುಂಡು ಬಾಯಿ?

೪

ಕಂಡನಿ ನಪುಂಸಕೆಂದ್
ಬೊಡೆದಿ ಬರ ಕೇಂಡಲ್
ತೀರ್ಮಾನ ಬನ್ನಗ
ಆಲ್ ಬಂಜಿನಾಲ್||

೫

ನೆನೆಪು ಶಕ್ತಿ ಇಜ್ಜಿ ಡಾಕ್ಟ್ರೀ,
ಪಂಡೆ ರೋಗಿ,
“ಫೀಸ್ ದುಂಬುದೀಲ
ಪಾತೆರ್ಗ ಬಾಕಿ” ||

೬

'ಮಳೆಕೊಯ್ಲು' ಪಂಡ
ದಾದೆ ಪಪ್ಪಾ?
ಬರ್ಸೊಡೇ ಕೆಯಿ
ಕೊಯ್ವಿನಪ್ಪಾ||

೭

ಲಾದಾನ್ ಸೈತೆಂದ್
ಬಾರಿ ಸುದ್ದಿ
ಮಂಗೆ ಮಲ್ಪುನು ದಾಯೆ
ನಂಕಿಜ್ಜ ಬುದ್ದಿ?||

೮

ಜಾತಿ ಭೇದ ಬಲ್ಲಿಂದ್
ಕಲ್ಪಾಯೆರ್ ಮಾಸ್ತ್ಯ
ಜಾತಿವಾರ್ ಸಂಖ್ಯೆ ಕೇಂಡ್‌ದ್
ನೋಟೀಸ್ ಹಾಜೆರ್||

೯

ಒರಿ ಕಾಸಿಗ್ ಪೋದು
ಗಂಗೆಡ್ ಮುರ್ಕಿಯೆ
ಮಿತ್ತ್ ಬನ್ನಗ
ಪಾಪಿ ಅರಂಟಿಯೆ||

೧೦

ಏತೋ ಕಾಲದ ಗೋಲಿದ ಮರ
ನುಂಗುದು ಸೈತ್‌ಂಡ್,
ಬೇರ್ ನಾಡೊಂದು ಪೋನಗ
ನಿರೆಟ್ ದೈ ಕೊಡಿದ್‌ಂಡ್||

ಡಾ|| ಸುನೀತಾ ಶೆಟ್ಟಿ

ಕುಟುಮ ಜಲಿಪುಲೆ

ದೂರೂಡು ಉಂತುದು ಪೂರ್ಲುತೂಪಿನ ನಿಕುಲು
ಜರಿದಿನ ಗೂಡೆನ್

ಕುಟ್ಟೆಪತ್‌ದಿನ ಜಂತಿಲೆನ್
ಉದಲ್ ಕುರೇದಿನ ರೀಪು
ಪಕ್ಕಾಸ್‌ಲೆನ್
ತೂತುಜರ್

ಹೆರಿಯ ಪೆರಿಯಾಕ್‌ಲೆನ
ಕತ್ತಲೆದ ಕೂಣೆಲೆಡ್,
ಇತ್ತೆಲಾ ತೂಟಿಲ್ ಕಟ್‌ದ್
ಧೂಪ ಪಾಡುನ ನಿಕುಲು
ಬಾಲೆ ಮಾನಾವೊಂದು ಉಲ್ಲರ್,
ಕುಬಲ್ ದೂರಿಯೊಂದು ಬರ್ಪಿನೆನ್
ಗೆನಿಪುಜರ್,

ಜೆಪ್ಪುನ ಕೂಣೆದ ಒಂಜೇ ಕನ್ನಡಿ
ಇತ್ತೆ ನಿಕಲೆನ ಮೂನೆ ತೂಪುಜಿ,
ಸಾವಿರ- ಸಾವಿರ ಬಿರಲುಲು,
ಎಣ್ಣೆದ ಕಸಂಟ್,
ತಲೆ-ತಲಾಂತರದ ಜರ್ಬು, ಗುದ್ದೂಲಿಡ್
ಸೀಲ್ ಸೀಲಾದ್
ಪಾದರಸ ತರೇದ್ ಪೂತುಂಡುಂದು
ನಿಕಲೆಗ್ ಗೂತ್ತಿಜ್ಜಿ

ಮೊಗಂಟೆ, ದರಿಟೊಂತೆ
ಕುಲ್ಲದು ತೂಲೆ
ಪಡಸಾಲೆದ ಪುಂಚೊನು
ಗರ್ತ್‌ದ್ ತೂಲೆ

ಜರೀದಿನ ಸುತ್ತು ಮದಲ್‌ನ್
ಕಟ್ಟುನ ನಿಕ್ಲೆಗ್
ಕುಂಬುಡ ಕುರಿಯೊಂದು ಬೈದಿನ
ಜಾಲ್ದ ಬರಿತ ಕುಕ್ಕುದ ಮರ
ಸೈಯ್ಯೊಂದು ಬೈದಿನ
ಗೂವೆಲ್‌ದ 'ದಂಡ್'
ಆಚೊಂದು ಪೋತಿನ ಗೊತ್ತಾತಿನೇ ಇಜ್ಜೆ

ಬಾಳಿಕೆ ದಾಂತಿನ ಪರತ್ತ್
ಏಪಲಾ ಪೊರ್ಲತ್ತ್
ಬದಕ್ ಮಲ್ತೆರೆ ಆವಂದಿನ
ಕುತ್ತಟ್ಟೊನು ಕುಡ್ತೊಂದು ಉಪ್ಪುನ
ಪರ್ಕಟ್ತ್ ಮಾಡ್‌ಲೆನ್
ಕುಟುದು ಜರಿಪುಲೆ,
ಪೊಸಯುಗತ ಪೊಸ ಭಾವ
ಪೊಸ ಸೌಧ,
ಮೂಡ್ತು ಬರಡ್;
ಸುತ್ತಿಗೆ, ನಮ್ಮ ಕೈಟೇ ಉಪ್ಪಡ್!

ಡಾ|| ಸುನೀತಾ ಶೆಟ್ಟಿ



ಕಬಿತೆ ಉದಿತರ್ಂಡ್

ಕಬಿತೆ ಉದಿತರ್ಂಡ್ ಸಬಿನ್ ತಿನ್ವಾಂಡ್ ತುಳು ಮಣ್ಣದ ಕಮ್ಮೆನದ
ಕವಿನ ಉಡಲ್ಡ್ ಅರ್ತಿ ಪಿರ್ತಿದ ಒಸರ್ ಉರ್ಕಾರ್ಂಡ್ ಪೆರ್ಮದ

||ಕಬಿತೆ||

ಮುಡಯಿ ಮಲೆ ಮತ್ತೆಸದ ಮಿತ್ತ ತೆಗಲೆ ಕೊಡಿಕೆ ಇಡೆಟ್ವೆ ನಿಲ್ಲೊಂದು
ಮುತ್ತು ಪಸೆರ್ದಿ ಪಜಿದರ್ ಗದ್ದಿಗೇಡ್ ಕಬಿತೆದ ನೇಗ ನಿರ್ಪುಡು
ಸುತ್ತ ಕುರ್ನಿರ್ದ ರಂಗ್ ಬಿರ್ಕೆದ್. ಸೂರ್ಯೆ ಕಣ್ಣೆ ಬುಲಾವೊಂದು
ಸುತ್ತ ಒರ್ಬಡಿ ಪಚ್ಚನೆ ಉಸುಲುಡು, ಕಬಿತೆದ ರಂಗಿತ ಪಸೆರೊಂದು

||ಕಬಿತೆ||

ತರೆ ದೆರ್ತ್ ಉಂತುದಿನ ಮುಗುಲಿ ಕಲಸೊಲು ಧರ್ಮ ಸಕ್ತಿನ ಪುಗರುಂಡು
ದಿಂಡೆ ದೀರೆರೆನ್ ಪುಗರು ಪುಗರ್ತೆದ ಶಂಖ ಜಾಗಟೆದ ಸೊರೊಕುಲೆಡ್
ಸತ್ಯ ದೈವೊಲೆ ಕೋಲ ನೇಮದ ಗಗ್ಗರದ ದನಿತ ಆ ದುನಿಪುಡು
ಸತ್ಯಧರ್ಮನು ತೊಂಕು ಉಜ್ಜಲ್ಡ್ ಬಾಮಿಪು ತುಳುವೆರೆ ಪೊರ್ಲುಡು

||ಕಬಿತೆ||

ದತ್ತಿ ಕಂಡೊಡು ಬಿತ್ತ ಪಾರಾದ್ ಪಚ್ಚನೆ ಪದೊಲಿದ ತಾಂಕನೆಡ್.
ಪೊತ್ತು ಸೂರ್ಯನ ಉರಿದೊಂಬುಗು ಪತ್ತುನ ಒರ್ಲ್ ಪಾಡ್ಡನರ ಸತ್ತಿಗೇಡ್
ಸುತ್ತ ತೂಂಡಲ ನಾಗಬನತ ತೆಗಲೆ ತೆಗಲೆಲೆ ಆ ಪೊರ್ಲು ನಲಿಕೆಡ್
ದೆರ್ದಿ ಕೈನ್ ಬೀಜಾದ್ ಲೆಪ್ಪುನ ದೈವ ದೇವೆರೆ ಗುಂಡ ಆಲಡೆಡ್...

||ಕಬಿತೆ ||

ಸಿರೆನ್ ಲಕ್ಕಾದ್ ಪೊಯ್ಯೊಡ್ ಪೊರೆಡೊಂದು, ನುರೆಕಕ್ಕುನ ಕಡಲ ಉಡಲ ಡ್
 ಮುಗಲ್ ಮರೆಟ್ ಅರ್ತಿ ಕುಸೆಲ್ ಡ್, ಚಂದ್ರೆ ಉದಿಪುನಗ ಬಾನೊಡು
 ಅಲ್ಪ ಕಂಬುಲದ ಮಂಜಟೆಡ್ ಪಾರುನ ಸೊರ್ಕುದ ಗಿದ್ಲೆ ರಾಪಾಟೊಪು.
 ದೆರ್ತ್ ಕಟ್ ದಿನ ಗೆಲ್ಪು ನಿಸರ್ನಿಗ್ ನೀರ್ ಪಾರಾವುನ ಪೆರ್ಮೆಡ್

||ಕ:೨ತೆ||

ಒಂಚಿ ತೂಂಡಲ ತರೆ ತಗ್ಗಾದ್ ಕಾರ್ಗಡ್ಡ ಬೂರುನ ಪಲ ಪೈರಲೆಡ್
 ತರೆ ದೆರ್ತ್ ಬಾನದೆತ್ತೊರೊಗು ಮುತ್ತ ಕೊರ್ಪಿನ ಮರ ಮಟ್ಟಲೆಡ್
 ಪರಪು ಕಡಿಯಂದೆ ಪರತೊಂದುಪ್ಪುನ ನೀರದಂಡ್ ತುದೆ ತಾರ್ಲೆಡ್
 ನಿತ್ಯ ಕಬಿತೆ ಕಟ್ ಪುಗರರೆ ಪುಟ್ಟಡ್ ಕವಿಪುಲು ತುಳುನಾಡ್ಡ್

||ಕ ಬಿತೆ||

ಅಲ್ಪ ಉದಿಪಡ್ ತುಳು ಪರ್ಬೊಲು, ಕಟ್ಟ್ ಕಾವಲ್ ಕಟ್ಟ್ ನಿಟ್ಟಡ್.
 ಅಟ್ಟ ಸೇರ್ದಿನ ನುಗನಾಯೆರ್ ಸಕ್ಕರ್ ಸನ್ನಯಿ, ಜತ್ತ ಬರಡ್ ಬೈಲಸೀವೆಗ್
 ಸತ್ಯ ದೈವೊಲೆ ಕೋಲ ನೇಮ-ನಾಗಮಂಡಲ ತುಳು ಮಣ್ಣಾಡೇ ನೆರೆಪಡ್.
 ಮತ್ಸ್ಯ ಗಂದೊಡು ಪಾರ್ ಬರಂದೆ ದೈವೊಲು,
 ತುಳು ಜಾಲ್ಡೇ ಕಲೆನಿಲೆ ತೋಜಾವಡ್

||೨ ಬಿತೆ||

ಶಿಮಂತೂರು ಚಂದ್ರವಾಸ ಸು:ರಣ್

ಸತ್ಯ ದೈವೋಲು ಗಟ್ಟ ಸೇಲಿಯನ....?

ಮಿತ್ತ ಲೋಕೋರ್ದು ಧರ್ಮ ರಚನೆಗ್ ತುಳುನಾಡ್‌ಗ್ ಜತ್ತ್ ಬತ್ತನ...
ಪತ್ತೆನ ಇಂಬುಡು ಬಲಿಬಾರ್ನೆ, ಹೋಮ,ನೇಮ ಗೆತೊಂಡನ...
ಒಲಿತ ಸತ್ತಿಗದ ನಿರಲ ಸಂಪುಡು ನಿಚ್ಚ ಮದ್ಮಯೆ ಆಯನ...
ತುಳುವ ನಾಡ್‌ದ ಸಾರ ಸಾನೊಲೆಗ್ ದೈವ ತಾನೊರಿಂದ್ ಪನ್ನಾಯನ...||

ಅರೆದಿ ಅರದಲ, ಕೋಲು ಮಯಿ, ಕುಂಕುಮದ ಬೊಟ್ಟ ಪಾಡಿಯನ...
ಕೊರೆದಿ ಗಗ್ಗರ ಸಿರಿ ಪಾಲೆದ, ಸಿರಿ ಸಿಂಗಾರದ ಐತ ಬಲ್ಯಾನ ಆಯನ...
ಉಂತುದಿ ದಿಸ ಮಕ್ಕಲಕಾಯ ಪೊಗ್ಗುದು ಅಬ್ಬರದ ಗಗ್ಗರಡೆಚ್ಚಿಡಾಯನ...
ಮೊರೆದಿ ಪೊರಿ ಪೊಡ್ಲೊಲು, ತೆಲ್ಲವುದ, ಬಲಿ ಬಾರ್ನೆಡ್ ಈ ಸಲ್ಮತಾಯನ...||

ಕಟ್‌ದಿ ಕಲಸ ಕನ್ನಡಿದ ಜಲಕೊಡು ಅಮೃತೊನು ಒರಗಾದ್ ಕೊರುಜನ...
ಕಟ್‌ದಿ ಮಂತ್ರದ ಬ್ರಹ್ಮಕಲಶೊಡು ಮಿಯೊಡ್‌ಂದ್ ಇತ್ತೆ ನುಡಿ ಕೊರ್ದನಾ...
ಸುದ್ದದ ಹೋಮೊಡು ಸುದ್ದ ಆತಿನಾಯೆ, ಬಟ್ಟೆನ ಸುದ್ದೊನಿತ್ತೆ ಬಯಕುವನಾ...
ಸುದ್ದ ಮುದಿರ್ಗಿದ ಕಟ್‌ ನಿಟ್ತ್, ಬಣ್ಣದುನ್ನದ ಪೊರ್ಲುನಿತ್ತೆ ಬುಡಿಯನಾ...||

ಒಲಿತ ಸಿರಿ, ಪಾಲೆದ ಅಣಿ, ಕಂಚಿದ ಮುಗೊನು ಅಟ್ಟ ಸೇರಾಯನ...
ಪಿಲಿತ ಗತ್ತ್, ನುಡಿತ ಮುತ್ತು, ಪತ್ತೆನ ಮದಿಪು ಮಿರಿಯನ...
ಬೊಲ್ಲಿ ಬಂಗಾರ್ಡು ದುನ್ನ ತುಂಬರಾವಂದೆ, ಅಜ್ಜ ಗಪ್ಪುನಗಿತ್ತೆ ಮಾಲುವನ...
ಬೊಲ್ಲಿಕುದುರೆ, ಬೊಲ್ಕುಡೆ ಸತ್ತಿಗಿ,ಬಂಡಿದ ಬಲಿನೇಮ... ಕಣ್ಣ್ ಕಟ್ಟೆನಾ...||

ಪತ್ನಿ ಸೇರ್ದ ಏರಾವು ಚಪ್ಪರ್ ದೊಂಪೊನು, ಗಟ್ಟಿ ಬೊಟ್ಟುಗು ಗಿಡತನ...
ಸಿಮೆಂಟ್‌ದ ದೊಂಪೊಡು ಕಡಪ್ಪದ ಮತ್ತರ್ಮೆಡ್ ಬಾಲ್ ಬಂಡಾರ ಕೆರ್ಪಾಯ ನ...
ಆಕಾಶ ಬುಡ್ಡು ಮಾರ್ಬುಲ್‌ಡ್ ಉಂತೊಂದು ಮಾನೆಚ್ಚಿದ ಬಿರ್ಡ್ ತೋಜಾಯ ನ...
ಅರದಾಲೊಗು ಬರಗಾಲ, ಪೆಯಿಂಟ್ ತೊಡೆತ್‌ದ್ ಪಿಲಿತ ಏಸ ಪಾಡಿಯನು...||

ನಾಗಸೊರ, ಕೊಂಬು ಬ್ಯಾಂಡ್‌ದ ಗತ್ ಬಿತ್‌ನ್ ಮದತನ...
ಚೋಲಿಕೆ ಪೀಚೆ ಉರ್ತುಜಿಡ ಇತ್ತೆ ಅಜ್ಜಗೆಪ್ಪರೆಲ ನರ್ಗುವನ...
ಪತ್ನಿ ಕೂಡ್ಡಿ ಪತ್ತೆರಿ ಕೂಟೊಗು ಬಲತ್ತ ಕಾರ್ ಪಾಡ್ಡ್ ಪೊಗ್ಗಿಯನ...
ತುಳುಬಾಸೆದ ನೇಗ ಬುಡ್ಡು ಇಂಗ್ಲೀಸ್‌ಡ್ಲಾ ನುಡಿಕೊರೆ ಪತಿಯನಾ...||

ಸುತ್ತೆ ದೀದ್ ಪಣಿಯಾರ ಬಲಸ್‌ದ್ ಪತ್ನಿ ಬಿರೆಲ್ ಒಪ್ಪ ಪತ್‌ನಗಲ
ಪತ್ತೆನ ಮದಿಪು ಮಾಣಿಕೈಂದ್...ಇತ್ತ ಚಾವಡಿಡ ಮದನೆ ಕಾಯಿಡ್‌ಲ...
ಇತ್ತೆ ಮಡೆ ಮೈಲಿಗೆದ ಬಿರ್ಡ್‌ಡ್... ಚಾವಡಿ ಜತ್ತದ್ ಜಾಲ್‌ಡಾಯನ...
ಬತ್ತಿಕಾಲದ ಗೊಂತು ಮದತ್‌ದ್...ಮತ್ಯ ಗಂದೊಡು ಬೊಂಬಯಿಗ್ ಪಾರಿಯೆ...||

ಆನಿದ ಎನ್ನ ಸತ್ಯ ದೈವೊಲು ತೆಂಬರೆದೊಟ್ಟುಗು ಪಿರ ಗಟ್ಟಿಗೇ ಪೋಯನ.
ಇನಿತ ಈ ಸಿನೇಮ ನಲ್ಲೆದ, ಕಂಡು ಕಪಟದ ಪೊಸ ಬೂತದ ಏಸನಾ...?
ಬೋಡಾ ನಂಕ್ ಈ ಕೋಲಬಲಿ, ತುಳುವೆರೆ ಮಾನ ಮರಿಯಾದಿ ಕೇ ಪಿನ
ಭಯ ಭಕ್ತಿನೆ ನಾಶ ಮಲ್ಪುನ ಇಂಚಿ ಕೋಲಬಲಿ ನಂಕ್ ಬೋಡೆನಾ.. ?

ಶಿಮಂತೂರು ಚಂದ್ರಹಾಸ ಸುವರ್ಣ



ತಮೇರಿ

ಯಾನ್ ಎಲ್ಲಿಪ್ಪುನಗ ಅಜ್ಜೆರ್ ಪಂತೆರ್
ಮಗಾ, ಒವೆನ್ ಮೀರಿಯಾಡ್ಲಾ
ತಮೇರಿ ಮೀರ್ಡ್ ನಡೆಪಡಾ,
ಉಂತುದಿನ ಭೂಮಿಗ್ ದುನ್ನ ಅವಡಾ

ಇನಿ ಅಜ್ಜೆರ್ ಇಜ್ಜೆರ್!
ಆಂಡ ಅರೆನ ದುನ್ನ ಬಣ್ಣದ ಬದ್ಕ ನೆನಪುಂಡು
ಅಂಚಾದೇ ಆರ್ ಪಂತಿನ ಪಾತೆರ ನೆನಪಾವೊಂದುಂಡು
ಪಜ್ಜೆ ಪಜ್ಜೆಗ್ ಎನ್ನ ಉಡಲ್ಡ್ ದುನಿತೊಂದುಂಡು

ಒಡೆಪೊಂಡು ಆ ಗುತ್ತು ಬರ್ಕೆದ ಗತ್ತ್ ಇನಿ
ಪ್ರಾಣ ಪೊಂಡಲಾ ಮಾನ ಪೋವರೆ ಬುಡಯೆ ಪನ್ನಿನ ಛಲ ಇನಿ
ಪುಟಿನ ಇಲ್ಲಗ್ ಪುದರ್ ಕನ್ನಿನ ಬುಡಿ
ನಮ ಓಲು ಪುಟುದಿನಿಂದೇ ಗೊತ್ತುಜ್ಜಿ ನಂಕ್ ಇನಿ

ಅಪ್ಪೆ ಅಮ್ಮೆ ತಮ್ಮಲೆ ಅರುವದೆ ಮೆಗ್ಗೆ ಪಲಯೇ ತಗೆ ತಂಗಡಿ
ಅರ್ಥದಾಂತಿನ ಬದ್ಕದ ಸಂಬಂಧದಾಂತಿನ ಶಬ್ದೊಲು ಉಂದು
ಚಾವಡಿ, ಕುತ್ತಟ್ಟ, ಅಂತರ, ಪಡಸಾಲೆ ಬೊಡ್ಡಾಂಡ್ ನಂಕ್ ಇನಿ
ಡ್ರಾಯಿಂಗ್ ರೂಮು, ಕಿಚನ್, ಬೆಡ್ ರೂಮುಲೇ
ಬೋಡಯ ನಂಕ್ ಇನಿ

ಮದ್ಯೆ ನಿಶ್ಚಯೋಗ್ ಇನಿ ಉಂಗಿಲನೇ ನಂಕ್ ಬೋಡಾಂಡ್
ಬಚ್ಚೆರೆ ಬಚ್ಚೆಯಿ ಅಣ್ಣಾಕಾಯಿ ಬೋಡ್ವಾಂಡ್
ಪೂಸೀರೆ ಪದ್ವೆಯಿ ಬಂಗಾರ್ ಮದ್ಯೆದಾನಿಲ ನಂಕ್ ಬೋಡ್ವಾಂಡ್
ಕುಡ್ವಲ್ ಬೂತದಂಚಿನ ಕುಜಲ್ಗ್ ಶರಾರನೇ ಪೋರ್ಲಾಂಡ್

ಕೋಲ ಪನ್ನಿನ ನಮ್ಮ ಜೋಕುಲೆಗ್ 'ಡೆವಿಲ್ಸ್ ಡಾನ್ಸ್' ಆಂಡ್
ಸಯಿತಿನಾಯನ್ ಉಲಯಿ ಲೆಪ್ಪುವ 'ಇನ್ ಕಾಲಿಂಗ್' ಆಂಡ್
ಜಾರಂದಾಯಗ್ ಇನಿ ನುಡಿ ಕೊರೆಲಾ ಇಂಗ್ಲೀಷೇ ಬೋಡಾಂಡ್
ಜುಮಾದಿಗ್ ಇನಿ ಗಗ್ಗರ ದೀವರೆ 'ರಸಿಕಾ ಓ ಪ್ರಿಯತಮಾ'
ಇನಿ ಗಗ್ಗರ ದೀವರೆ 'ರಸಿಕಾ ಓ ಪ್ರಿಯತಮಾ'
ವಾದ್ಯ ಉರೊಡ್ವಾಂಡ್

ಅಂದೆ ಭೋಜಣ್ಣ, ಉಂದು ದಾಯೆಗ್ ಇಂಚಾಂಡ್,
ಉಂತುದಿನ ನೆಲತ್ತ ಮಹಿಮೆನಾ
ಬಯಿದಿನ ಕಾಲದ ಗುಣನಾ
ಈರ್ ಒರ ಪಣ್ಣೆ, ಈ ಕಾಲದ ಕೋಲ ಎಂಕ್ ಸಾಕಾಂಡ್

ಯಾನ್ ಎಲ್ಲಿಪ್ಪುನಗ ಅಚ್ಚೆರ್ ಪಂತೆರ್
ಮಗ ಒವೆನ್ ಮೀರಿಯಡ್ಲಾ
ತಮೇರಿ ಮೀರ್ಡ್ ನಡಪಡಾ
ಉಂತುದಿನ ಭೂಮಿಗ್ ದುನ್ನ ಆವಡಾ

ಸೀತಾರಾಮ್ ಆರ್. ಶೆಟ್ಟಿ

ಕಲ್ಪಗದ ಧೃತರಾಷ್ಟ್ರ

ಉಂದು ಒಯಿತ ಪುಗೆ ಸುತ್ತಲಾ ಪರಡ್‌ದಿನಿ?
ತಾದಿಲಾ ಗೊತ್ತಾಪುಜಿ, ನರಮಾನಿಲಾ ಇಜ್ಜಿ!
ಮೂಲಿತ್ತಿ ಪಚ್ಚಿ ಪಜೀರ್ ಒಡೆ ಪೋಂಡು?
ಉಂದು ಒವುನಾಡ್ ? ಅತ್ತ್
ನಾಡ್‌ಡ್ ಬುಲೆತ್ತಿನ ಕಾಡ್!
ಎಂಕ್ ಒರ ಪನ್ನರಾ, ಯಾನ್ ಓಲುಲ್ಲೆ?

ಮುಲ್ತ ನೀರ್‌ಡ್ ನೆತ್ತೆರ್‌ದ ಕಮ್ಮೆನ ದಾನೆ?
ಉಂದು ವಾ ಬರ್ಸದ ಕೆಸರ್!
ಯಾನ್ ದಂಟೊಂದುಲ್ಲೆ, ಉಂದು ಏರ್ನ್ನ ಕೈಕಾರ್?
ಯಾನ್ ಬೂರೊಂದುಲ್ಲೆ, ಉಂದೇರ್ನ್ನ ಮೂಂಕು, ಕೆಬಿ, ಕಣ್ಣ್?
ಎಂಕ್ ಒರ ಪನ್ನರಾ, ಯಾನ್ ಓಲುಲ್ಲೆ?

ಅರೆದೊಂಬುಡು ಬೂರುನ ಪನಿ ಬರ್ಸೊಡು,
ಆನೆದ ಬೆರಿಟ್ತ್ ಕುದ್ಡನ ದಿಬ್ಬಣ ಪೋನಗ,
ಅವು ಏರ್‌ಯಾ ಆ ನಾಯಿಲೆಗ್ ಬೆಡಿಕೊರ್ತಿನಿ?
ಒರಿದ್‌ಜೆರಾ ಮೂಲು ಒರಿಲಾ ನರಮಾಣಿ?
ಶಹಬಾಷ್! ಇತ್ತೆ ಆಂಡಲಾ
ನರಿನಾಯಿಲೆಗ್ ರಾಜ್ಯ ಬುಡುಕೊರಿಯರತ್ತಾ ನಿಕುಲು
ಎಂಕೊರ ಪನ್ನರಾ ಯಾನ್ ಓಲುಲ್ಲೆ?

ಅವು ಏರ್‌ಯಾ ನೆತ್ತೆರ್ ಪರ್ಪಿನಿ ಅವುಲು?
 ಎನ್ನ ಮಗೆ ದುಶ್ಯಾಸನೆ ಭೀಮನ ನೆತ್ತೆರ್‌ಡ್
 ದ್ರೌಪದಿನ ತರೆ ಬರ್ಚೊಂದುಲ್ಲೆನಾ?
 ತೂಯನಾ ಗಾಂಧಾರಿ! ಪುಟ್ಟುಂಡ ಇಂಚಿನ ಬಾಲೆಲು ಪುಟ್ಟೊಡು;
 ಉಂದೆನ್ ತೂವರೆಆಂಡಲಾ ಒರ ನಿನ್ನ ಕಣ್ಣೆದ ಕುಂಟು ದೆಪ್ಪು
 ನಿನ್ನ ಕಣ್ಣೆಡ್ ಆಂಡಲಾ, ಉಂದೆನ್ ಮಾತಾ
 ಒರಯಾನ್ ತೂಪೆ,
 ಎಂಕ್ ಒರ ಪನ್ನರಾ, ಯಾನ್ ಓಲುಲ್ಲೆ?

ಅವು ಏರ್‌ಯೆ ಉಂತುದಿನಿ ಅವುಲು?
 ಧರ್ಮ ರಾಯೆನಾ? ದಾನಶೂರೆ ಕರ್ಣೆನಾ
 ನಿಕಲೆಗ್ ಎಂಚಿನವು ಕೆಲಸ ಕಲ್ಪಿಗೊಡು?
 ಧರ್ಮ ದ್ವಾಪರೊಡೆ ಮುಗಿದ್‌ಂಡ್
 ದಾನ ಮಹಾಭಾರತೊಡೆ ಮುರ್ಕುದ್‌ಂಡ್!
 ಪೋಲೆ ಮಗಾ, ನಿಕುಲು ಪಿರಪೋಲೆ
 ಕಣ್ಣೆ ಇತ್ತಿನಕ್ಕೆಗ್ ಮೂಲು ಜಾಗ ಇಜ್ಜಿ!
 ಗಾಂಧಾರಿ ಲೆಕ್ಕ ಕಣ್ಣೆಗ್ ಕುಟಾಂಡಲಾ ಕಟ್ಟಲೆ
 ಆಂಡ ಅವೆಡ್ ದುಂಬು ಎಂಕೊರ ಪನ್ನೆ
 ಯಾನ್ ಓಲುಲ್ಲೆ?

ಕೇಣುಂಡಾ ನಿಕಲೆಗ್
 ಬಾನೊಡು ಚಂದ್ರೆ ತೆಲ್ಪುನಾ: ಫಕಾ ಫಕಾ ಪಂಡ್
 ತೋಜುಂಡಾ ನಿಕಲೆಗ್
 ಬೊಳ್ಳಿಲು ನಲಿಪುನಾ: ಥಕಾ ಥಕಾ ಇಂದ್‌ದ್
 ಈ ತೆಲಿಕೆ, ಈ ನಲಿಕೆ ದಾಯೆಗ್ ಗೊತ್ತುಂಡಾ ಧರ್ಮ?
 ದ್ವಾಪರದ ದಾನಲಾ ಸುಳ್ಳು ಆಂಡ 'ಮಹಾಭಾರತ' ಮಾತ್ರ ಸತ್ಯ ಪಂ ಶ್‌ದ್
 ಇತ್ತೆ ಎಂಕೊರ ಪನ್ ಕರ್ಣ
 ಯಾನ್ ಓಲುಲ್ಲೆ?

ಸೀತಾರಾಮ್ ಆರ್ ಶೆಟ್ಟಿ



ದೇವೆರ್ನ ಪಾಲ್

ಜೋಕುಲು ಉಪ್ಪುನಗ
ಕಾಡ್ಡ್ ಸುತ್ತೊಂದು
ಪುದೆಲ್ದ ಕೇಪುಲ ಪಂದ್
ಕುಂಟಲ, ಕರಾಂಡೆ, ಪೊದ್ದಲ್ಲ ಪಂದ್
ದಾಸಾಲದ ಪೂ ಪೂರಾ ಒತ್ತಾರೆ ಮಲ್ದ್
ಪಾಲ್ ದಿವರೆ ಪತ್ತಾಯ

ಉಂದು ಚಿಂಕ್ರನ ಪಾಲ್
ಉಂದು ಬೊಗ್ಗನ
ಉಂದು ವನಜನ
ಉಂದು ರಮೇಶನ
ಕಡೆಕ್ ಒಂಜಿ ದೇವೆರ್ನ.....

ಅಕಲೆಕನ ಪಾಲ್ ಪತೊಂದು
ದೇವೆರ್ನ ಪಾಲ್ ಅವುಲೆ ದೀದ್
ರಾತ್ರೇಗ್ ಮಾಡ್ ಸೇರೊಂದಿತ್ತ

ಒಂತೆ ಮಲ್ಲಾದ್
ರೆಂಕೆ ಬುಡುದು ರಾವನಗ
ರಡ್ಡ್ ಕೈಲ ಸೊಂದುನಗ
ಕುಡ ಪಾಲ್ ದಿವರೆ ಪತಿಯ
ಬುಡೆದಿನ.....ಜೋಕುಲೆನ
ಕುಟುಂಬದ.....

ಪಾಲ್ ದಿವೊಂದು ದಿವೊಂದು
ಪುಲ್ಯಾಲ್ಲಡೆ ಮುಟ್ಟ ಬತ್ತಾಂಡ್
ದೇವೆರೆಗ್ ಪಾಲ್ ದೀಜಿಡಾ
ನಡಪುಂಡು ಪನ್ನಿನ
ನಂಕ್ ಸರಿ ತೆರಿದ್ ಪೋತುಂಡು

ಆಂಡಾ

ಒಂಜಿ ದಿನ ರಾತ್ರೇಗ್
ದೇವೆರ್ ಬತ್ತದ್
ಕೊರು ಎನ್ನ ಪಾಲ್
ಇಂದುದು ಕೆನ್ನಗ
ಒರಾನೆ ದೊಂಡೆ ನುಂಗಾವೊಂದು
ಚರ್ಮೊಗು ಪತ್ ಪೋತಿನಾ

ರಡ್ ಬರ್ಚಟ್ ಕೈನ್
ದೇವೆರ್ನ ಎದುರು ಪತ್ದ್
ಎನಡ ದಾಲಾ ಇಜ್ಜಿ ಪಂಡೆ
ದಾಲಾ ಇಜ್ಜಿ

ಇದ ಮುಟ್ಟ ನಿನ್ನ ಪಾಲ್ನ್
ಈ ತಿಂದಾಂಡ್
ನನ ಒರಿದಿನ ಎನ್ನ ಪಾಲ್
ಮನಸಾಯಿನದಗ ಕೊನಪೆ ಪಂಡ್ ದ್ ಪೊಯೆರ್

ಇತ್ತೆ ಯಾನ್ ಬದುಕುದುಪ್ಪುನು
ದೇವೆರ್ನ ಪಾಲ್ಡ್
ಕಾತೊಂದುಲ್ಲೆ ಯಾಪಾ ದೇವೆರ್ ಬತ್ತದ್
ಎನನಾಲಾ ದೇವೆರ್ ಮಲ್ಪುವೆರಾ ಪಂಡುದು...

ಅರುಷಾ. ಎನ್.ಶೆಟ್ಟಿ

ಇತೊಂಜಿ ಮಲ್ವುವನ

ಇಪ್ಪತ್ತೆಡ್ ಎನನ್ ಕಾಪುಲಾ
ನಿನಡ ಉಂದೆನ್ನ ಪ್ರಾರ್ಥನೆ ಅತ್ತೆ
ಬರ್ಪಿ ಇಪತ್ತೆಗ್ ಯಾನ್
ಬೆರಿ ಪಾಡಂದಿಲೆಕ್ಕ ಮಲ್ಪು
ಉಂದು ಎನ್ನ ಪ್ರಾರ್ಥನೆ

ದುಃಖ ದಿಂಜಿದ್ ಉಡಲ್ ಉರ್ಕಾನಗ
ಮೋಕೆದ ಮಟ್ಟಿಲ್ ಆಯಿಜಡಲಾ
ದುಃಖ ಬೇನೆಗ್ ತಿಗಲೆ ಕೊರ್ದು
ಜಯಿತ್ ಬರ್ಪಿನಿ ವರ ಕೊರು
ಉಂದು ಎನ್ನ ಪ್ರಾರ್ಥನೆ

ಈ ಎನ್ನ ಕೈ ತಾಂಗ್‌ಜಡ ಮಲ್ಲೆತ್
ಎನ್ನ ಉಡಲಾ ಪೆರ್ಮೆ
ಪೊಲ್ಯಾಂದಿಲೆಕ್ಕ ಮಲ್ಪು

ಬಿಕ್ಕಟ್‌ದ ಕಡಲ ನಡುಟು
ನೆತ್ತಿ ಮುರ್ಕುಂಡಲ
ದೆರ್ತ್ ಪತ್ತೆಂದು ಮಲ್ತಿಯೆ ಹಠ

ಅಂಡಾ... ನೀಂದೊಂದು ಆಯಾರೆ
ಸೇರುನ ಕೊರು ಬಲ
ಉಂದು ಎನ್ನ ಪ್ರಾರ್ಥನೆ

ಕಷ್ಟದ ಪುದೆ ಜಾವರೆ
ನಿನಡ ಪನಯೆ

ಆಂಡಾ ಎನ್ನ ಪುದೆ ಯಾನೆ ತುಂಬುದು
ನಡಪುನಂಚಿನ ಬಲ ಕೊರು
ಉಂದು ಎನ್ನ ಪ್ರಾರ್ಥನೆ.

ಸುಖದ ದಿನೊಟು ಈ ಬನ್ನಗ
ನಿನ್ನ ಗುರ್ತು ಎಂಕ್ ಆವಡ್
ದುಃಖದ ಇರ್ಲುಡು
ನೆಲಬಾಯಿ ಬುಡ್ಡು ದಿಂಗ್‌ನಗ
ನಿನ್ನ ಮೋಕೆದ ಮಚ್ಚೆಲು
ಎಂಕುಪ್ಪ ಇನ್‌ಪಿನ ಸಂಶಯ ಎಂಕು ಬರಂಗೆ
ಈತೊಂಜಿ ಮಲ್ಪುವನ ದೇವರೆ.

ಅರುಣಾ. ಎನ್.ಶೆಟ್ಟಿ



ನಮ್ಮ ತುಳುನಾಡ್

ವಾ ಪೊರ್ಲಯೇ ನಮ್ಮ ತುಳುನಾಡ್
ನಮ್ಮ ತುಳುನಾಡ್ ಜನಕುಲ್ ನಮ್ಮ ತುಳುನಾಡ್ ಸೃಷ್ಟಿ ||೧||

ಭೂಲೋಕೊಡ್ ಪರಶುರಾಮ ಸೃಷ್ಟಿದ
ಪವಿತ್ರ ಕ್ಷೇತ್ರ ನಮ್ಮ ತುಳುನಾಡ್ ಭೂಮಿಯೇ
ನಮ್ಮ ನಾಡ್ ಜನತ ಭಯ ಭಕ್ತಿಯೇ
ಅವೇ ನಮ್ಮ ಪರಂಪರದ ದೈವದ ಶಕ್ತಿಯೇ
ಬಡಕಾಯಿ ಅಂಕೋಲದ ತುದೆತ ಗಡಿದ್
ತೆನ್ಕಾಯಿ ನೀಲೇಶ್ವರ ಅಲ್ಪದ ಗಡಿ ಮುಟ್ಟಿ
ಉಂಡುಯೇ ನಮ್ಮ ತುಳುನಾಡ್ ತುಳು ಪಾತೆರುನ ಜನಕುಲು
ಈ ನಮ್ಮ ತುಳುನಾಡ್ ಕ್ಷೇತ್ರದ ಕಾರಣಿಕೊನ್
ಪನೊಂದುಲ್ಲೆ ಯಾನ್ ಕೆಬಿ ಕೊರ್ದು ಕೇನ್ಲೇ ನಿಕುಲು ಮಾತ ||೧||

ರಡ್ಡೆ ಸಾರತ್ತಾ ಐನೂದ್ ವರ್ಷ ಪಿರಾಕ್ದ ಭಾಷೆ ನಮ್ಮಯೇ
ಐವ ಲಕ್ಷದೋ ಮಿತ್ತ್ ಉಲ್ಲೇರಿಯೇ ತುಳು ಜನಕುಲ್ ನಮ್ಮ
ಐನೂದ್ ಮೈಲ್ ಉದ್ದದ ಕಡಲ್ ಬರಿ ಉಂಡುಯೇ ನಮ್ಮ
ಅಂಚಿನೇ ಉಂಡು ಐನೂದ್ ಮೈಲ್ ಉದ್ದದ ಕೊಂಕಣ ರೈಲ್ ನಮ್ಮ ||೧||

ಏತುಂಡುಯೇ ನಮ್ಮ ದೇವಸ್ಥಾನ, ದೈವದ ಸ್ಥಾನ ಮೂಲಸ್ಥಾನ ನಮ್ಮ
 ಬನ, ಗುಡಿ, ಗೋಪುರ, ಗರೋಡಿ ಸಾನ ನಂಕ್
 ನಮ ನಂಬಿನ ದೈವದ ಸ್ಥಾನ,ವುಂದೇ ನಮ್ಮ ತುಳುನಾಡ್ಡ ವಿಶೇಷ
 ಪ್ರಾಕೃತಿಕದ ಆಧ್ಯಾತ್ಮಿಕ ನಮ್ಮ ನಾಡ್ಡ ||೧||

ವಾ ತಾರೆಯೇ ವಾ ಬಾರೆಯೇ ಕಂಗ್ ಕರಂಬು ತಾಳಿ ಪರಂದ್ಡಯೇ
 ಅರಿ ಬಾರ್ ರಬ್ಬರ್ ಬುಳೆಪುನ ನಮ್ಮ ನಾಡ್ಡ ನಮ್ಮ ಭೂಮಿಡ್ಡಯೇ
 ನಂಕ್ ಬಾರಿ ಭಯ ಭಕ್ತಿ ದೇವರೆ ಮಿತ್ತ್, ದೈವದ ಮಿತ್ತ್
 ನಾಗನ ಮಿತ್ತ್ ನಮ ನಂಬಿನ ಬಬ್ಬರ್ಯ ಜಾರಂದಾಯೆ
 ಕೊಡಮಣಿತ್ತಾಯೆ, ಜುಮಾದಿ, ಕೊಡ್ಡಬ್ಬು, ಕಲ್ಲುಟ್ಟಿ ಗುಳಿಗನ ಮಿತ್ತ್
 ನಮ ನಂಬಿ ಪಂಜುರ್ಲಿ, ಕಾಂತಬಾರೆ ಬುದಬಾರೆ ಕೋಟಿ ಚೆನ್ನಯೆರೆ ಮಿತ್ತ್
 ವರ್ತೆ, ಸೂಕತ್ತೆರಿ, ಜಾಲ ಕೊರತಿ, ಬೈಕಾದಿ ಅಜ್ಜಿ ಮಿತ್ತ್
 ಉಂದೇ ನಮ ನಂಬಿ ದೈವ, ಅಕುಲೇ ಕೊರೊಡ್ಡ ನಂಕ್ ಇಂಬು ||೧||

ನಮ್ಮ ದೇವಸ್ಥಾನದ ಬಲಿ ಆವರೆ ಉಂಡುಯೇ
 ಕೊಡಿ ಏರೆರೆ ಉಂಡುಯೇ, ಜಾತ್ರೆ ತೂವರೆ ಉಂಡುಯೇ
 ಎಂಕಲೆಗ್ ತೇರ್ ಒಯಿಪರೆ ಉಂಡುಯೇ
 ವರ್ಷಾವದಿ ನೇಮ ಆವರೆ ಉಂಡುಯೇ
 ನಮ್ಮ ಭೂತೊಲೆಗ್ ಕೋಲ,ನಡರಿ,ತುಡರ ಬಲಿ ಆವರೆ ಉಂಡುಯೇ
 ಸುತ್ತೆ ದೀವರೆ ಉಂಡು ದೈವಗು, ಕೋರಿ ಕುದ್ದೆರೆ ಉಂಡು
 ಅಗೆಲ್ ಬಲಸೆರೆ ಉಂಡು, ಗಡಿಯಾರ ಕೊರರೆ ಉಂಡು
 ರಾಹುಗ್ ಮಲ್ಲೆರೆ ಉಂಡು, ಮಿತ್ತಾಡಿ ದೇವರೆ ಉಂಡು ||೧||

ತೇರ್,ಜಾತ್ರೆದ ಮನದಾನಿ ಕೋರಿದ ಕಟ್ಟ ತೂವರೆ ಉಂಡು
 ಕೋರಿ ತಿನಿಯೆರೆ ಉಂಡು
 ಯಂಕಲೆನ ಪರಕೆದ ಆಟ ಆವರೆ ಉಂಡುಯೇ
 ಅರಸುಲೆನ ಕಂಬುಲೊಡು ಎಂಕಲೆನ ಎರು ದೇರೆರೆ ಉಂಡುಯೇ|| ೧||

ಕೊಡ್ಡಬ್ಬುತನ್ನಿಮಾನಿಗೊನು ಜಪುಡುದು ಕೊರೆರೆ ಉಂಡುಯೇ
ಮೂಲಸ್ಥಾನೊಡು ನಾಗದರ್ಶನ, ನಾಗಮಂಡಲ ಆವರೆ ಉಂಡುಯೇ
ತನು ತಂಬಿಲ ಕಟ್ಟರೆ ಉಂಡುಯೇ
ಅಂಡೆದ ಸಿರಿ ಕಟ್ಟರೆ ಉಂಡುಯೇ
ಇಲ್ಲಡ್ ಪುಂಡಿ ಪನವು ಕಟ್ಟರೆ ಉಂಡುಯೇ ದೇವರೆಗ್
ಕಡೇತ ಕಂಡೆವುದ ಆಯನೊಗು ಪೊವರೆ ಉಂಡುಯೇ ||೧||

ಓಲೋಲು ಉಲ್ಲೇರಿಯೇ ನಮ್ಮ ತುಳುವೆರ್
ತುಳುವೆರ್ ಉಪ್ಪಂದಿ ದೇಶ ಓಲುಂಡು ಪನ್ಲೆ ನಿಕುಲು
ಯಂಕಲೆನ ಜವಣೇರ್ ಜೋಕುಲು ಬೊಂಬಾಯಿಡ್ಡ್
ಪರವೂರ್ಡ್ಡ್ ಬರೆ ಉಲ್ಲೇರಿಯೇ
ನಿಕುಲು ಯಾಪ ಬರ್ಪರಿಯೇ, ಯಂಕಲೆನ ತುಳುನಾಡ್ನ್
ತೂವರೆ ತುಳು ಅಪ್ಪೆನ್ ತೂವರೆ, ||೧||

ಒರ ಬಲ್ಲೆಯೇ ನಿಕುಲು ಮಾತ ಯಂಕಲೆನ ತುಳುನಾಡ್ ತೂವರೆ

ಶಶಿಕುಮಾರ್ ಸಿ. ಕುಂದರ್

ಕಲೆ ಕ್ಷೇತ್ರ ಮಾರಣಿ ಕಟ್ಟಿ

ಶ್ರೀ ಕ್ಷೇತ್ರ ಮಾರಣಿ ಕಟ್ಟಿ ಮಲ್ಲ ಕಾರ್ಣಿಕದ ಕಟ್ಟಿ
ಶ್ರೀದೇವಿ ಮುಕಾಸುರನ್ ಸಂಹಾರ ಮಲ್ತಿನ ಕಟ್ಟಿ
ಉಂದೇ ಮರಣದ ಕಟ್ಟಿ ಅವೇ ಇನಿತ ಮಾರಣಿಕಟ್ಟಿ
ದೇವಿ ಶ್ರೀ ಚಕ್ರೋಡು ಮುಕಾಸುರಗ್ ಮರಣ ಕೊರ್ದಿನ ಕಟ್ಟಿ||

ಅಪ್ಪೆ ದೇವಿನ ಪರಮ ಭಕ್ತಿ ಮುಕಾಸುರೆ
ಅಯನ ಭಕ್ತಿಗ್ ಮೆಚಿನ ದೇವಿ ಕರುಣಾಮಯ ಹೃದಯೊಡು
ಮುಕಾಸುರಾ ಈ ಕೇನಿನ ವರೊನು ನಿಕ್ಕ ಕೊರೊಂದುಲ್ಲೆ
ನಿನ್ನಂತ್ಯದುಲಯಿ ಅವೆನ್ ಈ ಕೇನಲಾ ಇನ್ನಗ||

ಆ ಅಸುರೆ ಸಂತೋಷಡು ಕಣ್ಣನೀರ್ ಗೆತ್ತದ್
ಜಗನ್ಮತೆ ಅಪ್ಪೆ ಆದಿಶಕ್ತಿ ಮಹಾಲಕ್ಷ್ಮಿ ಮಹಾಮಾಯೆ
ನಿನ್ನ ಕೈಟ್ ಯಾನ್ ಮರಣ ಗೆತ್ತೊನುನನೇ ಮಿತ್ತಡ್
ಉಂದೇ ಎನ್ನ ಮಲ್ಲ ಭಾಗ್ಯ ಪನೊಡು ಅಪ್ಪೆ||

ನೆತ್ತಡ್ ಮಿತ್ತೊಂದಿಜ್ಜಿ ನಿನ್ನ ಕರುಣೆದ ಕಡಲಡೇ
ಯಾನ್ ಮಿನಂಚ ಆಂಡ್ ಉಂದೇ ಯನ್ನ ಭಾಗ್ಯ
ಯಂಕಾದ್ ಕೇನುನ ದಾಲಾ ಇಜ್ಜಿ ಅಪ್ಪೆ||

ನಿನನ್ ನಂಬಿನ ಭಕ್ತರೆನ್ ಅನುಗ್ರಹ ಮಲ್ತೆರೆ
ಈ ಕ್ಷೇತ್ರೋಗು “ಶ್ರೀ ಕ್ಷೇತ್ರ ಮುಕಾಂಬಿಕೆ” ಇನಿಪಿನ
ಪುದರಡ್ ನಿಲೆ ಮಲ್ಪಡು ನಿನ್ನ ಭಕ್ತರೆನ್
ಆಶೆನ್ ನಡಪಾಡ್ಡ್ ಕೊರೊಡು ಅಪ್ಪೆ ದೇವಿ||

ಇನದ್ ಯಾನ್ ಈರೇಗ್ ಕೈ ಮುಗಿದ್ ಕೇನೊಂದುಲ್ಲೆ
ಆದಿಶಕ್ತಿ ಮಹಾಲಕ್ಷ್ಮೀ ಮುಕಾಸುರನ ಪಾತೆರೆಗು ಮೆಚ್ಚಿದ್
ಆಯಿಕೇಂಡೀ ಲೆಕ್ಕನೇ ಲೋಕ ಕಲ್ಯಾಣದ ವರನು
ವಾಗ್ಗಾನ ಮಲ್ತೆರ್ ಶ್ರೀ ದೇವಿ ಆಯಗ್

ಶ್ರೀ ದೇವಿನ ವಾಗ್ಗಾನದ ಅಂಚನೆ
ದೈವ ಸ್ವತ ಮನ್ವಂತರಾಂತ್ಯದ ಇರ್ದತ್ತೆಡ್ಡನೆ
ದ್ವಾಪರಯುಗತ ಅಂತ್ಯಡು ಪತ್ನಿ ಸಹಿತ
ಮುಕಾಸುರನ ಸಂಹಾರ ಮಲ್ತೆರ್ ಉಂದೆ ಕಟ್ಟೆಡ್
ಅವೇ ಆಂಡ್ ಇನಿತಮಾರಣಿ ಕಟ್ಟೆ

ಒಂಜಿನೇ ಪಾದದ ಐನ್ ಸಾವಿರ ವರ್ಷಡು ಬೊಕ್ಕ
ಕೆಲವು ಕಾಲಡೊ ತುಳುನಾಡ್ ಬೇತೆಬೇತೆ ಜಾಗೆಡ್
ನಿಲೆಮಲ್ತ್ಡ್ ಕಡೇಕ್ ಅವೇ ಜಾಗೆಡ್ ಬತ್ತಡ್
ಕಲಿಯುಗದ ಆದಿಡ್ ಮುಕಾಸುರೆ ಪ್ರಾಣ ಲಿಂಗೇಶ್ವರ
ಇನಿಪಿನ ಪುದರಡ್ ತುಳುನಾಡ್ ಕ್ಷೇತ್ರಡು||

ಜನಕುಲೆಗ್ ಕಾರ್ಣಿಕೋನ್ ತೋಜಾಂವುಂದುಲ್ಲೆ

ಶಶಿಕುಮಾರ್ ಸಿ. ಕುಂದರ್



ನೆಸರ್ ದೇವೆರ್ ಮೂಡುನಗ

ಮೂಡಯಿ ದಿಕ್ಕಡ್ ಮೂಡ್ಡ್ ಬತ್ತೆರ್
ನೆಸರ್ ದೇವೆರ್ ತೂಲೆಯೆ
ಕೋರಿ ಕಿಲೆತ್ಂಡ್ ಪೊರ್ಲು ಮಲ್ಲಿಗೆ
ಅಲ್ಪ ತೂಲೆಗೆ ಇರೆತ ಮಿತ್ತ್
ವಜ್ರದಂಚಿ ಪನಿಕುಲು
ದೂರ ಬಾನೊಡು ಕೆಂಪು ಪರಶ್ಂಡ್,
ಪೊರ್ಲು ಪೊರ್ಲುದ ಚಿತ್ರೊಲು ||ಮೂಡಯಿ||

ಅಲೆ ಅವುಲು ತೂಲೆಗೆ ಕಂಡ ಜತ್ತೆರ್
ಭೂಮಿ ಅಪ್ಪೆನ ಜೋಕುಲು
ಪೊರ್ಲು ಪಾಡ್ಡನ ಕೇನೊಂದುಂಡು
ಇಂಪು ಸೊಂಪು ರಾಗದಾ ||ಮೂಡಯಿ||

ದೂರ ದೂರೊಡು ಕೇನ್ದ್ ಬರ್ಪುಂಡು
ಪೊರ್ಲು ಸ್ವರಕೊಲು ವೇದದಾ
ಗಂಟೆ ಬೊಟ್ಟುಂಡು, ಪೂಜೆ ನಡಪುಂಡು
ನಾಗ ಬೆರ್ಮರೆ ಗುಂಡೊಂಡು ||ಮೂಡಯಿ||

ಒಲ್ಪ ತೂಂಡಲಾ ಅಲ್ಪ ತೋಜುಂಡು
ಪ್ರಕೃತಿ ದೇವಿನ ಲೀಲೆಲು
ಬಲ್ಲೆ ಬಲ್ಲೆಯ ಇಂಚಿ ಬಲ್ಲೆಯ
ಪೊರ್ಲು ಪೊಲಿಕೆದಾ ನಾಡ್‌ಗ್ ||ಮೂಡಯಿ||

ಡಾ| ಕರುಣಾಕರ್. ಎನ್. ಶೆಟ್ಟಿ

ಸುಧಾರ್ಥಿನಕುಲು

ಸುಧಾರ್ಥಿನಕುಲು, ಅಂದಾಯೆ ನಮ ಸುಧಾರ್ಥಿನಕುಲು
ಕರಜನದ ಭಂಡಾರೊನು ನಮ ಕಲೆಂಬಿದುಲಾಯಿ ದೀದ್
ಪರದೇಶದಕಲೆನ ಮಿನಿಮಿಟ್ವೆಗ್ ಮರ್ಲಾಪಿನಕುಲು
ನಮ ಸುಧಾರ್ಥಿನಕುಲು
ಆನಿ ಅಂಡ್‌ಗ್ ತುತ್ತರೆ ಕುಟುದಾಂತೆ ಬತ್ತಲೆ ತಿರುಗೊಂದಿತ್ತಿನಕುಲು
ಇನಿ ಇತ್ತಾದ್‌ಲಾ ಬತ್ತಲೆ, ಬರು ಬತ್ತಲೆ ಆವೊಂದುಪ್ಪುನಕುಲು
ಪರದೇಶದಕಲೆನ ಮರ್ಲ್ ನಲಿಕೆಗ್
ತಾಳ ತತ್ತದ್ ನಲ್ಲೊಂದುಪ್ಪು ನಕುಲು
ನಮ ಸುಧಾರ್ಥಿನಕುಲು
ಅಪ್ಪೆ ಅಮ್ಮೆ ತಗೆ ತಂಗಡಿ ಮಾಮ ಮರ್ಮಲ್
ಆ ಪೊರ್ಲು ಸಂಮಂದ ಕಡಿಯೊಂದುಂಡು
ಸೀರೆ, ರವಕೆ, ಮಲ್ಲಿಗೆ ಜಲ್ಲಿ ಮಾಯಕ ಆವೊಂದುಂಡು
ನಮ ಸಂಸ್ಕೃತಿ ನಮನೆ ಮದತೊಂದುಲ್ಲ
ನಮ ಸುಧಾರ್ಥಿನಕುಲು
ಮಾತಾ ದಿಕ್ಕಡ್‌ಲಾ ಎಡ್ಡೆ ವಿಚಾರ ಪರತೊಂದು
ಬರಡ್, ಕತ್ತಲೆಡ್ ಬೊಳ್ಳು ಬರಡ್ ಪಂತಿನ
ಆ ಪೊರ್ಲು ಪೊಲಿಕೆದ ನಮ್ಮ ಎಡ್ಡೆತನ
ಒಡೆಗ್ ಪನಂದೆ ಪದ್ರಾಡಾಂಡ್
ನಮ ಸುಧಾರ್ಥಿನಕುಲು
ತುಳು ಭಾಷೆ ಬೊಡ್ಡಿ ತುಳು ಸಂಸ್ಕೃತಿ ಬೊಡ್ಡಿ
ಅಪ್ಪೆ, ಅಮ್ಮೆ, ತಗೆ ತಂಗಡಿ ಬೊಡ್ಡಿ
ಉಂದ್ ದಾಯೆಗಿಂಚಾಂಡ್‌ಯೆ ದಾಯೆಗಿಂಚಾಂಡ್‌ಯೆ
ನಮ ಸುಧಾರ್ಥಿನಕುಲು ಅಂದ್
ನಮ ಸುಧಾರ್ಥಿನಕುಲು

ಡಾ|| ಕರುಣಾಕರ್. ಎನ್. ಶೆಟ್ಟಿ



ನಟ್ಟುನಕುಲು

ಎಂಕ್ಲು ನಟ್ಟುನಕುಲು ಸ್ವಾಮಿ
ಎಂಕ್ಲು ನಟ್ಟುನಕುಲು
ಎಂಕ್ಲೆಗಿಜ್ಜಿ ತಾಂಕುನಕುಲು||
ಇನಿ ಎಲ್ಲೆ ಪನ್ನಿನವು ಎಂಕ್ಲೆಗಿಜ್ಜಿ
ಬದ್‌ಕದ ಮಿತ್ತದ ವಾ ಆಸೆಲಾ ಎಂಕ್ಲೆಗಿಜ್ಜಿ ||

ಅಂಚಿದ್ ಇಂಚಿ, ಇಂಚಿದ್ ಅಂಚಿ
ಭಿಕ್ಲೆ ಕೇನೊಂದು ಪೋಪಿನವೆ
ಎಂಕ್ಲೆನ ಕರ್ಮ
ಉಂದುವೆ ಎಂಕ್ಲೆನ ಧರ್ಮ
ಭಿಕ್ಲೆ ನಟುನವು ಎಂಕ್ಲೆಗ್
ಅಗತ್ಯ ಸ್ವಾಮಿ ಅಗತ್ಯ
ನಟ್ವ್ ನಟುದ್ ಕಾಸ್‌ಗ್ ಕಾಸ್
ಕೂಡ್ತು ದೀಪಿನ ಆಸೆ ಎಂಕ್ಲೆಗಿಜ್ಜಿ||

ಅಕಲೆನ ವಿಷಯ ಮೊಕಲೆಗ್ ಮೊಕಲೆನ ವಿಷಯ ಅಕಲೆಗ್
ಇಂಚಿದ್ ಅಂಚಿ, ಅಂಚಿದ್ ಇಂಚಿ
ಬಿತ್ತುನ ಅಗತ್ಯಲಾ ಎಂಕ್ಲೆಗಿಜ್ಜಿ ಬದುಕೆರೆ ಗಾತ್ರಾದ್ ಕಣ್ಣೊಂಜನ
ದುರಾಸೆಲಾ ಎಂಕ್ಲೆಗಿಜ್ಜಿ ಎಲ್ಲೆದ ಬದುಕದ ಅಬಿಲಾಸೆಡ್
ಕನ ಕಟ್ಟುನ ಇಷ್ಟಲಾ ಎಂಕ್ಲೆಗಿಜ್ಜಿ||

ನಿಲಪುಲ್ಲರೆ ಆವೊಡ್ಡುಂಬು ಲಕಿಯಡ
ಇತ್ತಿನೈಟೇ ಬಂಜಿಗ್ ಸೇರಾವೊಂದು
ಕುಡೊಂಜಿ ಪೊರ್ತುದ ಬಂಜಿದ ಗುಜರೊಗಾದ್
ಜೋಳಿಗೆ ಪಾಡೊಂದು ನಟ್ಟರೆ ಪೋಪಿನ ಎಂಕ್ಲು
ಸಾಚಾ ನಟ್ಟುನಕುಲು ಸ್ವಾಮಿ ಎಂಕ್ಲು ನಟ್ಟುನಕುಲು
ಸ್ವಾಮಿ ಎಂಕ್ಲೆಗಿಜ್ಜಿ ಕಾಪುನಕುಲು||

ಶಾರದಾ ಎ. ಅಂಚನ್

ನಾಡೋಳು

ನಾಡೋಡು ನಮ ನಾಡೋಡು
ಮಾಜಿ ಪೋತಿನ ತೆಲಿಕೆನ್
ದೂರ ಆತಿನ ನಲಿಕೆನ್||
ಇಲ್ಲ, ಅಂಗಡಿ, ಆಸ್ವತ್ತೆ, ಸಿನಿಮೋಡು ಇಪ್ಪಂದಿನ||
ದೇವಸ್ಥಾನ, ಶಾಲೆ, ಕಾಲೇಜ್, ಕೋಟು, ಕಚೇರಿಲೆಡ್
ತೋಜಂದಿನ||

ನರಮಾನಿ ಮೋಣೆಡ್ ಯಾಪಲಾ
ಮೂಡಂದಿನ ಈ ತೆಲಿಕೆನ್||
ನಾಡೋಡು ನಮ ನಾಡೋಡು
ಮಾಜಿ ಪೋತಿನ ತೆಲಿಕೆನ್
ದೂರ ಆತಿನ ನಲಿಕೆನ್||

ಯಾನ್ಲಾ ನಾಡಿಯೆ ಈ ತೆಲಿಕೆನ್
ಸುತ್ತು ಬತ್ತೆಡ್ ತಿರ್ಗಿಯೆ
ತಿಕ್ಕಿ ತಿಕ್ಕಿನಕಲೆಡ ಕೇನಿಯೆ||
ಮಾಜಿದಿನ ತೆಲಿಕೆನ್ ನಿಕುಲು
ತೂಯರಾ ಪಂಡ್ಡ್ ಕೇನಿಯೆ
ನನಲಾ ನಾಡೊಂದುಲ್ಲೆ||

ದೂರ ಪೋತಿನ ತೆಲಿಕೆನ್
ಮಾಜಿದಿನ ನಲಿಕೆನ್||
ಒಂಜಿ ದಿನ ನಾಡ್‌ದ್ ತೋಜಾವೆ
ಬದ್‌ಕದ ಅರ್ಥ ತೆರಿಪಾವೆ||

ನಾಡೊಡು ನಮ ಪೂರಾ ನಾಡೊಡು
ಉಡಲ್‌ಡೆತ್ತಿನ ತೆಲಿಕೆನ್||
ಹೃದಯೊಡೆತ್ತಿನ ನಲಿಕೆನ್
ನಾಡ್‌ ಪಿದಾಯಿ ಪಾಡೊಡು||

ಶಾರದಾ ಎ. ಅಂಚನ್



ಯಾನ್ ಎಂಚ ತೆಲಿಪುಗೇ!

ತೆಲಿಪು ನಾಂಡಲ ಎಂಚ ಯಾನ್ ಸ್ವಾಮಿ
ಒವೆನ್ ಮಾತ ತೂದು ಯಾನ್ ತೆಲಿಪುಗೇ ||

ಸಂತೋಸೊಡು ನಲಿತ್‌ದ್ ತೆಲಿಪೊಡೇ ||
ದುಕ್ಕೊಡು ಬುಲಿತ್‌ದ್ ತೆಲಿಪೊಡೇ ||

ಬಂಜಿಗ್ ತಿನಂದಿ ಅಪ್ಪೆನ ಪುರು ಬಾಲೆ
ಪೇರ್ ಜಪ್ಪುಜೇಂದ್ ತುಲ್ಲನ ತೂದು ತೆಲಿಪೊಡೇ ||

ವರ್ಸ ಇಡೀ ಕಂಡೊಡು ಬೆಂದ್‌ದ್, ಬುಲೆ ಕಯಿಕ್ಕಿ ತಿಕ್ಕಂದೆ
ಬುಲಿಪು-ನರಲು ರೈತನ್ ತೂದು ತೆಲಿಪೊಡೇ ||

ಬೋಡಾಯಿನಾತ್ ಕಲ್ತದ್, ಬೋಡಾಯಿ ಕೆಲಸ ತಿಕ್ಕಂದೆ
ತರೆಕ್ಕಿ ಕಯಿದೀದ್ ಕುಲುದಿ ಜವಣನ್ ತೂದು ತೆಲಿಪೊಡೇ ||

ಇಲ್ಲ ತುಂಬ ಜೋಕುಲು ಇತ್ತದ್‌ಲಾ ಜೂವ ಪೋನಗ-ನೀರ್
ಕೊರಿಯರೆ ಜನ ಇಜ್ಜೇಂದ್ ಕೊರಗುನ ಪರಬೆರೆನ್ ತೂದು ತೆಲಿಪೊಡೇ ||

ಮಲ್ಪರೆ ಮನಸ್‌ದಾಂತಿನೆನ್ ಮಲ್ತ್‌ದ್ ತೋಜಾವೇಂದ್
ಕನೊಕುಲೆನ್ ಕಟ್‌ದ್ ಕೊರ್ಪಿ ರಾಜಕಾರಣೆನ್ ತೂದು ತೆಲಿಪೊಡೇ ||

ಒಟ್ಟುಗೇ ಉಂಡುದು, ತಿಂದ್‌ದ್, ಗೊಬ್ಬುದು, ನಲಿತ್‌ದ್
ಪಿರಪೋನಗ ಬೆತ್ತ್‌ದ್ ಪೋಪಿನ ದೋಸ್ತೆನ್ ತೂದ್ ತೆಲಿಪೊಡೇ ||

ಎಂಕ್‌ಲಾ ಮಸ್ತ್ ಆಸೆ ಆಪುಂಡುಯೇ ತೆಲಿಪೊಡೊಂದು
ಒವೆನ್ ತೂದು ತೆಲಿಪೊಡೊಂದೇ ಎಂಕ್ ತೆರಿಯುಜಿಯೇ ||

ತೆಲಿಪುನಗಲ ಯನ್ನ ಮೋನೆ ಬುಲಿಪುಲೆಕ್ಕನೇ
ತೋಜುನೆಕ್ಕ್ ಯನ್ ದಾದ ಮಲ್ಪೊಡುಯೇ ||

ಶಿಮುಂಜಿ ಪರಾರಿ

ಟೆನ್ಯನ್ ಸ್ವಾಮಿ ಟೆನ್ಯನ್!.

ಟೆನ್ಯನ್ ಸ್ವಾಮಿ, ಟೆನ್ಯನ್.....!

ಕಾಂಡೆ ಲಕ್‌ನಗನೆ ಸುರುವಾಪುಂಡು ಟೆನ್ಯನ್
ಮೋನೆ ದೆಕ್ಕುನ ಟೆನ್ಯನ್ ಕೂಲಿ ದೆಕ್ಕುನ ಟೆನ್ಯನ್
ಗಡ್ಡೆ ಗೆಪ್ಪುನ ಟೆನ್ಯನ್; ಮಿಂಪಿನ ಟೆನ್ಯನ್
ಅಯಿತ್ತ ನಡುಟ್ಟು ಉಂಡು ಸಾರ-ನಮುನೆದ ಟೆನ್ಯನ್॥

ಬರ್ರೆಂತಿನಾಯೆ ಬಯಿದ್‌ಜೆ, ಕೊರ್ರೆಂತಿನಾಯೆ ಕೊರ್ತುಜೆ
ಸಾಲ ದೆತೊಂದಿನಾಯೆ ತೊಜುಜೆ, ಸಾಲ ಕೊರ್ತಿನಾಯೆ ಕಾತುಕುಬದೆ
ಕಾಂಡೆ ಬಲಿತ್‌ದ್ ಬಸ್ ಪತ್ತುನ ಟೆನ್ಯನ್,
ರೈಲ್‌ಗ್ ನುರುದು ಮಿತಾರುನ
ತಿಕ್‌ಂಡ ಕಂಡಿದ ಬರಿ, ಇಜ್ಜಿಡ ನಾಲನೇ ಸೀಟ್ ಪತ್ತುನ ಟೆನ್ಯನ್ ।
ಟೆನ್ಯನ್ ಸ್ವಾಮಿ ಟೆನ್ಯನ್!

ಆಫೀಸ್‌ಗ್ ಪೊಗ್ಗಿ ಬೊಕ್ಕ ಸಾಲ್‌ಗಟ್‌ದ್ ಉಂತುಂಡು ಟೆನ್ಯನ್
ಯಸ್ ಸರ್, ನೋ ಸರ್, ಪನೊಂದು ಫೈಲ್ ಮಗಪುನ ಟೆನ್ಯನ್
ಮಲ್ಲಾಯನ್ ಬುಡಿ, ಆಯನ ನಾಯಿಗ್ಲಾ ಸಲಾಂ ಪಾಡುನ ಟೆನ್ಯನ್
ಬರ್ರಿನಾಯಗ್, ಪೋಪಿನಾಯಗ್ ಕೂಲಿ ತೋಜಾದ್ ತೆಲಿಪುನ ಟೆನ್ಯನ್ ॥
ಟೆನ್ಯನ್ ಸ್ವಾಮಿ. ಟೆನ್ಯನ್!

ಕಂಡನೆ ಇತ್ತೆಡಲ ಟೆನ್ಯನ್. ಕಂಡನೆ ಇಜ್ಜಿಡಲ ಟೆನ್ಯನ್
 ಇತ್ತಿ ಕಂಡನೆ ದಾಂತಿಲೆಕ್ಕ ಇತ್ತೆಡ ಮಾಮಲ್ಲ ಟೆನ್ಯನ್
 ಜೋಕುಲು ಇತ್ತಂಡಲ ಟೆನ್ಯನ್; ಜೋಕುಲು ಇಜ್ಜಿಡಲ ಟೆನ್ಯನ್
 ಇತ್ತಿ ಜೋಕುಲು ದಾಂತಿಲೆಕ್ಕ ಇತ್ತೆಡ್ಲ ಮಾಮಲ್ಲ ಟೆನ್ಯನ್||
 ಟೆನ್ಯನ್ ಸ್ವಾಮಿ ಟೆನ್ಯನ್!

ಬೇರ ಮಲ್ತಂಡಲ ಟೆನ್ಯನ್. ಬೇರ ಮಲ್ತಿಜಿಡಲ ಟೆನ್ಯನ್
 ಕಾಂದ-ಬಟಾಟೆಗ್ ಬಿಲೆ ಎಚ್ಚಾತ್ಂಡ್,
 ಮುನಿಸಿಪಾಲಿಟಿದಾಯನ ಹಫ್ತಾ ಏರೊಂದುಪ್ಪುನ ಟೆನ್ಯನ್
 ಮಾಲ್‌ವಾಲಾಗ್ ಉಸಾರಿಜ್ಜಿ. ಕೊಲ್ಲಿವಾಲೆ ಲಕ್ಕುಜೇಂದ್ ಟೆನ್ಯನ್
 ತಿರ್ಗರೆ ಪೋತಿ ಆರ್ಡರ್‌ವಾಲೆ ಪಿರ-ಬಯಿದ್ ಜೇಂದ್ ಟೆನ್ಯನ್||

ಕಾಸ್ ಇತ್ಂಡ ಟೆನ್ಯನ್, ಕಾಸ್ ಇಜ್ಜಿಡಲ ಟೆನ್ಯನ್
 ಕಾಸ್ ದಾಂತಿನಾಯಗ್ ಲೆತ್ತ ಕೇನುಜೆರ್‌ಂದ್ ಟೆನ್ಯನ್
 ಕಾಸ್ ಇತ್ತಿನಾಯಗ್ ಮುಟ್ಟ ಬತ್ತಿನಾಯನ್ ಸಂಸಯೊಡು ತೂಪಿನ ಟೆನ್ಯನ್
 ಯಮಾಡ್ಡ್ ಎಚ್ಚ ಬಿಸತ್ತಿದಾಯನ್, ಬೆಡಿತ್ತಾಯನ್ ಕಾಪುನ ಟೆನ್ಯನ್ ||
 ಟೆನ್ಯನ್ ಸ್ವಾಮಿ ಟೆನ್ಯನ್!

ಶಿಮುಂಚೆ ಪರಾರಿ



ಭವಿಷ್ಯದ ಬಾಳ್ವೆ

ಕಾಡ್ನ್ ಕಡ್ಡರ್ ತೋಡ್ನ್ ನುಗಿತ್ತೆರ್
ನಾಡ್‌ದ ಜನೊಕುಲು ಕೂಡಿಯೆರ್
ತುದ್ಯೆ ಕೆದು ಬಚ್ಚಿಂಡ್, ರಸ್ತೆಲು ಹೆಚ್ಚಿಂಡ್
ನೀರ್ದ ಬದಲ್‌ಗೆ ಕಣ್ಣೀರ್

ಮಿಂನುಲು, ಕಪ್ಪೆಲು, ಪುದ, ಪುಂಡದೆರ್
ಏಮೆಲು ಸೇರಿಯೆರ್ ಯಮಲೋಕ
ನಾನಾ ಬಣ್ಣದ ನಾನಾ ನಮೂನ್ಯದ
ಪಕ್ಕಿಲು ಪಾರಿಯೆರ್ ಪರಲೋಕ

ಕಾಡ್ಡ ಪ್ರಾಣಿಲು ಬಾಡ್‌ದ್ ಪೋಯೆರ್
ನಾಡ್‌ಗ್ ಬತ್ತಂಡ ಬೆಡಿ ದೀಲೆ
ಮನುಷ್ಯಗ್ ಮಾತ್ರ ಭೂಮಿಡ್ ಹಕ್ಕು
ಬಾಕಿದ ಪ್ರಾಣಿಲೆ ಗಡಿದೀಲೆ

ಆನೆನ್ ದಾಡೆಗ್, ಪ್ರಾಣಿನ್ ಚರ್ಮೋಗು
ಉಚ್ಚುನು ವಿಷೋಕಾತ್ರ ಕಿರಿಯೆರ್‌ಯೇ
ದುಡ್ಡುದ ಆಸೆಗ್ ಭವಿಷ್ಯದ ಬಾಳ್ವೆನ್
ಅಡ್ಡಿ ದಾಂತೆನೇ ಮರೆತ್ತೆರ್‌ಯೇ

ಪಾಂಗಾಳ ವಿಶ್ವನಾಥ ಶೆಟ್ಟಿ

ಬದಲ್

ಕನ್ನಡಕದಾಂತಿನ ಅಜ್ಜಿ ಕೇಂಡೋಲು
ಕನ್ನಡಕ ದೀತಿನ ಪುಲ್ಲಿಗ್
ಕನ್ನಡ ತುಳು ಕಲ್ಪಾವಂದಿನ
ವಾ ನಮೂನೆದ ನಿನ್ನ ಸ್ಕೂಲು ?

ಇಂಗ್ಲೀಸ್ ಕಲ್ತ್ದ್, ಇಂಗ್ಲೀಸ್ ತೆಲ್ತ್ದ್
ಅಪ್ಪೆನ್ ಮದಪುನ ನಿಗುಲು
ಅಜ್ಜಿನ ಮೋಕೆನ್-ಅಪ್ಪಿನ ಭಾಸೆನ್
ಉಜ್ಜಿದ್ ಪೋಪರ ಮೂಲು !

ತಂಜಾನದೊಟ್ಟುಗು ಬೆಂಜಾನ ತಿಂದ್ದ್
ದಿನ ಇಡಿ ಮಲ್ತಿನ ಕೆಲಸ
ಕಣ್ಣ್ಗ್ ಸಂಪು, ಮನಸ್ಸಗ್ ಸೊಂಪು
ಇನಿಕೆಲ ಸೂಜಿಗ್ ನೂಲು!

ಮೋನೆಗ್ ಮಂಜೋಲು, ಮಂಡೆಗ್ ಸೀಗೆ
ತೇತ್ದ್ ಮೀತಿನ ಎಂಕ್ಲು
ಸಾಬುನು, ಶಾಂಪೂ, ಮೋನೆಗ್ ಕ್ರೀಮು
ಪಾಡ್ಡರ್ ಇನಿತ್ತ ಜೋಕ್ಲು.

ಮಂಡೆಗ್ ಕಪ್ಪು ಪಾಡ್ವರ್ ನಿಗುಲು
ಉಪ್ಪನೆ ಅರ್ಧ ಕುಜಲ್
ಆಂಡಲ ಎನ್ನ ತರೆ ತಾಲೂಜಿ
ಎಂಕ್ಲೆನ ರೀತಿಯೆ ಮೇಲ್

ಭಾಸೆಲ ಪೋಂಡು, ಏಸಲ ಪೋಂಡು.
ಮಾತಲ ಇತ್ತೆ ಮೋಸ.
ನುಪ್ಪದ, ಗಂಜಿದ ಬದಲ್ಗ್ ಆಂಡ್
ಫಿಜ್ಜಾ ಬೊಕ್ಕ ಸಮೋಸ.

ಪಾಂಗಾಳ ವಿಶ್ವನಾಥ ಶೆಟ್ಟಿ



ಕುದುರು ಕುಂಜ ತಿರ್ಗ್ ತಾವೊಡು

ಬಲ್ಲೆ ಪೋಯಿ ಬಂಧುಲೆ ತುಳುವನಾಡ್‌ಗ್ |
ಕಡಲ ರಾಜೆ ಬುಡುದು ಕೊರಿನ ತಲನಾಡ್‌ಗ್ ||
ಉಪ್ಪು ನುಪ್ಪು ತಿಂತಿನವು ನಮ್ಮ ನಾಡ್‌ಗ್ |
ತೂಂಕು ತಾಂಕಿ ತರ್ಕಿನವು ಅಪ್ಪೆ ನಾಡ್‌ಗ್ ||
ಗಂದಸಲೆ ದೀರ್‌ಸಲೆ ಬುಳೆವು ನಾಡ್‌ಗ್ |
ಕುಕ್ಕು ಗೋಕು ಪೆಲಕಾಯಿ ಕ್ಯೊತ್ತಿನಡೆಗ್ ||
ಸತ್ಯ ಮಾಲಕಂದ ನಾಡ್ ನಮ್ಮ ನಾಡ್ |
ಕುಡರಿ ರಾಮೆ ನಿರ್ಮಿದಿನ ತುಳುವನಾಡ್ ||
ತಿರ್ತ ಸಿರಿ ಲೋಕ ಉಂದು ಪುಣ್ಯ ಮಲ್ದಿನ |
ಸಾರ ಮಂದೆ ದೈವೊಲು ತಲ ಊರಿನ ||
ನಾಗ ಬೆರ್ಮೆ ಒಲಿದಿನ ನಾಗನಾಡ್ |
ಕಡಲ್‌ದ ಉಡಲುಂದು ತಲನಾಡ್ ||
ತಾರೆ ಬಾರೆ ಪಿಂಗಾರ ಮೆರೆವುನಾಡ್ |
ಮಲ್ಲಿಗೆದ ಬೂಡು ಉಂದು ನಮ್ಮನಾಡ್ ||
ಬಲ್ಲೆ ಪೋಯಿ ಬಂದುಲೆ ||
ದತ್ತ್ ಬಲತ್ ತೂಲೆ ಒರ ದತ್ತ್ ಬಿತ್ತುನ |
ಕಬಿತೆಗಲ ಮಿಗಿಲಾಯಿ ಉರಲ್ ಪಾಡುನ ||
ನಟ್ಟಿ ನಡ್ಡಿ ಪೋರ್ಲು ತೂಲೆ ನಾಗವೇಣಿಲು |
ಜಾನಪದ ಪಾಡ್ಡನಲ ಪನ್ನಿನಕುಲು ||

ಹೋಮ ನೇಮ ಕೋಲ ಕಂಬ್ಲ ಲೋಕ ಮೆಚ್ಚುನ |
ತಪ್ಪಂಗಾಯಿ ತೂಟಿದಾರ ಊರು ಪುಗರುನ ||
ಪಾಡಿ ಪದವು ಕುದುರು ಕುಂಜ ಪಡಿಲ್ ಕಡಪೊಡು |
ತುಳುವನಾಡ ಪೋರ್ಲು ಪೋಲೆ ತಿರ್ಗ್ ತೂವೊಡು ||
ನಾಗಬನ ಬೆರ್ಮ ಗುಂಡ ತುಳುವನಾಡ್ಡ |
ಆಲಡೆದ ದೆಯ್ಯೊಲು ನಮ್ಮ ನಾಡ್ಡ್ ||
ಮುಡಯಿ ಮಲೆ ಮತ್ತಸ ಮಲೆನಾಡ್ |
ಪಡ್ಡಯಿದ ಕಡಲ ಕರೆ ನಮ್ಮ ನಾಡ್ ||
ಬಲ್ಲೆ ಪೋಯಿ ಬಂಧುಲೆ||

ದಿ| ಕಡಂದಲೆ ವಾಸು ಶೆಟ್ಟಿ

ಪಾಪದ ದೂಮಗ್ ಕೋಪದ ಬುಡೆದಿ

ಪಾಪದ ದೂಮಗ್ ಕೋಪದ ಬುಡೆದಿ ಮರ್ಜಿಡ್ ಮಲ್ಲಾಲ್ |
ಕೆಕ್ಕಿಲ್ ತುಂಬ ಬಂಗರ್ ಉಂಡು ಬೊಕ್ಕಲಾ ಕೇನುವಲ್ ||
ಪಿಟ್ಟ್ ಪೇಂಟ್ ಪಿಟ್ಟ್ ಕಟ್ವ್ ಲಿಪ್ಪಿಕ್ ಪಾಡ್‌ವಲ್ |
ಪರಿಮಳದೆಣ್ಣೆ ಪೌಡರ್ ಪಾಡ್‌ದ್ ಕರಿಮಣಿ ಗೆಪ್ಪುವಲ್ ||
ಚಾನ್ನೂಲು ಚಕ್ರಸರ ನೆಕ್ಲೀಸ್ ಕೇನುವಲ್ |
ಮೋಕೆ ಜೋಕೆಡ್ ತಾಂಕಿನ ಮಗಲ್ ಮರ್ಜಿಡ್ ಮಲ್ಲಾಲ್ ||
ಮಿರಿಮಿರಿ ಮಿಂಚುನ ಜರಿತವು ಸೀರೆ ಅಡಿಕ್ ಪಾಡುವಲ್ |
ದೂಮನ ಸಂಬಳ ಆಟ ನಾಟಕ ಸಿನಿಮೊಗು ಪಾಡುವಲ್ ||
ಅಟಿಲ್ ಅರಗನ ಬುಡುದು ಪೂರ ಮರ್ಜಿಡ್ ಮೆರೆವಲ್ |
ಕೋಡೆದ ನುಪ್ಪು ಪರಂಗೆಲ್ ಕಜಿಪು ದೂಮಗ್ ಬಲಸುವಲ್ ||
ಟೀವಿನ್ ತೂದು ತದ್ದೆ ದಿಮಿ ತೆಯಿ ಮದ್ದೊಲಿ ಬೊಟ್ಟುವಲ್ |
ಅರೆಕಾಲ್ ವಾರ್‌ದ ರವಕೆನ್ ಪಾಡ್‌ದ್ ನಲಿಪ್ಯರೆ ಕಲುಪುವಲ್ ||
ಕಂಡನೆ ಬನ್ನಗ ಕನ್ನಡಿ ತೂದು ದಿಂಗನ ಪಾಡುವಲ್ |
ಗಿಜಿಗಿಜಿ ಗೆಜ್ಜ ತರಿಟ ತಾಳೊಡು ತಕತೆಯಿ ನಲಿಪುವಲ್ ||
ಬುದ್ಧಿ ಪನ್ನಗ ಕೋಪೊಡು ಕುರೆದೊಡು ಬಾಜನ ದಕ್ಕುವಲ್ |
ಬೆರಿಕ್ ರಡ್ಡ್ ಗುದ್ಡಿಯೆ ಪಂಡ್‌ದ್ ಪನಂದೆ ಪಾರಿಯಲ್ ||
ಇಲ್ಲದ ಕುಚ್ಚನ ದಿಮಿಕಿಟ ತಾಳೊಡು ದುಂಪಿದ್ ಬೂರುವಲ್ |
ತಿಂಗೊಲು ಮೂಜಿ ಕರಿನಗ ಕಾರ್‌ದ ಮುದೆಲ್‌ಗ್ ಬರ್ಪಲ್ ||
ಬನ್ನಗ ಮೂಲು ದೂಮನ ಮದಿಮೆ ಇರ್ದ್‌ ಬಿರ್ದ್‌ |
ಬೇಂಡ್ ಬೆಡಿ ಕೊಂಬುಡು ವಾದ್ಯೊಡು ಗತ್ತ್‌ಡ್ ಗೌಜಿಡ್ ||
ಅಪ್ಪು ತಪ್ಪುಗು ಮಾಪುಲ ನಟ್ವ್‌ ಕೈ ಒರ ಜೋಡುವಲ್ |

ಕಣ್ಣು ನೀರ್‌ಡ್ ಕೈ ಕಾರ್ ದೆಕ್‌ದ್ ಅಡ್ಡಲ ಬೂರುವಲ್ ||
ಮದ್‌ಮಲ್ ತೂಂಡ ಭಾಗ್ಯದ ಲಚ್ಚಿಮಿ ಅರಾದ್ ಪತ್ತುವಲ್ |
ಸಂಸಾರ ಕಡಲ ವಾಡೊನು ಆಲ್ ಪೇರ್‌ಡ್ ಸಾಗವಲ್ ||
ಮದ್ಮಲೆ ರೀತಿನ ತೂದು ಮೋಲು ಬುದ್ಧಿಲ ಕಲ್ಪುವಲ್ |
ಈ ಜನ್ಮದ ದೇವೆರ್ ಕಂಡನೆ ಪಂಡ್‌ದ್ ಭಕ್ತಿಡ್ ಬಾಳುವಲ್ ||
ಕತ್ತಲೆ ಕಬಿದಿನ ಇಲ್ಲದ ಸುತ್ತಲ ಬೊಲ್ಲಿದ ಬೊಲ್ಪಾಂಡ್ |
ಅರ್ಸದ ಮಲ್ಲಿಗೆ ಅರಳ್ದ್ ದೂಮನ ಜೀವನ ಬದಲಾಂಡ್ ||

ದಿ| ಕಡಂದಲೆ ವಾಸು ಶೆಟ್ಟಿ



ಪೊಣ್ಣು ಜೋತುಲು

ತಿರ್ಗ್‌ದ್ ಪೋದಿತ್ತೆ ಒರ ದೂರದ ಊರುಗು
ಕುಲ್ಲದಿತ್ತೆ ಬೋಟುಡು ಕಡಪ್ಪರೆ ಕಡಲು(ಲ್)
ನೀಲಿ ಸೀರೆದ ಜವ್ವಂದಿ ಒರ್ತಿ ಬತ್ತೋಲ್ ಬರಿಟ್
ಸೀರೆದ ಉಡಲ್‌ಡ್ ಬೊಳ್ಳಿ ನಕ್ಷತ್ರೋಲು
ಅಲೆನ ಬಣ್ಣ ತೂಂಡ “ಬೋಲ್ ನೆಯಿ”
ಒರ ಅಲೆನ್ ತೂಯಿನ ಕಣ್
ಬೊಕ ದಾಲ ತೂವರೆ ಕೇನಂದ್
ನೀಲಿ ಬಾನದ ತಿರ್ತ್, ನೀಲಿ ಕಡಲ್‌ದ ಮಿತ್ತ್
ಮಿಂಚೊಂದಿತ್ತೋಲ್ ಆಲ್ ಬೋಟ್‌ಡ್ ಕುಲ್ಲು
ಮತ್ಸ ಕನ್ಯೆನೋ ದೇವ ಕನ್ಯೆನೋ ಗೊತ್ತಾಯಿಜಿ
ಕುಡೊರ ಮಸ್ತ್ ವರ್ಸೊಡ್ ಬೊಕ್ಕ
ಊರುಗು ಪೋದಿತ್ತೆ, ತೂದು ಅಪ್ಪೆನ ಕಾಕಜಿ
ಕಾಂಡೆ ಲಕ್ಕದ್ ಉಂತುದಿತ್ತೆ ಇಲ್ಲದೆದುರು
ಕಾರ್‌ದ ಗೆಜ್ಜೆದ ಸರ ಕೇಂಡ್‌ಡ್ ತಿರ್ಗ್‌ದ್ ತೂಯಿ
ಮಿಂಚೊಂಜಿ ಮೆಂಚ್‌ಡ್, ಬರಿತ ಇಲ್ಲದ ಪೊಣ್ಣು ಬರಿಟ್
ಮುಗುಳು ತೆಲ್ಕೆ ಮೋನೆಡ್, ಅರ್ಧ ನಾಚಿಕೆ
ಅದಗಾತೆ ಅರಲ್ದಿನ ಗುಲಾಬಿ ಪೂ
ಎಸಲ್‌ಡ್ ಕುಲ್ದಿನ ಮೈಂದ್ ದೆಲ್ಕು
ಗುಲಾಬಿ ಬಣ್ಣದ ಮೋನೆಡ್ ಬೆಗರ್‌ದ ಪನಿ
ಬಾಲೆಡ್ ತೂತಿನ, ಇತ್ತೆ ಜವ್ವಂದಿ
ಕಂಬೊಳಿ ಪುರಿ ‘ಚಿಟ್ಟಿ’ ಆಯಿನೆಲ್ಕು
ಏತ್ ಪೊರ್ಲು ಆಪೆರ್ ಈ ಪೊಣ್ಣುಲು !

‘ಅರವಿಂದಾ’ ಥಾಣೆ, (ಪದ್ಮಾ ಸದಾನಂದ್)

ಕೋಡ್ ಇನಿ

ಕಾಂಡೆ ಬೇಗ ಲಕ್ದ್, ಬೆಂಜನ ಪಾಡ್‌ದ್
ಉರ್ಪಲರಿತ್ತ ಗಂಜಿ ಬಲಸೊಂದು
ಕುಕ್ಕುದ ಉಪ್ಪಡ್ ಪಾಡೊಂದು ಉಂಡ್‌ದ್
ಬುತ್ತಿಗೊಂತೆ ಗಂಜಿ ಉಪ್ಪಡ್ ಪಾಡ್ಡ್
ದೂರದ ಸಾಲೆಗ್ ನಡತ್ ಪೋದು
ಕಲ್ತದ ಸಾಲೆ ನಮ ಅದಗ
ಕಾರ್‌ಗ್ ಪಾಡೆರೆ ಇತ್ತಿಜಿ ಮುಟ್ಟು
ಮೈ ಮುಚ್ಚರೆ ಇತ್ತಿಜಿ ಕುಂಟು
ಒಂಜಿ ಅರ್ಡ್‌ನಗ ಒಂಜಿ ಪಾಡುನು
ವರ್ಸ ಇಡೀ ರಡ್ಡೇ ಅಂಗಿ ಚೆಡ್ಡಿ
ತೊಡು ಆವನಗ ಇತ್ತಜಿ ತಿನರೆ
ಬಿಸ್ಕುಟು, ಚಾಕ್ಲೇಟ್, ಕ್ಯಾಡ್‌ಬರಿ
ದುಂಬುನಾನಿ ಕಾಡ್‌ಡ್ ಪೆಜ್ಜಿ ಕಂದಿನ
ನೆಲ್ಲಿಕಾಯಿ, ಕುಕ್ಕುದ ಮುಡಿ, ರೆಂಜ
ಚೀಲೊಡ್ಡ್ ಗೆತ್ತ್‌ದ್ ಪಟ್‌ದ್ ತಿನೊಂದಿತ್ತ
ಇತ್ತೆದ ಜೋಕುಲೆಗ್ ಕಾಫಿ, ತಿಂಡಿ ದಾನೆ
ದಿನಕ್ಕೊಂಜಿ ಅಂಗಿ ಪ್ಯಾಂಟ್ ದಾನೆ
ಕಾರ್‌ಗ್ ನಮುನಿ ನಮುನಿದ ಬೂಡ್ಸ್
ಇಲ್ಲ ಬಾಕಿಲ್ ಬಸ್ ಬರ್ಪುಂಡು
ಟಿಫಿನ್ ಬಾಕ್ಸ್‌ಡ್ ಪಿಜ್ಜ, ಬರ್ಗರ್, ಸ್ಯಾಂಡ್‌ವಿಚ್
ತೂಯಿನ ದೆತ್ ತಿನರೆ ಪಾಕೆಟ್ ಮನಿ
ಕೊರ್ಪೆರ್ ಇನಿಕೋಡೆದ ಅಪ್ಪೆ ಅಮ್ಮೆ
ಗಂಜಿ ಒನಸ್ ಅವುಟಾಫ್ ಪ್ಯಾಶನ್ ಇತ್ತೆ

ಇತ್ತಜಿ ರೇಡಿಯೋ, ಟಿವಿ, ಕಂಪ್ಯೂಟರ್
ಕಾರ್, ಬಸ್, ರೈಲ್, ಇಮಾನ ಕಣ್ಣಾಡ್ ತೂವರೆ
ಪರ್ತ ಎಂಕುಲು ರಡ್ ವರ್ಸ ಅಪ್ಪೆನ ಪೇರ್
ಇತ್ತೆದ ಜೋಕುಲೆಗ್ ಕಣ್ಣಾ ಬುಡುನಗನೇ
ಕೊರ್ಪೆರ್ ಬಾಟ್ಟಿದ ಪೇರ್, ದಿನಲ ಬರ್ಪೇರ್ ಡಾಕ್ಟರ್

'ಅರವಿಂದಾ' ಥಾಣೆ
(ಪದ್ಮಾ ಸದಾನಂದ್)



ಪೊಸತ್ ಉದಿಪು

ಪೊಸತ್ ಉದಿಪುದ ನೆಸರ್ ತೂಯೆ |
ಪೊಸತ್ ಒಂಜಿ ಕಬಿತೆ ಬರೆಯೆ |
ಪರತ್ ನೆಂಪುನು ಪೊದಿಕೆ ಕಟ್ತ್‌ದ್ |
ಪೊಸತ್ ಪೊಸತ್‌ದ ಕನೊನು ತೂಯೆ |

ಪುಲ್ಲು ಪಜಿರಾದ | ತೆಗಾಲೆ ತೆಗಾಲೆಡ್ |
ಮುತ್ತು ಪನಿತ | ನಲಿಕೆ ತೂಯೆ |
ಮುಕ್ಕೆ ಇತ್ತಿನಾ ಎಸಲ್ ಮೆಲ್ಲೊಡು |
ತೆಲ್ತ ಅರಲುನ | ಪೊಯ್ಲ ತೂಯೆ |
ಪೊಸತ್ ಒಂಜಿ ಕಬಿತೆ ಬರೆಯೆ |

ಪಕ್ಕಿ ಪರಣೆಲು | ಕಣ್ಣ್ ಜತ್ತದ್ |
ಜಡೊನು ಕುಡ್ತುದು | ಲಕ್ಕಿನ ತೂಯೆ |
ಜೆತ್ತಿ ಲೋಕೊನು | ಮೆನ್ತ್ ಲಕ್ಕದ್ |
ಮಿತ್ತ ಸಾಲ್ನ್ | ಪತಿನ ತೂಯೆ |
ಪೊಸತ್ ಒಂಜಿ | ಕಬಿತೆ ಬರೆಯೆ ||

ತಂಪು ಬೀಜುನ | ಗಾಳಿಡೊಂಜಿ |
ತೂಂಕು ತೊಟಿಲ್ದ || ರಾಗ ತೂಯೆ |
ಕಂಗ್ ತಾರೆಲು | ತಾರಿ ಬಾರೆಲು |
ದಂಗ್ ದಾಡುನ | ಸೇಲೆ ತೂಯೆ |
ಪೊಸತ್ ಒಂಜಿ ಕಬಿತೆ ಬರೆಯೆ ||

ತನ್ನೆ ತೋಡುದ | ಪರಪು ನೀರ್ಗ್ ||
ಕಡಲ್ ಸೇರುನ | ಆಸೆ ತೂಯೆ ||
ಮಣ್ಣ್ ದಂಬೆಲು || ಬುಡುದು ಮುಗಲ್ದ
ತಾದಿ ಕಾಪುನ | ಬಯಕೆ ತೂಯೆ ||
ಪೊಸತ್ ಒಂಜಿ ಕಬಿತೆ ಬರೆಯೆ ||

ನಂದಳಿಕೆ ನಾರಾಯಣ ಶೆಟ್ಟಿ

ಪೊರ್ಲುಗು ಮೈ ಮರ್ಲುಂಡು

ಕಡಲ್ದ ಕರೆ ಬರಿತ |ತುಳುವೆರೆ ಸಿರಿ ಮುಡಿತ |
ತುಳುನಾಡ್‌ದ ಪೊರ್ಲು ತೂವೊಡು | ತೂನಗ |
ಪೊರ್ಲುಗ್ ಮೈ ಮರ್ಲುಂಡು | ಕಡಲ್ದ |

ಕಂಡೊಡು ಕೈ ಕೊರಳ್ | ಓ ಬೇಲೆಗೆ ಒರಲ್ |
ಪಾರ್ದನದ ದುನಿಪು ಕೇನುಂಡು.....
ಕಂಗ್ ತಾರೆದ ತೋಟ | ಒರ್ಮೆ ಪಚ್ಚದ ನೋಟ |
ತಂಪುದ ಗಾಳಿ ಬೀಜುಂಡು | ಬೀಜುಂಡು|
ಪೊರ್ಲುಗು ಮೈ ಮರ್ಲುಂಡು || ಕಡಲ್ದ |

ಚೆಮತಿಗೆ ಅಬ್ಬಳಿಗೆ | ಚೆಂಡ್ ಚೆಂಡ್ ಮಲ್ಲಿಗೆಗೆ |
ದೈವ ದೇವರೆನ ಗುಂಡೊಡು.....
ನೇಮ ಕೋಲ ತಂಬಿಲಗೆ |ಕೋರ್ದಟ್ಟ ಕಂಬುಲಗೆ |
ಆಟ ಕೂಟೊನುಲಾ ತೂವೊಡು, ತೂವೊಡು...
ಪೊರ್ಲುಗು ಮೈ ಮರ್ಲುಂಡು || ಕಡಲ್ದ |

ಕೆಡ್ಡಸೊಗು ಕುಡುಅರಿಗೆ | ಬಿಸುಕು ಪಾಯಸಗೆ |
ಅಟ್ಟಿಮಿಗ್ ಸೇಮೆದಡ್ಡೆಗೆ.....
ಚೌತಿಗ್ ಉರ್ದುದಡ್ಡೆ | ಪರ್ಬೊಗು ಪೊಟ್ಟುಗಟ್ಟಿ |
ಬಜಿಲ್ ಮುರೆತ್ | ಮುರೆತ್ ಪಟ್ಟೊಡು | ಪಟ್ಟೊಡು |
ಸಂತೊಸೊಡು ತೆಲಿತ್ ನಲಿಪೊಡು. | ನಲಿಪೊಡು |
ಪೊರ್ಲುಗು ಮೈ ಮರ್ಲುಂಡು.

ಕಡಲ್ದ ಕರೆ ಬರಿತ | ತುಳುವೆರೆ ಸಿರಿಮುಡಿತ |
ತುಳುನಾಡ್‌ದ ಪೊರ್ಲು ತೂವೊಡು | ತೂನಗ |
ಪೊರ್ಲುಗು ಮೈ ಮರ್ಲುಂಡು || | ಕಡಲ್ದ |

ನಂದಳಿಕೆ ನಾರಾಯಣ) ಶೆಟ್ಟಿ



ಆಟೋದ ರಡ್ಡನೇ ಭಾಗವತೆರ್ ಬೊಕ್ಕ ಎಂಕ್ಲೆ ಊರ್ಡ ರಾಜಕೀಯ

ಎಂಕ್ಲೆನ ಊರ್ಡ ರಾಜಕೀಯ ಪಂಡ
ಆಟೋಡ್ ನಡೀರ್ ಬರ್ಪಿನ ರಡ್ಡನೇ
ಭಾಗವತೆರ್ನ ಸುದ್ದಿಗ್ ಕೈ ಪಾಡಿನಂಚ
ನಡೀರ್ಗ್ ಆಟೋಡ್ ಬರ್ಪೆರತ್ತೆ ಆರ್
ಪ್ರಧಾನ ಭಾಗವತೆರ್ಂದ್
ಆಟೋ ತೂಪಿನಕ್ಲೆನ ನಂಬುಗೆ.
ಅಂಚ ಆರ್ ಕೈ ಮುಗಿದ್ ಬತ್ತ್ ಕುಲ್ಲನಗ
ಏತೊಂಜಿ ತಾಟಿ ಬೊಟ್ಟುಪೆರ್.

ಅಂಚೆನೇ ಎಂಕ್ಲೆನ ಊರ್ಡ ರಾಜಕೀಯಲಾ
ಸುರುಟು ಉಪ್ಪುನಕ್ಲು ಲಕ್ಕೊಂದು ಪೋಪೆರ್
ಬೊಕ್ಕ ಬರ್ಪಿನಕ್ಲು ಬೇತೆನೇ ತೂಪೆರ್
ರಡ್ಡನೇ ಭಾಗವತೆರ್ ಬನ್ನಗ ಕೆಲವೆರೆಗ್
ಗಡದ್ದಾ ನಿದ್ರೆ - ಎಂಕ್ಲೆ ಊರ್ಡ ರಾಜಕೀಯಡ್ಲಾ
ನಡುಟ್ಟೇ ವಾ ಜೆಪ್ಪುನುಯೇ
ಎಂಚಿನ ಚೆಂಡೆ ಮದ್ದಲೆಗ್ಲಾ ಲಕ್ಕಂದಿನಾತ್ ನಿದ್ರೆ
ಭ್ರಷ್ಟಾಚಾರ, ಮೋಸ, ದಗಲ್ಬಾಜಿ...
ಪೂರಾ ಸುದ್ದಿಗ್ಲಾ ನಿದ್ರೆನೇ ನಿದ್ರೆ.

ಆಟೋಡ್ ನಡೀರ್ ಬೊಕ್ಕನೇ ಬನ್ನೊದ ಏಸ
ಎಂಕ್ಲೆ ಊರ್ಧ ರಾಜಕೀಯಡ್‌ಲಾ ವಾ ಏಸದಕ್ಕು
ರಡ್ಡನೇ ಭಾಗವತೆರ್ ಏತ್ ಗಂಟೆಗ್
ಪುರ್ಸಂಗ ಮುಗಿಪೊಡು,
ಏರೆನ್ ನಲ್ವಾವೊಡ್, ಏರೆನ್ ಬೊಡ್ಡಿ...
ಇಂಚಮಾತಾ ಎಣ್ಣವೆರ್
ಗಟ್ಟಿ ಇತ್‌ನಾಯನ್ ದಿಗಿನ ಪಾಡ್ವಾವೆರ್
ಎಂಕ್ಲೆ ಊರ್ಧ ರಾಜಕೀಯಡ್‌ಲಾ ಇಂಚಿನೇ.
ಇತ್ತೆ ರಾಜಕೀಯಡ್ ಆಟೊದನೇ ಏಸೊಲು
ಆಟೊಡ್ ರಾಜಕೀಯದಕ್ಲೆನನೇ ಭಾಸಣಲು

ಶ್ರೀನಿವಾಸ ಜೀವಕಟ್ಟೆ

ಪೊರ್ಲುದ ಪೊಣ್ಣು

1

ಫೋಟೋ ಸ್ಪಡಿಯೋದ ಗೋಡೆ ನಿಲೈ
ಶಿಲ್ಪಾನ ಸಿನಿಮಾ ಚಿತ್ರೊಲು
ಸೆಲೂನ್‌ಡ್ ಅಮಿತಾಭ್, ಶಾರೂಖ್‌ನ ಫೋಟೋ ಇತ್ತಿಲೆಕ್ಕ
ಬಿಲ್ ಮಲ್ಪುನ ಪೊಣ್ಣುಗಲಾ ಗೊತ್ತಿಜ್ಜಿ
ಆಲ್‌ಲಾ ಆತೇ ಪೊರ್ಲುಂದ್.
ಬಣ್ಣದ ದೃಶ್ಯನ್ ಸುತ್ತ್ ಸುತ್ತದ್ ವಾ
ಪೊರ್ತ್‌ಡ್‌ಲಾ ರೀಲ್ ಪತ್ತೊಂದು
ಬರ್ರೆರ್ ಅಂಗಡಿಗ್ 'ನೈಸ್ ಪ್ರಿಂಟ್' ದೆಪ್ಪುಲೆ ಪನ್ನೆರ್.
ಪನ್ನಗ ಪೊರ್ಲು ಪೊಣ್ಣು ಕೇನುವಲು
ಸೈಜ್ ಪನ್ನೆ, ಬಯ್ಯಗ್ ಬರ್ಪರಾ ?
ಎಲ್ಲೆನಾ? ಎಡ್ವಾನ್ಸ್ ನೂದು ಕೊರ್ಲೆ....

2

ಸ್ಪಡಿಯೋ ನಿಲೈ ಜನನೇ ಜನ.
ಪಿಕ್ಸಿಕ್, ನಾಗಾರಾಧನೆ, ಬ್ರಹ್ಮಕಲಶ ಮಾತೆರ್ಲಾ ಫೋಟೋಗ್ ಅಮಸರ
ಪೊರ್ಲು ಪೊಣ್ಣು ಕ್ಯಾಮರಾ ದೆತ್ತೊಂದು
ಮೋನೆ ತೂನಗ
ಪಂಡೆ ರೀಲ್ ಪಿದಯಿ ಬರ್ಪುಜಿ,
ಒಂತೆ ದೆತ್ತ್ ಕೊರ್ಲೆ.
ತಿಕ್ಕಿ ತಿಕ್ಕಿನ ಚಿತ್ರ ದೆತ್ತೊಂಡ
ಇಂಚ ತಿಕ್ಕೊದ್ ಬೂರುಂಡ ಪನೊಂದು
ಉಲಾಯಿ ಕೊರಿಯಲ್ ಕ್ಯಾಮರಾ.
ಪಿದಾಯಿ ಪಂಡಲ್ ಈರ್
ಎಲ್ಲೆ ಬಲೆ, ರಸೀದಿ ಪತೊನ್ನೆ ||

3

ಮನದಾನಿ ಮದ್ಯೆನ ಶಿಲ್ಪಾನ ಸಿನಿಮಾ
ಚಿತ್ರದ ಎದುರು ಎಂಕ್ಲೆನ ಭೇಟಿ
ಪೋರ್ಲು ಪೋಣ್ಣ ಪಂಡಲ್
ಕೋರ್ಲೆ ರಸೀದಿ, ದೆತ್ತೊಂದು ತಿರ್ತ್ ನಾಡಿಯಲ್.
ಇಜ್ಜಿಯೇ ಇರ್ನ ದಾಲ ಬೈಜಿಯೇ
ಕ್ಲೀನಿಂಗ್ ಚಾರ್ಜ್ ಮಾತ್ರ ಕೊರ್ದೆ ಪಂಡಲ್

4

ಕೋಡೆ ಆ ಸ್ಪುಡಿಯೋಡ್ಡ
ಶಿಲ್ಪಾನ ಒಂಜಿ ಫೋಟೋ ದೆತ್ತೊಂದು
ರೂಮುದ ಒಟ್ಟಿ ತೋಜುನ ಗೋಡೆಗ್ ತಾಗಾಯೆ
ಇತ್ತೆ ಯಾನ್ ಜೆಪ್ಪುನಗ
ಎದುರು ತೋಜುಂಡು ಫೋಟೋ
ಸ್ಪುಡಿಯೋದ ಆ ಪೋರ್ಲು ಪೋಣ್ಣ !

ಶ್ರೀನಿವಾಸ ಜೋಕಟ್ಟೆ



ಬದ್‌ಕ್‌ದ ಪಯಣ

ಪಾರೊಂದುಂಡು ಗರಿ ಬುಡ್ಡಾದ್ ಪಾರೊಂದುಂಡು
ಸುಖ ದುಃಖ ಪನ್ನಿ ರೆಂಕೆದೊಟ್ಟುಗ್
ಬದ್‌ಕ್ ಪನ್ನಿನ ಪಕ್ಕಿ ಪಾರೊಂದುಂಡು
ಈ ಭೂಮಿಗ್ ನಮ ಒರಿಯೆ ಬತ್ತಡಲಾ
ಮಾತೆರೊಟ್ಟುಗಾದ್ ಬಾಳ್ವೆ ಮಲ್ಪುವ
ಅಪ್ಪ ಅಮ್ಮ ಬಂಧು ಬಾಂಧವೆರ್ ಪಂಡ್‌ದ್
ನಮಕ್ ಮೊಕೆದ ಸಿಂಚನ ಕೊರ್ವೆರ್
ಸುಳಿಯೊಂದಿಪ್ಪುಂಡು ಕನ ಬಾಲ್ಯೊಡು
ಸೆಳೆವುಂಡು ಕನ ಜವನಾದಿಗೆಡ್
ಉಡಲ್ ಬಯಕಿನ ಸಂಗಾತಿ ಕೈತಲ್ ಬನ್ನಗ
ಮೂಡುಂಡು ಹೃದಯೊಡು ಮೋಕೆದ ಬರವು
ಈ ದಿನ ಮೂಲು...ಎಲ್ಲೆ ಓಲಾ...ಯೇರೆಗೊತ್ತು ?
ಈ ಭೂಮಿಗ್ ಬತ್ತಿನಕುಲು ಮಾತಾ ಪಿರ ಪೋವೊಡೇ
ಬದ್‌ಕ್ ಪನ್ನಿ ಬಂಡಿ ಸಾಗೊಂದೇ ಪೋಪುಂಡು
ಕಾಲ ಚಕ್ರದೊಟ್ಟುಗು.

ಅನಿತಾ . ಪಿ . ಪೂಜಾರಿ

ಬಣ್ಣದ ಪಾಠ

ಆ ನಿನ್ನ ಎಲ್ಯ ಕಾರಲೆಡ್ ಎನ್ನ ಮಿತ್ತ್ ಬತ್ತದ್
ತಕತಕಾಂದ್ ನಲಿಪುನಗ ಏತೊಂಜಿ ಋಷಿಯಾವೊಂದಿತ್ತೆಂಡ್
ನಿನ್ನ ಬಣ್ಣದ ರೆಕ್ಕೆನೆ ತೂಯಿನ ಎನ್ನ ಉಡಲ್ಡ್
ಬಣ್ಣದ ಕನಕುಲು ಉದಿತೊಂದಿತ್ತೆಂಡ್
ಬರಿಟ್ಟಿತ್ತಿನ ಪೂಕುಲೆಗ್ ಈ ಎನ್ನ ಕೈತಲ್ ಬನ್ನಗ
ಉಲತ್ತುಲಯೇ ನಂಜಿ ಉರ್ದೊಂದಿತ್ತೆಂಡ್
ಅವೆನ್ ತೂದ್ ಈ ತೆಲಿಪುನಗ ಯಾನ್ಲಾ ತೆಲಿತೊಂದಿತ್ತೆ
ಆ ನಿನ್ನ ತೆಲಿಕೆ ತಿಂಗೊಲ್ದ ಬೊಲ್ಬುದಲೆಕ್ಕ ಸೂಯೆ ಉದಿತಿಲೆಕ್ಕ
ತೆಗೆಲ್ದಿನ ಇರೆತ್ತ ಮಿತ್ತದ ಪನಿಟ್
ಮಕರಂದ ಪರಿನ ನಿನ್ನ ಮೋನೆನ್ ದೆಕ್ಕನಗ
ಈ ಏತ್ ಪೊರ್ಲು ತೋಜೊಂದಿತ್ತೆ.
ಆ ನಿನ್ನ ಮುಗುರು ತೆಲಿಕೆ ಜೋಕುಲಾಟಿಕೆ
ಮಾತಲಾ ಎಂಕಿಷ್ಟ ಆವೊಂದಿತ್ತೆಂಡ್
ದಾಯೆ ಪಾಂತೆ ಇತ್ತೆ ಎನ್ನ ಕೈತಲ್ ಬರುವಾ ?
ಯಾನ್ ಬಾಡ್ಡ್ ನುಂಗುದು ಪೋತಂದಾ ?

ಅನಿತಾ . ಪಿ . ಪೂಜಾರಿ



ಓಲುಂಡು ಇನಿ ಓಲುಂಡು

ಕೊಂತಲ ಜಾರದ ತಂಡೋಲೆ ಪೋಪಿನ
ನಿಶಾನೆ ತೂಪಾದ್ ರಂಪೋಣಿ ಬುಡ್ಡುನಿ
ಓಲುಂಡು ಇನಿ ಓಲುಂಡು ಈ ದೇಕಿಲು ಪೂರ ಓಲುಂಡು ?
ಐನ್ ಬಾವುಟೆದ ರಂಪೋಣಿದ ಗುಜ್ಜಿ
ನಟ್ವೆದ್ ಮಿನ್‌ನ್ ಕೇನುನು ಅಜ್ಜಿ
ಓಲುಂಡು ಇನಿ ಓಲುಂಡು ಈ ದೇಕಿಲು ಪೂರ ಓಲುಂಡು ?
ತಟಪಟ ತುಲ್ಲುನ ಮಿನ್‌ದ ರಾಶಿ
ಕನ್ನೊಂದು ಪಾರುನು ಜೋಕುಲೆನ ಖುಷಿ
ಓಲುಂಡು ಇನಿ ಓಲುಂಡು ಈ ದೇಕಿಲು ಪೂರ ಓಲುಂಡು ?
ಮಾರ್ಗೊಡು ಉಂತಿದಿನ ಲಾರಿದ ಸಾಲ್
ಮಿನ್‌ನ್ ತುಂಬುನ ಪೊಣ್ಣಲೆ ಪೊರ್ಲು
ಓಲುಂಡು ಇನಿ ಓಲುಂಡು ಈ ದೇಕಿಲು ಪೂರ ಓಲುಂಡು?
ಮಿನ್‌ನ್ ರಾಪಿನ ಕಡಲ ಕಾವೆಲು
ನಿಶಾನೆ ದೀಪಿನ ಬೆಡಿತ ಪೊರ್ಬುಲು
ಓಲುಂಡು ಇನಿ ಓಲುಂಡು ಈ ದೇಕಿಲು ಪೂರ ಓಲುಂಡು?
ಸೈದಿ ಮಿನ್‌ನ್ ಗೋರುನ ಪೊರ್ಲು
ಆಣುಲು ಪೊಣ್ಣುಲು ತೆರೆಡುನ ಪೊರ್ಲು
ಓಲುಂಡು ಇನಿ ಓಲುಂಡು ಈ ದೇಕಿಲು ಪೂರ ಓಲುಂಡು ?
ಐಸ್ ಕ್ಯಾಂಡಿ ಜುಂಬುನ ಜೋಕುಲು
ಕರ್‌ಂಬು ಸೋಜಿ ಪರ್‌ಪಿನ ಜವೆನರ್
ಓಲುಂಡು ಇನಿ ಓಲುಂಡು ಈ ದೇಕಿಲು ಪೂರ ಓಲುಂಡು?

ಮಿತ್ರಪಟ್ಟಿ ಗೋಪಿಕಾಪ್ಪಿಂ

ಮದಪಡ ಬಾಲೆ

ಮದಪಡ

ಒರುಂಬ ತಿಂಗೊಳ್ ತುಂಬುದು ಪೆದ್ದದ್ ತಾಂಕಿನ ಅಪ್ಪೆನ್
ಮದಪಡ ಬಾಲೆ ಮದಪಡ
ಕಪ್ಪು ಬೊಲ್ದ ಪನ್ನಿ ಬೇದ ತೂವಂದೆ ತಾಂಕಿನ ಅಪ್ಪೆನ್
ಮದಪಡ ಬಾಲೆ ಮದಪಡ
ಪೊರ್ತು ಪೊರ್ತುಗ್ ಗಂಜಿ ನುಪ್ಪುನು ತಿನ್ಪಾಯಿ ಅಪ್ಪೆನ್
ಮದಪಡ ಬಾಲೆ ಮದಪಡ
ಎಡ್ಡೆಮೆಲ್ಲಿಗ್ ಪೊಸತ್ ಅಂಗಿನ್ ಪೊಲ್ಲಾದ್ ಕೊರಿತಿನ ಅಪ್ಪೆನ್
ಮದಪಡ ಬಾಲೆ ಮದಪಡ
ಜ್ಜರೊಟು ಬೂರುನಗ ಪಗೆಲ್ ರಾತ್ರೇಡ್ ನಿದ್ರೆ ಕಚೆರಿನ ಅಪ್ಪೆನ್
ಮದಪಡ ಬಾಲೆ ಮದಪಡ
ಅಮ್ಮೆಗವೊಡು ಪೆಟ್ ಪಾಡನಗ ನಡುಟು ತಡೆತಿನ ಅಪ್ಪೆನ್
ಮದಪಡ ಬಾಲೆ ಮದಪಡ
ಪೈಸೆ ಪೈಸೆನ್ ರೂಪಾಯಿ ಮಲ್ತದ್ ಶಾಲೆ ಕಲ್ಪಾಯಿ ಅಪ್ಪೆನ್
ಮದಪಡ ಬಾಲೆ ಮದಪಡ
ಬೇಲೆ ದಾಂತೆ ಇಲ್ಲಡ್ ಕುಲ್ನಗ ನೆರಂದೆ ತಾಂಕಿನ ಅಪ್ಪೆನ್
ಮದಪಡ ಬಾಲೆ ಮದಪಡ
ಮುತ್ತು ಕೊರ್ಪಿನ ಬುಡೆದಿ ಬನ್ನಗ ನುಪ್ಪು ಕೊರ್ಪಿನ ಅಪ್ಪೆನ್
ಮದಪಡ ಬಾಲೆ ಮದಪಡ

ಮಿತ್ರಪಟ್ಟಿ ಗೋಪಿಕಾತ್ಯಯ



ಆಯೆ ಬದ್ಧದ್ ಒಲಿಯೊಡು

ದೇಸೊಡುಲ್ಲೆರ್ ಸಾರಸಾರ ಗೂಂಡಾನಕುಲು
ಖರ್ಚಿ ಮಲ್ತದ್ ಮಂಡೆದ ಬೊಂಡುನು
ಕಂಡ್ ಕಂಡ್‌ದ್

ಗುಂಡು ದೀದ್ ದಂಡ್ ಲಕ್ಕಾವೆರ್
ಗೊತ್ತುಂಡಕ್ಕೆಗ್ ನಮ ಸಾಂಕುವ
ಮೋಕೆ ಜೋಕೆಡ್ ದೀದ್ ಗುಂಡೊಡಕ್ಕೆನ್
ದಂಡ ಕೊರ್ಪುಜ, ಸಿಗ್ಗೆ ಕೊರ್ಪುಜ
ಗ್ಯಾಂಗ್‌ದ ಡಿಗ್ರಿ ಕೊರ್ದು ಜೈಜೈಕಾರ ಮಲ್ಪುವ
ಪೊಣ್ಣು ಕಣ್ಣೆದ ಕಾನೂನು ತೂಪುಂಡುಂದು
ಪಂಡ್ ಪಂಡ್‌ದ್

ಕಾಪುವ ನಮ ಕೈದಾಪುಡುಂದು
ಗುಂಡೊನಕ್ಕೆಗ್ ಬಂಡಸಲೆ ಮಲ್ಪುವ
ಅಬೆಪೆರೆ ಮಿನ್ ಮಾಸ

ದಿಂಗರೆ ವಿಸ್ತಿ ಬ್ರಾಂಡಿ

ಒದಗಾವ ಚೊಂಬುದ ಮಂಡೆ ಮಂಡೆ

ಗುಂಡು ದೀಪಿನ ಜಾಗ್ ಪಂಡ್‌ದ್

ಗಾಬ್ ಲಕ್ಕಾವೆರೆ ಮೊಬ್ಬಾಲ್ ಪೋನು ಕೊರ್ಪ

ಮಂಡೆ ಹಾಕ್‌ದ್ ದೊಂಡೆ ದಿಂಜಾವೆರೆ
ಸಾದಿ ತೋಜಾವ
ಕೋಟುರ್ದೆದುರು ಕನ್ನಗ್ಲೆನ್ ಸೆಂಡುನಲ್ಕ
ರಾಸಿ ರಾಸಿ ಮಾಧ್ಯಮದೆಕ್ಲೆನ ನಟುಟುರು
ಬಿಗಿಭದ್ರತೆಡ್ ಕನಪ
ದಾಯೆಗಿನ್ನಗ ಆಯೆ ಬದ್ಕಾದ್ ಒರಿಯೊಡು
ನನಲಾತ್ ಪೊರುಡು ಗುಂಡು ದೀವೊಡು

ಜಿ. ಪಿ. ಕುಸುಮ

ಬೊಂಬಾಯಿ ರಾತ್ರಗ್ಲಾ ಜೆಪ್ಪುಜಿ

ಪೂರ್ತು ಇಜ್ಜಿ ಒಂಜಿ ಪುಂಡಿ
ಸೀಂಟ್ ದೆತ್ತಂಡಲ ದಿನತ ಬಂಜಿ
ಬೊಟ್ಟರೆ ಪೋನಗ ನಿದ್ರೆದ ಬಾಕಿಲ್
ಪುರ್ತುನೂಕುಂಡು ಎಲ್ಲೆದ ಕೆಲಸದ ರಾಸಿ
ಕೈ ಬುಡ್ಡು ಬಲ್ಪುಂಡು ಕಬಿತೆದ ಕೊಡಿ
ದೆಂಗ್‌ದ್ ಕುಲ್ಪುಂಡು ಕತೆದ ತುಂಡು

ಬೊಂಬಾಯಿ ರಾತ್ರಗ್ಲಾ ಜೆಪ್ಪುಜಿ
ಜೆಪ್ಪೆರೆ ಏರೇನ್ಲಾ ಬುಡ್ಡುಜಿ

ಅಮಸರ ಮೂಲು ಕೊಡಿಕಡೆ
ಅಮತ್ತ್‌ದ್ ದೀಪುಂಡು ಬಾಜೆಲ್ ಬಡವುನು
ಆಸೆ ಇಸ್ವಾಸೋನು, ಪೊರ್ಲು ತೆಲಿಕೆನ್
ಮನಸ್ಸ್ ಮಾತ್ರ ತಿಕ್ಕುಜಿ
ವನಸ್ಸ್ ಏರೇನ್ಲಾ ತಪ್ಪುಜಿ
ದುಂಬು ಪೋಪಿನಕ್ಲೆನ್ ಉಂತಾವುಜಿ

ಬೊಂಬಾಯಿ ರಾತ್ರಗ್ಲಾ ಜೆಪ್ಪುಜಿ
ಜೆಪ್ಪೆರೆ ಏರೇನ್ಲಾ ಬುಡ್ಡುಜಿ

ದಿನರಾತ್ರಿದುಲಯಿ ಕಜವುಲಾ
ಪುದರ್‌ಪೋಪುಂಡು ಪುದರಿತ್ತಿನವು
ಕಜವುಡ್ಡುಲಾ ಕಡೆ ಆಪುಂಡು
ಕಾರ್‌ದಡಿತ ಜಾಗ್‌ಲಾ ಪಿಸ್‌ರ್ ಬತ್ತ್‌ಡ
ಮಡ್‌ಪಾಡುಂಡು ಬದ್ಕಾದ ಪಜೆನ್
ಒವ್ವು ಕಟ್ಟೊನ್ನಾ ಮೂಲು ಮುಟ್ಟಿರಿಜ್ಜಿ

ಬೊಂಬಾಯಿ ರಾತ್ರೆಗ್‌ಲಾ ಜೆಪ್ಪುಜಿ
ಜೆಪ್ಪೆರೆ ಏರೇನ್ನಾ ಬುಡ್ಡುಜಿ

ಬೊಂಬಾಯಿ ಮಾತ್ರ ಪೊರ್ಲು ಪೋಣ್ಣ
ನಿತ್ಯ ಮದಿಮಾಲ್
ಪುಟ್ಟುಂಡು ಮೂಲು ಕನೊಕು ಸಾರ ರೆಂಕೆ
ಸೂರ್ಯೆ ಗೆಂಡ ಕಕ್ಕೊಂದು ಪೋಯೆಡ್ಲಾ
ಬೆರಿಟೆ ಚಂದ್ರೆ ದಿಂಗ್‌ದ್ ಮಾಜಾವೆ
ಬೊಂಬಾಯಿ ರಾತ್ರೆಗ್‌ಲಾ ಜೆಪ್ಪುಜಿ

ಜಿ. ಪಿ. ಕುಮಾರ್



ಡೆನ್ನಡೆನ್ನನಾ ನಲಿಪುಗ ಡೆನ್ನಡೆನ್ನನಾ

ಪುಲ್ಕಾಂಡ್ ಲಕ್ಶ್ಮಲೆಯೇ ಜನೊಕುಲು ಜೈದಿನಾ....
ಮೂಡುನ ದೇವರೆಗ್ ಕೆಂಪಾಂಡ್ ಬಾನನಾ....
ಕೋಗಿಲೆದ ಸೊರಕೇನ್ದ ನವಿಲ್ದ ನಲಿಕೆನಾ....
ಡೆನ್ನಡೆನ್ನನಾ... ನಲಿಪುಗಾ... ಡೆನ್ನಡೆನ್ನನಾ...||ಪುಲ್ಕಾಂಡ್||
ಗುಡ್ಡದಾ ಆ ತಲೊಡ್ಡು ಉದಿಪುನ ದೇವರೆನಾ....
ಪುದರ್ನ್ ಸುಗಿತೊನುನಾ ಪಕ್ಕಿಲೆ ಪಾಡ್ಡನಾ....
ಬೀಜುನ ಗಾಳಿ ತಂಪು... ಉಲ್ಲಾಸ ಮೈ ಒರ್ಮೆನಾ....
ಡೆನ್ನಡೆನ್ನನಾ... ನಲಿಪುಗಾ... ಡೆನ್ನಡೆನ್ನನಾ... ||ಪುಲ್ಕಾಂಡ್||
ಪೂಪಜಿರ್ ಬಂಗಾರ ತುಳುವಪ್ಪೆ ಸಿಂಗಾರ....
ಪರಪುನ ಸುದೇನೀರ್ದ ತೂವೊಡುಯೆ ವೈಯ್ಯಾರ....
ಚಿಲಿ ಪಿಲಿ ಪಕ್ಕಿದೊಟ್ಟು ಪರಪು ನೀರ ನಾದ ಸೊರ....
ಡೆನ್ನಡೆನ್ನನಾ... ನಲಿಪುಗಾ... ಡೆನ್ನಡೆನ್ನನಾ... ||ಪುಲ್ಕಾಂಡ್||
ಕೋರಿರುಟ್ಟಿ ಪುಂಡಿಗಟ್ಟಿ ಪಾಯಸ ತಮ್ಮನಾ....
ಬನ್ನಂಗಾಯಿ ಬಜಿಲ್ ದೊಟ್ಟು ಅಚ್ಚಿಬೆಲ್ಲ ಕಮ್ಮೆನಾ....
ನೇಮಕೋಲ ತಂಬಿಲದ ಪೊರ್ಲೆಂಚ ಮದೆಪನಾ....
ಡೆನ್ನಡೆನ್ನನಾ.... ನಲಿಪುಗಾ.... ಡೆನ್ನಡೆನ್ನನಾ.... ||ಪುಲ್ಕಾಂಡ್||

ದೇವದಾಸ್ ಪಿ. ಸಾಲ್ಯಾನ್

ಬದ್ಧಾಃ ಕೈ ಅರಾಃ ನಿನಃ ಲೆತ್ತೊಂದುಂಘು

ಬದ್ಧಾಃ ಬೊಡ್ಡೊಂದ್....
ಸೋತುದು ಪೋಡೊಡ್ ಕುಲ್ಲಡ ಈ ಮನಿಪಂದೇ....
ಅಲಾ ಬದ್ಧಾ ಕೈ ಅರಾಃ ನಿನಃ ಲೆತ್ತೊಂದುಂಘು....
ಜೀವನದ ಬಂಗ....
ಬೇನೆಲೆಗ್ ಕೊರುತಿಗಲೆ ಈ ಪೋಡ್ಯಂದೇ....
ಅಲಾ ಬದ್ಧಾಃ ಸುಖ ನಿಕ್ಕಾದ್ ಕಾಂತೊಂದುಂಘು.... ||ಬದ್ಧಾಃ||

ಕಷ್ಟೊಲು ಬರು ಸಾರ.... ಕಲ್ಲೆಲಾ ಕರಾವು....
ನಷ್ಟೊಲೇ ನಿಕ್ಕ ಪೂರ.... ಕರ್ಲೆಲಾ ಕರಾವು....
ನಿದ್ರೆಗೇ ಬರು ಕಾಲ.... ಇರ್ಲೆಲಾ ಕರಿದ್ ಪೋವು....
ಆಂಡಲಾ ದುಂಬು ಪೋ, ಪೋದುಂಬು ಈ ದೈರ್ಯೋಡೇ....
ಅಲಾ.... ಬದ್ಧಾಃ ಕೈ ಅರಾಃ ನಿನಃ ಲೆತ್ತೊಂದುಂಘು... ||ಬದ್ಧಾಃ||

ಜಕ್ಕೆಲ್ಡ ತೂಂಕುದು ಅಪ್ಪೆ ಮಿರೆಪೇರ್ ಕೊರ್ನಗಾ....
ಮುಕ್ಕೊಲು ಮೂಜಿ ಪೂರ್ತು ಬಡವು ಬಾಯಿಗ್ ದೀನಗಾ...
ಕಣ್ಣಾಣ್ ಎಣ್ಣೆಪಾಡ್ಡ್ ನಿಕ್ಕ ಬರವು ಸರಾವು ಕಲ್ಪನಗಾ....
ನಿನ್ನ ಅಪ್ಪೆ ತೂಯಿ ಕನ ಒಂಜೇ... ನಿನ್ನ ಬದ್ಧಾಃ....
ಅಲಾ.... ಬದ್ಧಾಃ ಸುಖ ನಿಕ್ಕಾದ್ ಕಾಂತೊಂದುಂಘು....||ಬದ್ಧಾಃ||

ಕಲ್ಲಟ್ಟಿ ಜಾರಂದಾಯೆ ಮೈ ಒರ್ಮೆ ಕುಂಬರ್‌ನಗಾ
ಕಲ್ಲಟ್ಟಿ ಜುಮಾದಿ ಊರೊರ್ಮೆ ಅರಂಬುನಗಾ
ದಲದೇಸ್ಥಾನೊಡು ಗುಡಿಗುಂಡಾರೊಡು ಪೂಜೆ ನಡಪುನಗಾ
ಅಡ್ಡ ನೀಟ ಬೂರ್ಡು ನಟ್ಟಿನ ನಿನ್ನಪ್ಪೆನ ಕನಾ ನಿನ್ನ ಬದ್ಡ
ಅಲಾ ಬದ್ಡ ಕೈ ಅರಾದ್ ನಿನನ್ ಲೆತ್ತೊಂದುಂಡು ||ಬದ್‌ಕೇ||

ದೇವದಾಸ್ ಪಿ. ಸಾಲ್ಯಾನ್



ತುಳುವಾಘ ಜೋಕುಲು

ನೆನಪು ಬಪುಂಡು ಎಂಕ್ ನೆನಪು ಬಪುಂಡು
ಯಾನ್ ಕಳೆದಿ ಬಾಲ್ಯದ ನೆನಪು ಬಪುಂಡು
ಮಲ್ಲ ಚೀಲ ಪತ್ತೊಂದು ಮೆಲ್ಲ ಶಾಲೆಗ್ ಪೋತಿನ
ನೆನಪು ಬಪುಂಡು ಎಂಕ್ ನೆನಪು ಬಪುಂಡು ||ನೆ||

ಎನ್ನ ಮಗಲ್ನು ಟ್ಟಿಂಕಲ್ ಟ್ಟಿಂಕಲ್ ಯಾನ್ ಕೇನ್ನಗ
ಬೆಂಡೆಕಾಯಿ ತೊಂಡೆಕಾಯಿ ನೆನಪು ಬಪುಂಡು
ಜೋಕುಲು ಪೂರ ಕುರುಕುರೆ ಕರಕರ ತಿನ್ನಗ
ಪುಳಿತ ಬಿಶ್ತ್ ತಿಂತಿನ ನೆನಪು ಬಪುಂಡು ||ನೆ||

ಎನ್ನ ಮಗೆ 'ಪಾಕೆಟ್ ಮನಿ' ಎನಡ ಕೇನ್ನಗ
ಅಮ್ಮೆರ್ ಕೊರ್ತಿ ಎಡ್ಡಾಣೆದ ನೆನಪು ಬಪುಂಡು
ಕರಾಟೆದ ಜೋಕುಲೆನ ಗುಬ್ಬು ತೂನಗ
ಎಂಕುಲುಗೊಬ್ಬಿ ಕುಟ್ಟಿದೊನ್ನೆದ ನೆನಪು ಬಪುಂಡು ||ನೆ||

ರಾತ್ರಿಡ್ ನಡಪು ಡಿಸ್ಕೊ ಪಾರ್ಟಿ ಯಾನ್ ತೂನಗ
ತಿಂಗೊಲು ಬೊಲ್ಪುಡು ನೇಜಿ ಪರ್ದಿನ ನೆನಪು ಬಪುಂಡು
ಜೋಕುಜೆನ ಚದುರಂಗದಾಟ ತೂನಗ
ಚೆನ್ನೆ ಮಣೆತ ಪೊರ್ಲುದಾಟ ನೆನಪಾಪುಂಡು ||ನೆ||

ಪೊಣ್ಣಲೆನ ಕುಟ್ಟಿಕಾರ್ಡ್ ಮುಟ್ಟು ತೂನಗ
ಬಜಿಕಾರ್ಡ್ ನಡದಿನ ನೆನಪು ಬರ್ಪುಂಡು
ಎನ್ನ ಮಗಲ್ ಪಾರ್ ಬತ್ತ್ ಮುತ್ತು ಕೊರ್ನಗ
ತುತ್ತು ಕೊರ್ತಿ ಎನ್ನಪ್ಪೆನ ನೆನಪು ಬರ್ಪುಂಡು ||ನೆ||

ಮುಂಬಯಿದ ಪರ್ಬದ ಕರಂಜಿ ತಿನ್ನಗ
ಮುಡಿ ಬಜಿಲ್ ಗಟ್ಟಿ ಪುಂಡಿ ನೆನಪು ಬರ್ಪುಂಡು
ಬಂಟ್ಸ ಸಂಘದ ಬಿಸುಪರ್ಬದ ಪೊರ್ಲುತೂನಗ
ತುಳುನಾಡ್ಡ ಜಾತ್ರೆ ಎಂಕ್ ನೆನಪಾಪುಂಡು

ಕಾಲೊಗು ತಕ್ಕ ಕೋಲ ನಮ ಕಟ್ಟೊಡಾಪುಂಡು
ಆಂಡ ಮಾತ್ರ ನಮ ಒರ ಪಿರ ತೂವೊಡು
ನಮ್ಮ ಭಾಸೆ ನಮ್ಮ ಮಣ್ಣೊದ ಗುರ್ತು ಬೋಡು
ತುಳುವಪ್ಪೆ ಜೋಕುಲುಂದು ನೆನಪು ದಿವೊಡು ||ನೆ||

ಶ್ರೀಮತಿ ಪ್ರಮೋದ ಎಸ್. ಮಾಡ

ದಾಯೆಗೀ ಭೇರ?

ಗರ್ಭ ಬಂಜಡ್ ದಿಂಚಿನಂಚೆನೇ
ಪೊಣ್ಣ ಆಣ ಪನ್ನಿ ಕೌತುಕ
ಆಣ್ ಆಂಡ ದಿಂಜುಂಡ್ಯೆಸಿರಿ
ಪೊಣ್ಣ ಪಂಡ ಪಿಂಡ ಕತ್ತರಿ||

ವಂಶದಾಸರೆ ಆಪೆ ಅಯೆ
ಮಸ್ತ್ ಕಲ್ತ್ದ್ ತೂಪೆ ಅಯೆ
ಭವಿಷ್ಯ ನಿಧಿನ್ಲಾ ಗೆತ್ತ್ ತಾಂಕಿಯೆರ್
ಮಗನ್ ಇಂಜಿನೀಯರ್ ಮಲ್ತೆರ್||

ಮೆಲ್ಲ ಮೆಲ್ಲನೆ ಮಲ್ಲೆ ಆಯೆ
ಎಡ್ಡೆ ಭವಿಷ್ಯೊಗು ಪಿದಾಯಿಪೋಯೆ
ಅಲ್ತ ಪೊಣ್ಣನೆ ಮದಿಮೆ ಅಯೆ
ಅಪ್ಪೆ-ಅಮ್ಮೆರೆನ್ ಮದತೆ ಬುಡಿಯೆ||

ಡಾಲರ್ ದಾಸೆ ಆನಿ ಮಲ್ತೆರ್
ವಾಕರ್ ಇನಿ ಬೇಗ ಪತಿಯೆರ್
ಆಜಿ ಪೋಂಡು ವಂಶದಾಸರೆ
ಪೂಜಿ ಮುಗಿಂಡ್ ಕೈತಕಾಸ್||

ನೆನಪು ಬತ್ತಂಡ್ ಶ್ರವಣ ಭಕ್ತಿ
ಶ್ರೀ ರಾಮಚಂದ್ರನ ಪಿತ್ಯ ಭಕ್ತಿ
ತುಂಡು ಕುಂಟುಗು ಪುಂಡಿನುಪ್ಪುಗು
ತತ್ತಾರಗಲೆಗ್ ಬತ್ತ್ ಪೋಂಡು||

ಭೂಮಿ ಅಪ್ಪೆ ಪೊಣ್ಣತ್ತೆ ಕೇನ್ಲೆ
ಬಾಢಿ ಅಪ್ಪೆ ಪೊಣ್ಣತ್ತೆ ಕೇನ್ಲೆ
ತುಳುನಾಡ ಸಿರಿಯೆ ಪೊಣ್ಣತ್ತೆ ಕೇನ್ಲೆ
ಕವಿಶ್ರೇಷ್ಠೆ ಸುನೀತಕ್ಕ ಪೊಣ್ಣತ್ತೆ ಪನ್ಲೆ||

ಲಿಂಗವೊವು ಆಂಡ ದಾನೆ
ಸಂಗ ಕೊರಂದಿ ಜೋಕುಲುದಾಯೆ?
ಆಶ್ರಯ ಕೊರಂದಿನ ಆಣ್ಲಾ ನಶ್ವರ
ನಿರೆಲ್ ಕೊರುಂಡ ಪೊಣ್ಣೆ ಅಮರ||

ಶ್ರೀಢತಿ ಪ್ರಢೋದ ಎಸ್. ಢಾಡ



ನೆನಪು

ಅಮ್ಮ ನಿನ್ನಾ ನೆನಪು ಈ ಎನ್ನ ಮನಸ್‌ಡ್
ಎದಗಲಾ ತಲಿತೊಂದು ನಲಿತೊಂದು ಉಂಡು
ಆ ನಿನ್ನ ಪ್ರೀತಿ ವಾತ್ಸಲ್ಯ ಕರುಣೆಲೆ ದಂಡ್
ನಿನ್ನ ತಾಳೆದ ದೀಪ ಬೊಲ್ಪು ತೋಜುಂಡು ||1||

ಒಂಭತ್ತಿಂಗೊಲು ನಿನ್ನ ಗರ್ಭೋಡ್ ಕುಲಿಯೆ
ಪತ್ತನೆ ತಿಂಗೊಲುಡು ಈ ಭೂಮಿ ತೂಯೆ
ಮಟ್ಟಿಲ್‌ಡ್ ನಲಿತೆ - ಮಿರೆ ಪೇರ್ ಪರಿಯೆ
ಕಷ್ಟ - ಸುಖ ಒಂಜಿಲಾ ತೆರಿಯೆಂದೆ ಬುಲೆಯೆ ||2||

ಪುಣ್ಯ ಪುರುಷೆರೆ ಕತೇನ್ ನಿತ್ಯ ನೆನಪಾಯು
ವಿದ್ಯೆ - ಬದ್ಧಿಕ್ ಎಂಕ್ ಸಭ್ಯತೆನ್ ಕಲ್ಪಾಯು
ಪ್ರೀತಿ - ಪ್ರೇಮೊಡು ಉಡಲ ಕರುಣೆ ತೋಜಾಯು
'ಅಮ್ಮ' ದೇವೆರ್ 'ಗುರು' ಉಂದೆನ್ ತೆರಿಪಾಯು ||3||

ಆನಿದಾ ದಿನ ಎನಾಡ್ ದೂರ ಆಯು
ವಿಧಿಟಪ್ಪ ಸೇರೊಂದು ತೋಜಂದೆ ಪೋಯು
ಕರೀಂಡ್ ಎತೋ ವರ್ಷ - ನೆನಪುಡೇ ಉಲ್ಲೆ
ಆತ್ಮಶಾಂತಿಗ್ ದೇವೆರೆಡ ನಟ್ಟೊಂದೇ ಉಲ್ಲೆ

ರಾಮ್ ಮೋಹನ್ ಶೆಟ್ಟಿ

ಉಡಲ ಬೊಲ್ಬು

ಉಡಲ ತಿಬಿಲದ ದೀಪ
ಬತ್ತಿ ಅರೊಂದಿಜ್ಜಿ
ಕತ್ತಲಾವೊಂದುಂಡು ಎಣ್ಣೆ ದಾಂತೆ
ಉಲ್ಲಾಸ, ಸಂತೋಷ
ತೆಲಿಕೆ ನಲಿಕೆಲ ಇಜ್ಜಿ
ಬೊಲ್ಬು ತೋಜುಜಿ, ಆತ್ಮಶಾಂತಿ ದಾಂತೆ ||1||

ಕೈಕಾರ್ ಗಡಗಡನೆ
ಧೈರ್ಯನೇ ಮದೆಟುಂಡು
ಮನಸ್ಸಡ್ ಈ ಬೇನೆ ದಿಂಜಿದುಂಡು
ಮಂಡೆ ಬಲಿಪುಜಿ ತೂಲೆ
ನರ-ನಾಡಿ ನಲಿಪುಜಿ
ಸುತ್ತಲಾ ಕತ್ತಲೆನೆ ತೋಜೊಂದುಂಡು ||2||

ಎಣ್ಣೆ ದಿಂಜಿದಿ ತಿಬಿಲೆ
ತೆಲಿತ್ - ನಲಿತ್ ಅದಗ
ಪೊರ್ಬು ಅರ್ಲಾದ್ ದೀಪ ಬೊಲ್ಬು ಕೊರುಂಡು
ಇನಿಕ್ ಆ ಕಾಲನೇ
ಸರಿದ್ ಪೋದಾತ್ಂಡ್
ದೇಹ ಕಷ್ಟೊಡು ಜೀವ ತರೆನ್ ತಗ್ಗಾಂಡ್||3||

ಆಂಡ ಭರವಸೆ ಉಂಡು
ದೀಪ ಅರೊಂದು ಬರು
ಕತ್ತಲೆಡ್ ದೀಪನೊರ ಬೆಳಗಾವೊಡು
ಎಣ್ಣೆ ದಿಂಜಿದಿ ತಿಬಿಲೆ
ಬತ್ತಿ ಪೊತ್ತೊಂದು ಬರು
ನಂಬೊಲಿಗೆ ಎನ್ನ ಈ ಉಡಲ್ಡುಂಡು ||4||

ರಾಮ್ ಮೋಹನ ಶೆಟ್ಟಿ



ಅಂಗಲಾಪ್ತು

ಪಸ್‌ರೆಂಗಿ ಈ ನಾಡ್‌ಡ್
ಪರಡ್‌ದಿ ಪಸ್‌ರೆಂಗಿ ಬೊಲ್ವುಗು
ಚಿಮಿಣಿ ಕಣ್ಣುಲು ಮೆನ್ನುಂಡು
ಜವನಾದಿಗದ ಬೆಗರ್
ಪಿಲಿಪಿಲಿ ಪನ್ನುಂಡು

ಬಲಿ, ಕೋಲ ತಂಬಿಲ
ಊರು ಕಾಪುನಾಯಗ್
ಲಾಕಿ, ಕೆಲೆಪ ಪೂಂಜೆ
ಕುರಿನೀರ್ ನೇಮದೆಚ್ಚಿಡ್

ಮದ್ದಲಾಯಿನ ಮರ್ಮಲ್
ಕಾತ್ ಕುಲ್ದಿನ ತಂಗಡಿ
ನಿಸ್‌ನಿದ ನೀರ್‌ಗ್
ಬೈಪನೆಡ್ ಉಸುಲು ಬುಡ್ಡಿನ ಎದ್ದು
ಪಸ್‌ರೆಂಗಿ ನಾಡ್‌ಗ್ ಓಲೆ
ಜರಿದಿ ಬೆಂದರ್‌ದ್ ಕೊಟ್ಟು
ಜಾರ್ಡಿ ಕುಬೆ

ಪೊಸ ಇಲ್ಲ, ಪೊಸ ಮಾಡ್
ಅವ್ವು ಮನೆ ಮಂಚಾವು
ಪದ್ದೆಯಿ ಬಂಗಾರ್
ಕೂಡ್ಡಿ ಬಿನ್ನೆರ್ ಜತ್ತಿ ಬಿನ್ನೆರ್
ಮಿತ್ತ ಕಂಡದ ಬೆನ್ನಿ
ತಿರ್ತ ಕಂಡದ ಬುಲೆ
ಬಿತ್ತಲ್ಡ್ ಗುಜ್ಜೆ ಪೆಜಕಾಯಿ
ದೊಂಪೊಡು ಬಸಲೆ ನೆಲ್ಲಿಕಾಯಿ

ಇನಿಗ್ ಜವನಾದಿಗದ ಬೆಗರ್ ಬೆಗರ್
ಉರೆ ಕೊಡೆಯಿ ಬೆಗರ್
ಅಂಗಲಪುದ ಬದ್ಕ
ಪಿರ ಜತ್ತ ತೂನಗ
ದೊಂದಿ ತೂಟಿಲೆ ತೆಲಿಪು
ಕುಡ್ಡೆಲ್ ಬೂತದ ಅಂಗಲಪ್ಪು

ಸಾ. ದಯ)

ಕೆಮ್ಮರೆ ಉರಿಯೆ, ಮೈಪೆ
ಕೂಡ್ 'ಕೋರ್ಟ್‌ಟದ ಕಲಟ್'
ಕಡ್ಲೆ, ಬೊಲ್ಲೆ.
ಸೋಮಾರದ ಸಂತೆಡ್
ಬೈಲಾರ್ದ ಬಂಡಿಡ್, ಕೋರ್ಟ್‌ಬ್ಬು ಕೋಲೊಡು
ಗೆಂದಿ ಕೋರಿ; ಒರಿ ಬಂಟೆ
ನಾಲೂರುಡ್ಡು ಬೈದಿ ಕೋರಿಲು.

ಕೋರಿ ಬುಡ್ಡಿನ ಕರಿಯಜ್ಜೆ
ಬಾಲ್ ಕಟ್ಟುನ ಕೊರಗಜ್ಜೆ
ಕೋರಿ ಪೊಲ್ಲುನ ಬಾಬಣ್ಣೆ
ನೀರ್ ಪತ್ತುನ ಎಂಕಪ್ಪೆ
ಸುತ್ತ ಕೂಡ್ಲೆರ್;
ದೂದು ಕಟ್ಟುನ ದೂಮಣ್ಣೆ, ಸೋಂಪಣ್ಣೆ

ಕೊಟ್ಟು ಅಗ್ಗಿದ್ ಕರಿಯಜ್ಜೆ
ಕಲಟ್ ಬುಡಿ ಕೋರಿ
ನೆಲ ಬುಡ್ಡು ಕೋಲು ಎತ್ತರೊಡು ಲಾಗಿಂಡ್
ಎದುರಿಡ್ತಿ ಮೈಪಗ್ ಅಲ್ಲೆಗೊಂಜಿ ಎಡ್ತಂಡ್;
ಪಿರಮುಗುಡ್ಡು ತಿಗಲೆಗೊಂಜಿ ಗುದ್ದುಂಡು.

ಪಿದಯಿ ಬೂರಿ ಕರ್ಲ್ಸ್ ಉಲೈಪಾಡ್
ಪೊಲೈರ್ ಬಾಬಣ್ಣೆ; ಮೈಪನ
ರೆಕ್ಕೆಗೊಂಜಿ ಪಾಡೈರ್ ಕಟ್ಟ
ಅರಿನೀರ್ ಪತ್ತಿಯೆ ಎಂಕಪ್ಪೆ.

ಕುಡ ರಂಗೇರ್ಂಡ್ ಕಲಟ್
ನೆಲ ಬುಡ್ಡು ಆಕಾಸೊಗು
ಮಲೆದುಂತಿಯ ರೆಕ್ಕೆ ಕುಡ್ಡುದ್ ಕೋರಿಲು
ಕೋರಿನ್ ಕಲಕ್ ಬುಡಿ ಕೈ ಓಲುಂಡು?
ಕಟ್ ದಿ ಬಾಲ್ ಮಾತ್ರ ನಲ್ತಂಡ್
ಕೈಟ್ ನೋಟು ಪೂರ ತೆಲ್ತಂಡ್

ಒಟ್ಟೆ ಒಂಟೆ ಆವೊಡುಂದ್
ಕೂಡ್ಡಿ ಜನ ಕಾತೆರ್
ಒಟ್ಟೆ ಒವು ಒಂಟೆ ಒವು
ಕುಂಟ ಬುಡಿಕೋರಿಗ್
ತಮೆರಿ ಒವು!

ಸಾ. ದಯಾ



ನಮ್ಮ ಊರು

ನಮ್ಮ ಊರುದ ಪಚ್ಚೆ ಪ್ರಕೃತಿ
ಪೊರ್ಲೇ ಪೊರ್ಲು
ಮುಂಡದ ಕುಂಕುಮ ಬೊಟ್ಟುದಲೆಕ್ಕ
ಉಳಿವೊಂದು ಉಂಡು ಮೂಲು||

ನಮ್ಮ ಊರುದ ಮಲ್ಲಿಗೆ ಪೂ
ಕಮ್ಮೆನ ವಾಕಮ್ಮೆನ
ಬುಲೆ ಸಲೆ ಸೌಭಾಗ್ಯ ಸಂಪೊತ್ತು
ಉರ್ಕಾರುಂಡು ದಿನ ದಿನ

ಬಂಜಿದ ಬಡವುಗು ಬೆಂಜನ ನುಪ್ಪು
ತಮ್ಮನ ಬಾರಿ ತಮ್ಮನ

ಕೊಳಲಗಾನ ಉರಿಪು ಪೊರ್ಲು
ಆ ಕೃಷ್ಣ ದೇವರೆನ ಪುದಾರ್‌ದ ಗಾನ
ತರ್ಮೆನ ಮನಸ್‌ಗ್ ತಲೆನ

ಪ್ರಕೃತಿ, ಬುಲೆ, ಸಲೆ, ಸೌಭಾಗ್ಯ ಸಂಪೊತ್ತು ದಿಂಜಿದಿನ,
ಅ ನಮ್ಮ ಊರುಗು ಬಿಂಕ ಬಿನ್ನಾಣೊಡು
ಉಡಲ್ ದಿಂಜಿದ್ ಸೊಲೆ ಸಂದಾವುನಗ
ನಮ ಮಾತಸೇರೊಂಡ
ಓಂ ಶಾಂತಿ ಶಾಂತಿ ಶಾಂತಿ

ಶಾಂತಾ ವಿಠಲ್ ಶೆಟ್ಟಿ

ಉಂದು ಭೂಷಣ

ಅಪ್ಪೆಡ್ಡ್ ಮಲ್ಲ ದೈವ ಇಜ್ಜಿ
ಆಲಸ್ಯೊಡ್ಡು ಮಲ್ಲ ಶತ್ರು ಇಜ್ಜಿ
ದಯೆಡ್ಡ್ ಮಲ್ಲ ಧರ್ಮ ಇಜ್ಜಿ
ವಿದ್ಯೆನೇ ಭೂಷಣ
ಉಂದೆನ್ ನಮ ಮದಪನಾ||

ಭಕ್ತಿದಾಂತಿನ ಕೀರ್ತನೆ ದಾಯೆ?
ನಿಷ್ಠೆದಾಂತಿನ ಯಾತ್ರೆ ದಾಯೆ?
ಆಚಾರದಾಂತಿನ ಬದ್‌ಕ್ ದಾಯೆ?
ವಿನಯನೇ ಭೂಷಣ
ಉಂದೆನ್ ನಮ ಮದಪನಾ?

ಸತ್ಯೊನು ಪನಂದಿನ ಕೃತಿ ದಾಯೆ
ಕಮ್ಮೆನದಾಂತಿನ ಪೂದಾಯೆ
ತಿಳುವಳಿಕೆದಾಂತಿನ ಪಾತೆರದಾಯೆ
ಉದಾರತೆನೇ ಭೂಷಣ
ಉಂದೆನ್ ನಮ ಮದಪನಾ?

ರಾಷ್ಟ್ರಾಭಿಮಾನ ದಾಂತಿನ ನರಮಾನಿ ದಾಯೆ
ಅಪ್ಪೆ ಭಾಸೆನ್ ಮದಪುನ ನಮದಾಯೆ
ದಾನ ಮಲ್ಪಂದಿನ ಸಂಪೊತ್ತ್ ದಾಯೆ?
ತುಳು ಭಾಸೆನೇ ನಾಲಾಯಿಗ್ ಭೂಷಣ
ಉಂದೆನ್ ನಮ ಮದಪನಾ?

ಶಾಂತಾ ವಿಠಲ್ ಶೆಟ್ಟಿ



ಪತ್ತ್ ಜೋಕುಲು ಎಂಕ್
ಆಂಡ ಇನಿ ಒರಿಲ ಇಜ್ಜೆರ್
ಎನ್ನ ಬರಿಟ್
ಕೋಡೆ ಇಲ್ಲ, ಏತ್ ಇಕ್ಕಟ್ತ್ಂಡ್
ಆಂಡ ಇನಿ ತೋಜುಂಡು ಇಲ್ಲ ಖಾಲಿ ಖಾಲಿ

ಅಲೆನ ಪೇನ್, ಇಂಬ್ಯನ ತೊರಲೆ!
ಇಂಚಿಡ್ಡ್ ತೂತ ದಿಕ್ಕೆಲ್
ಅಂಚಿರ್ಡ್ ಬೇಲೆದ ಪೊಂಜೆವುಲೆನ ಅಟಲ್

ಬಾಲ್ಯ ಜವನಾದಿಗೆ ಏಪ ಬತ್ತಂಡ್ ಯಾಪ ಪೊಂಡು
ಮದತ್ ಪೊಂಡು ಎಂಕ್

ಇತ್ತೆ ಒರಿದಿಪ್ಪುನ ಈ ಪಜೆ, ಮಂದಿರಿದ
ಆಸರೆಡೆ ದಿನ ಏತ್ ನೂಕೊಡು ಯಾನ್
ಆನಿ ಪತ್ತ್ ಜೋಕುಲೆಗ್, ಯಾನ್ ಇರ್ವಕ್ಕೆ ಆದಿತ್ತೆ!
ಆಂಡ ಇನಿ ಎನ್ನ ಬರಿಟ್ ಒಂಜಿ ಕೈಲ ದಾಯೆ ಇಜ್ಜೆ!

ಯಾನ್ ಲಕ್ಕದಿತ್ತೆ ಅಕಲೆನ ಬಡವು ಬಾಜೆಲ್‌ಗ್
ಇನಿ ಯಾನ್ ಜೆತ್ತೊಂದುಲ್ಲೆ! ಅಕುಲು ಲಕ್ಕೊಂದುಲ್ಲೆರ್
ಅಕಲೆನ ಜೋಕುಲೆನ ಬಡವು ಬಾಜೆಲ್‌ಗ್

ಅಂಚಾಂಡ! ಕಾಲಚಕ್ರ ಇಂಚೆನೆ ತಿರುಗೊಂದಿಪ್ಪು
ಜೋಕುಲು ಯಾನನ್ ತೂವೆರ್ ಪನ್ನಿನ ಆಸೆ
ಮಗುರೊಂದೇ ಉಪ್ಪ!

ಸುಜನ ಶೆಟ್ಟಿ

ಮಾತೆ

ಅಲ್ ಒಂಜಿ ಪೊರ್ಲುದ ಬಾಲೆ
ಜವನಾದಿಗೇಗ್ ಬನ್ನಗ ಸುರುವಾಂಡ್
ಅಲೆನ ಸೇಲೆ
ಪಿರ ಬರೊಂದಿತ್ತೆರ್ ಜವ್ವನೇನ
ಸರಮಾಲೆ
ಮೋಕಲೆಗ್ ಆಹಂಕಾರೊಡು ತೋಜಯಲ್
ಪಾಲೆ
ವರ್ಷ ಮುಪ್ಪ ಕರಿದಾಂಡ್ ಇತ್ತೆ
ಕಾತೊಂದುಲ್ಲಲ್ ಏರ್ ಏಂಕ್ ಪಾಡುವೆರ್
ಪೂಮಾಲೆ !

ಸುಜನ ಶಿಟ್ಟಿ



ಮೋಕೆದ ನೆನಪು

ಉಲ್ಲಾಸದ ಜೀವನ
ಉಂದೇ ಎಂಕ್ ಪಾವನ||
ಶಖಿಲಾನ ರೂಪ|
ಪೊರುಲುದ ದೀಪ||

ಮೋನೆದ ಮುಗುರು ತೆಲಿಕೆ|
ನಡಪುನ ನಡೆ ನಲಿಕೆ||
ಕಣ್ಣಾದ ವಕ್ರ ನೋಟಿ|
ಚಂಚಲದ ಮನಸಾದ ಆಟಿ||

ನಿನ್ನ ನೆನಪು ಎಂಕ್|
ಎನ್ನ ಕನಸು ನಿಕ್ಕು||
ನಮ್ಮ ಕಣ್ಣದ ಕಂಪು|
ನಮ್ಮ ಮನಸುಗು ಸೊಂಪು||

ನಿನ್ನ ಮೋನೆದ ಕಾಂತಿ|
ಎನ್ನ ಮನಸುಗು ಶಾಂತಿ||
ನಮ್ಮ ಇರುವೆರೆನ ಪ್ರೀತಿ
ಜೀವನದ ಪ್ರೇಮ ಜ್ಯೋತಿ||

ಮಾಧುರ್ಯದ ನಿನ್ನ ಭಾವನೆ
ಜೀವನದ ನವ ಚೇತನ
ಮೆಚ್ಚಿಂಡ ಈ ಮೆದು ನಾರಿ|
ಮುನಿಂಡ ಈ ಮಹಾ ಮಾರಿ

ವಿಶ್ವನಾಥ ಕಾಪು

ದೊಡ್ಡದ ಮಹಿಮೆ

ದೊಡ್ಡದ ಮಹಿಮೆ ಎಡ್ಡೆಡ್ ಪಣ್‌ಪೆ
ಸಡ್ಡೆದಾಂತೆ ಪಿನಿ ಕೇಣ್‌ಲೆಯೇ||
ಬಡ್ಡೆ ತರೆತ ಬಜಿ ಬೆಪ್ಪನ್ ಬಾರೀ||
ಎಡ್ಡೆ ಬಿಸೆಂದು ಪಣ್ಣಾವುಂಡುಯೆ||

ದೊಡ್ಡದ ಮಹಿಮೆ....||

ಕಡ್ಡಿದ ಲೆಕ್ಕಂತಿ ನರ್ವಂತೆ ನಾರೂನು||
ಅಡ್ಡ ಬುಲೆಪಾನವು ದೊಡ್ಡತ್ತಯೇ||
ಅಜ್ಜಕರಿನ ಪರ ಅಜ್ಜೆರೆಗಾಂಡಲಿ||
ಜಕ್ಕ ಜೌವನೆಂದು ಪಣ್ಣಾವುಂಡುಯೆ||
ದೊಡ್ಡದ ಮಹಿಮೆ||

ದೊಡ್ಡದಕಲೆಗ್ ಉಂಡು ಸಮಾಜೊಡು ಪುರಸ್ಕಾರ||
ದೊಡ್ಡ ದಾಂತಿನಕಲೆ ಸಮಾಜದ ತಿರಸ್ಕಾರ||
ದೊಡ್ಡೊಂಜಿ ಇತ್ತಂಡ ಎಡ್ಡೆನೆ ಎಡ್ಡೆ||
ದೊಡ್ಡೊಂಜಿ ಇಜ್ಜಿಡ ಸೈಪಿನವೇ ಎಡ್ಡೆ||
ದೊಡ್ಡದ ಮಹಿಮೆ....||

ಸತ್ಯ ಸಾರುನಕಲೆನ್ ಸಮಾಜ ದ್ರೋಹಿಲ್‌ಂದ್ ಪನ್ನೆರ್||
ಸುಳ್ಳು ಪಣ್ಣಿನಕಲೆನ್ ಸಮಾಜ ಬಾಂಧವೆರುಂದು ಪನ್ನೆರ್||
ವಿದ್ಯೆ ಬುದ್ಧಿಗೇರೆಗ್ ಸಮಾಜೊಡು ಇಜ್ಜಿ ಮಾನ ಮರ್ಯಾದೆ||
ದುಡ್ಡಿತ್ತಿನಕಲೆಗ್ ತಿಕ್ಕುಂಡು ಸಮಾಜೊಡು ಮಾನ ಮರ್ಯಾದೆ||
ದೊಡ್ಡದ ಮಹಿಮೆ....||

ವಿಶ್ವನಾಥ ಕಾಪು



ತಪ್ಪಾಂಡ್

ಅಪ್ಪೆ ಅಮ್ಮೆಗ್ ಮಗೆ ಬೋಡಿತ್ತಾಂಡ್
ಮಗಲಾದ್ ಪುಟ್ಟಿಯೆ
ತಪ್ಪಾಂಡ್
ಮಗೆ ಇಲ್ಲ ಬುಡ್ ಪೋಯೆ.
ಯಾನ್ ಇಲ್ಲಗಾತ್ರ ಸೊಂದಿಯೆ,
ತಪ್ಪಾಂಡ್,
ಒರಿಯನ ಪ್ರೀತಿದ ಪಾತೆರೊಗು ಸೋತುದು
ಜೀವನ ಸಂಗಾತಿ ಆಯೆ.
ತಪ್ಪಾಂಡ್.
ಜೋಕುಲೆನ ಮೋನೆ ತೂದು
ಮೋಕೆಡ್ ಮಾತ ಮದತ್ತೆ
ತಪ್ಪಾಂಡ್.
ಈತೇ ಎನ್ನ ಜಗತ್ತ್, ಮೊಕುಲು ಎನ್ನಕುಲುಂಡ್
ಎನ್ನಿಯೆ
ತಪ್ಪಾಂಡ್.
ತಪ್ಪುನು ಒಪ್ಪುನಲಾ ಮಲ್ಲ ತಪ್ಪುಂದು
ಇತ್ತೆ ಗೊತ್ತಾಂಡ್,
ಅವ್ವೇ ಮಲ್ಲ ತಪ್ಪಾಂಡ್.

ಸಾತ್ವಿಕಾ. ಪಿ. ಶೆಟ್ಟಿ

ಸಂಬಂಧ

ಜಗತ್ತ್, ಜನ, ಜೀವನ
ದಾದ ನೆಕ್ಕಲೆನ ಬಂಧನ
ಜಗತ್ತ್ ಜನೊಕುಲೆಡ್ಡಾ
ಅತ್ತಡ ಜನೊಕುಲೇ ಜಗತ್ತಾ?
ಶ್ರೀಮಂತಗ್
ಸಂಪೊತ್ತೇ ಜಗತ್ತ್
ಅವೆನ್ ಒಟ್ಟು ಮಲ್ಪುನವೆ ಜೀವನ.
ಬಡವಗ್,
ಮರ್ಯಾದೆನೇ ಸಂಪೊತ್ತು.
ಅವೆನ್ ಕಾತೊನುನನೇ ಜೀವನ.
ಬ್ರಾಣ್ಯಗ್,
ದೇವರೆ ಪೂಜೆ ಜಗತ್ತ್
ದಾನ ಸಂಪಾದನೆನೇ ಜೀವನ,
ರೈತಗ್,
ಆಯನ ಎರುಕುಲೇ ಜಗತ್ತ್.
ಅವೆನ್ ತಾಂಕುನವೇ ಜೀವನ.
ಇಂಚ ಜಗತ್ತ್ ಪಂಡ ಸಾಧನೆ.
ರೀತಿ, ನೀತಿ, ಪರಸ್ಪರ ಪ್ರೀತಿ
ನಂಬಿಗೇಡ್ ಬದ್ಕುನು ಉಂದುವೇ
ಜನ, ಜಗತ್ತ್, ಜೀವನದ ಸಂಬಂಧ

ಸಾತ್ವಿಕಾ. ಪಿ. ಶೆಟ್ಟಿ



ದ್ವಾಪರ ಕಲ್ಪಗ

ಕೃಷ್ಣ ಪರಮಾತ್ಮ ಪಂಡೆ ಕರ್ಮ ನಿನ್ನ ಫಲ ಎನ್ನ
ದುಷ್ಟ ನರಮಾನಿ ಪಂಡೆ ಫಲ ಎನ್ನ ಕರ್ಮ ನಿನ್ನ ॥

ಕೃಷ್ಣ ಪರಮಾತ್ಮ ಪಂಡೆ, ಧರ್ಮಕ್ಷೇತ್ರೇ ಕುರುಕ್ಷೇತ್ರೇ ।
ದುಷ್ಟ ನರಮಾನಿ ಪಂಡೆ ಅಧರ್ಮನೇ ನರಕ್ಷೇತ್ರ ॥1॥

ಕೃಷ್ಣ ಮದಿಮೆ ಆಯೇ ಪದಿನಾಜಿಸಾರ ಪೋಣ್ಣಲೆನ್
ಕಲ್ಪಿಗದ ನರಮಾನಿ ಮದಿಮೆ ಆಯೆ ಪದಿನಾಜ ವರ್ಸದ ಪೋಣ್ಣನ್ ॥

ಕೃಷ್ಣ ಕೆರಿಯೇ ತಮ್ಮಲೆನ್ ಧರ್ಮ ರಕ್ಷಣೆಗಾದ್ ।
ದುಷ್ಟ ಕೆರಿಯೇ ತಮ್ಮಲೆನ್ ಆಸ್ತಿ ರಕ್ಷಣೆಗಾದ್ ॥2॥

ಕೃಷ್ಣ ಬೋಧನೆ ಮಲ್ತೆ ಅರ್ಜುನಗ್ ಭಗವದ್‌ಗೀತೆನ್ ।
ದುಷ್ಟ ನಾಡೊಂದು ಪೋಯೆ ಓಲುಲ್ಲಲ್ ಆ ಗೀತೆನ್ ॥

ಕೃಷ್ಣಗ್ ಪತ್ತ್ ಅವತಾರ ತಾಳಿಯರೆ ಬೋಡಾಂಡ್ ನಾಲ್ಯಯುಗ
ದುಷ್ಟ ತಾಳಿಯೇ ಪತ್ತ್ ಅವತಾರೊನು ಪತ್ತೇ ದಿನೊಟ್ಟು ॥3॥

ಕೃಷ್ಣ ರಾಧೆನ ಪ್ರೀತಿ ಮೋಕೆ ಆಂಡ್ ಜಗತ್ ಪ್ರಸಿದ್ಧ ।
ದುಷ್ಟ ಪ್ರೀತಿಗ್ ಅರ್ಥನೇ ಬೇತೆ ಮಲ್ತ್ ಆಯೆ ಕುಪ್ರಸಿದ್ಧ ॥

ದ್ವಾಪರ ಯುಗದ ಕೃಷ್ಣ ರಡ್ಡ್ ಅಪ್ಪೆಗ್ ಮೋಕೆ ಕೊರಿಯೇ ।
ಕಲ್ಪಿಗದ ನರಮಾನಿ ಮಗಕ್ಕ ರಡ್ಡ್ ಅಪ್ಪೆನೇ ಕೊರಿಯೆ ॥4॥

ದಯಾಮಣಿ ಶೆಟ್ಟಿ

ಆನಿದ - ಇನಿತ್ತ (ಪೊಣ್ಣುಲ)

ಆನಿದ ಪೊಣ್ಣುಲು ತರೆ ತಗ್ಗಾದ್ ನಡದೆರ್|
ಇನಿತ್ತ ಪೊಣ್ಣುಲು ತರೆ ದೆರ್ತ್ ಉಂತಿಯೆರ್||

ಆನಿದ ಪೊಣ್ಣುಲು ಸೀತೆ ಸಾವಿತ್ತಿನ ನೀತಿಡ್ ನಡದೆರ್|
ಇತ್ತೆದ ಪೊಣ್ಣುಲು ಇಂದಿರಾ, ಕಿರಣ್ ಬೇಡಿ ಆಯೆರ್||1||

ಆನಿದ ಪೊಣ್ಣುಲೆನ್ ತಡ್ಯದ್ ಕಡಪೆರೆ ಬಲ್ಲಿ ಪಂಡೆರ್|
ಇತ್ತೆದ ಪೊಣ್ಣುಲು ತಡ್ಯ ದಾಂತಿನ ಇಲ್ಲನೇ ಕಟ್ಟಾಯೆರ್||

ಆನಿದ ಪೊಣ್ಣುಲು ಮಾಂಗಲ್ಯಭಾಗ್ಯನೇ ಮಲ್ಲೆ ಪಂಡೆರ್|
ಇನಿತ್ತ ಪೊಣ್ಣುಲು ಮಾಂಗಲ್ಯ ಭಾಗ್ಯನು ದೊಡ್ಡುಡು ಲತ್ತೆರ್||2||

ಆನಿದ ಪೊಣ್ಣುಲು ಸಂತಾನಭಾಗ್ಯನೇ ಮಲ್ಲಂದ್ ಪಂಡೆರ್|
ಇನಿತ್ತ ಪೊಣ್ಣುಲು ಸಂತಾನ ನಿರ್ಸಂತಾನ ಮಲ್ಪುಂದ್ ಪಂಡೆರ್||

ಆನಿದ ಪೊಣ್ಣುಲು ದಿಂಜಿನ ಸಂಸಾರದ ನಡುಟ್ಟು ಬುಲೆಯೆರ್|
ಇನಿತ್ತ ಪೊಣ್ಣುಲು ಸಂಸಾರೊಗು ಬೋಡಾದ್ ದಿಂಜ ಬೆನ್ನೆರ್||3||

ಆನಿದ ಪೊಣ್ಣುಲೆಗ್ ಕರಿಮಣಿ, ಕುಂಕುಮ, ಮೂಂಕುತ್ತಿ ಮುತ್ತೈದೆ ಭಾಗ್ಯ|
ಇನಿತ್ತ ಪೊಣ್ಣುಲೆಗ್ ಕರಿಮಣಿ, ಕುಂಕುಮ, ಮೂಂಕುತ್ತಿ ಓಲು ಕೊರುಂಡ ಭಾಗ್ಯ||

ಆನಿದ ಪೊಣ್ಣುಲು ಪುಲ್ಲಿಗ್ ಮದಿಮೆ ಆನಟ್ಟ ಬದ್ಕಿಯೆರ್|
ಇನಿತ್ತ ಪೊಣ್ಣುಲು ಪುಲ್ಲಿನ ಗುರ್ತನೇ ಇಜ್ಜಂದೆ ಬದುಕುವೆರ್||4||

ದಯಾಮಣಿ ಶೆಟ್ಟಿ



ಸ್ವರ್ಗದ ಊರು ಪೇತ್ರಿ

ಸ್ವರ್ಗ ಸ್ವರ್ಗ ಅಂದದ್ ದಾಯೆ ಬುಲಿಪುವರ್ ನಿಕುಲು ।
ಬಲೇ ಎನ್ನ ಪೇತ್ರಿಗ್ ಸ್ವರ್ಗ ಯಾನೆ ತೋಜಾವೆ
ಮೂಡಾಯಿದ ಪತ್ತ್ ಮೈಲ್ಡ್ ಆಗುಂಬೆದ ಘಟ್ಟ ತೋಜಾವೆ
ಬಡಕಾಯಿದ ಪತ್ತ್ ಮೈಲ್ಡ್ ಕಡಲ ರಾಜನ ಅಬ್ಬರ ತೋಜಾವೆ
ಪಡ್ಡಾಯಿದ ರಡ್ಡ್ ಮೈಲ್ಡ್ ಸೀತಾನದಿತ ಸಿರಿ ತೋಜಾವೆ
ತೆಂನ್ಯಾಯಿದ ರಡ್ಡ್ ಮೈಲ್ಡ್ ಸುವರ್ಣ ಸುದೇತ ಪೊರ್ಲು ತೋಜಾವೆ
ಬಲೇ ಎನ್ನ ಪೇತ್ರಿಗ್ ಸ್ವರ್ಗ ಯಾನ್ ತೋಜಾವೆ ॥

ಕಾಂಡೆ ಪೋದು ವಣಸ್ಗ್ ಪಿರ ಬರ್ಪರ? ಕುವೆಂಪುನ ಕವಿಶೈಲ ತೋಜಾವೆ
ಉಂಡುದ್ ಚಾ ಪರಿಯೆರೆ ಬರ್ಪರ ? ಕಾರಂತೆರೆನ ಕೋಟ ತೋಜಾವೆ
ಇತಿಹಾಸದ ಪೊರ್ಲು ತೂಪರ ? ಬಾರ್ಕೂರುದ ಪೊರ್ಲು ತೋಜಾವೆ
ಕಣ್ಣ ಋಶಿ ಕುಲುದಿನ ಕ್ಷೇತ್ರ ತೂಪರ? ಕನಾರದ ಉಳ್ಳಾಲ್ದಿನ ಗುಂಡ ತೋಜಾವೆ
ಇಲ್ಲ ಜಾಲ್ಡ್ ನವಿಲ್ ನಲಿಪುನ ತೂಪರ ? ಆ ಸೋಜಿಗೊನು ತೋಜಾವೆ
ಅಲ್ಪ- ಅಲ್ಪ ಉರೆತ ಕಿನ್ನಿಲು ಬಲಿಪುನ ತೂಪರ ? ಆ ಪೊರ್ಲು ತೋಜಾವೆ
ಬಲೇ ಎನ್ನ ಪೇತ್ರಿಗ್ ಸ್ವರ್ಗ ಯಾನ್ ಸ್ವರ್ಗ ತೋಜಾವೆ ॥

ತುಳು ಕನ್ನಡ-ಕೊಂಕಣಿ-ಕುಡುಬಿ ಬಾಸೆದ ಪೊರ್ಲುದೂರು ಎನ್ನ
ಮೆಯಿ ಮರ್ಲುನ ಮಲ್ಲಿಗೆ ಪಚ್ಚೆ ಪಜಿರ್ದೂರು ಎನ್ನ
ತಾರೆ ಕಂಗ್ ಬಾರದ ತೋಟದ ಊರುಯೆ ಎನ್ನ
ಮಲೆನಾಡ್ ಕರಾವಳಿ ಮುತ್ತ ಕೊರ್ಪಿ ಊರು ಎನ್ನ
ಸೊನ್ನ ವರ್ಷದ ಕೆಪ್ಪೆ ಕಿಟ್ಟಿನ ಬೋರಿ ಗಾಡಿದ ಊರು ಎನ್ನ
ಕಾಳಿಂಗ ರಾಯೆರೆನ ಶ್ಯಾಮ ಬೆನಗಲೆರೆನ ಸುರ್ನಾಲು ಅರಮನೆತ ಊರು ಎನ್ನ
ದಾಯೆ ಕಾಪುವರ್ ಬಲೇ ಎನ್ನ ಪೇತ್ರಿಗ್ ಯಾನ್ ಸ್ವರ್ಗ ತೋಜಾವೆ ॥

ಚಿಮುಣಿ ಬೊಲ್ಪುಡು ಕಾತೊಂದುಂಡು ನಿಕಲೆನ್ ಅಪ್ಪೆ ಎನ್ನ
ನಿತ್ಯ ಬರ್ಪೆರ ಇಲ್ಲ ಜಾಲ್ಡ್ ನಂಬಿ ನಾಗೆ ದೇವೆರ್ ಎನ್ನ
ಭೂತ ಪಿಶಾಚಿ ಕೈತಲ್ ಬರಯೆರ್ ಪಂಜುರ್ಲಿ ಕಲ್ಕುಡ ಉಲ್ಲೆರ್ ಎನ್ನ
ದಾಸೆ ಬರ್ಪೆರ್ ನಿತ್ಯ ಶಂಕೊಡು ಶಾಂತಿ ಉಪ್ಪುನ ಊರುಡು ಎನ್ನ
ಪೊರ್ತು ತೂವಡೆ ದಿನೊನು ಕಾಪಡೆ ನಿಕುಲು ಬಲ್ಲೆ ಪೇತ್ರಿಗ್ ಎನ್ನ
ಏತ್ ಪೊರ್ಲಯೆ ಊರು ಎನ್ನ ಏತ್ ಪೊರ್ಲಯೆ ಊರು ಎನ್ನ
ಒಂಜತ್ತ-ಎಳ್ ಜನ್ನೊಡು ಪುಟ್ಟೊಡು "ಪೇತ್ರಿಡ್" ಎನ್ನ ||

ವಿಶ್ವನಾಥ ಆರ್. ಶೆಟ್ಟಿ



ಕಂಬುಳ

ತ್ತು ತ್ತು ತ್ತೂ.....ತ್ತು ತ್ತು ತ್ತೂ.... ಕೊಂಬು ಕೇನುಂಡು
ದೋಲು ಕದೋನಿ ಗರ್ನಲ್ದ ಗೌಜಿ ಕೇನುಂಡು
ಜೋಡಿ ಕರೆಕ್ 'ಕೋಟಿ ಚೆನ್ನಯ' ಪುದರ್ ಒಪ್ಪುಂಡು
ಕಾಟಿ, ಕುಟ್ಟಿ, ಕಾಲೆ- ಬೊಲ್ಲೆ- ಇನೆ ಉಪ್ಪುಂಡು।

ಬೆನ್ನಿ ಬೆನ್ನಿ ಜವನೆರ್ ಬಣ್ಣಂಗಾಯಿ ಬೀರೆರ್
ಬೆರಿ ಪತ್ತೆದ್ ಬಲಿಪರೆ ಕಚ್ಚ ಪಾಡ್ಡ್ ಕಾಪುವೆರ್
ಉರ ಬಡುಟು ಬೆರಿನಡುಕ್-ದೆತೊನುಕಾಟಿ ಪಾರ್ ಕುಟ್ಟಿ
ಬಲ ಕಾಲ ಬಲ ಬೊಲ್ಲೆ ಲೆಪ್ಪರೆ ಮಂಜೊಟೆಡ್ ಜನ ಉಲ್ಲೆ।

ಗುತ್ತು ಬರ್ಕೆದಿಲ್ಲದ ಗತ್ತಾದಾದ ಎರ್ದೆಡ
ಐತ ಆಯಿಜೋಡಿ, ಮಲ್ತ ಪೊರ್ಲು ಮೋಡಿ
ಪನೆ ಬಲ್ಲೆ ಕೊಂಬುಗು ಇನೆಬಲ್ಲೆ ನಾಲಿಗ್
ನಾಯೆರ್ಡ್ ನಾಲ್ ಜತೆ ಬಲ್ಲೆಡ್ ಏಳ್ ಜತೆ।

ಅಜಿಲ್ರೆ ಕನೆಪಲಾಯಿದ ನೀರ್ ಆಜಿಕೋಲುನಿಸಾರ್ನಿಗ್
ಪಕಲೆರೆ ಕಂಜಿಲೆಗ್ ಪಲಾಯಿದ ಮೆಡಲ್ಗೆ
ಕಡಂಬರೆ ಕಾಟಿಲು ಬಲ್ಲೆಡ್ ಬಲಾಯಾಗೆ
ಸುವರ್ಣ ಮೋಡೆರ್ದೆಗ್ ಸ್ವರ್ಣ ಪದಕೆಗ್।

ಕಂಬುಳದ ಕರೆ ನೂದುಕೋಲು, ಸುತ್ತಲಾ ರೈತೆರೆ ಸಾಲ್ ಸಾಲ್
ಬಚ್ಚಂಗಾಯಿ ಗಾಡಿಡುಂಡು ತಾರಾಯಿದ ಬಪ್ಪಂಗಾಯಿ ಕೋಡಿಡುಂಡು
ಕೋರ್ದಟ್ಟಿ ಗುಂಡಿ ಕಂಡಡುಂಡು, ಗಡಂಗ್ಡ್ ಬೇರ ಗಡ್ಡ್ ಉಂದು
ಕಂಬುಳ ದುಂಬುಲ, ಇನಿಲಾ, ಎಲ್ಲೆಲಾ... ತ್ತು ತ್ತು ತ್ತೂ, ತ್ತು ತ್ತು ತ್ತೂ।

ಅಶೋಕ್ ಪಕ್ಕಳ

ನಮ್ಮ ಇಗ್ಲೊ 'ಆನಿ' 'ಇನಿ'

ಆನಿ

ಸುತ್ತು ಮದಲ್ದ ಮಲ್ಲ ಒಡಿಲ್ದಿಲ್ಲೆ ಗುತ್ತು
ಗುತ್ತುದಿಲ್ಲದ ಗತ್ತ್ ಉರೊರ್ಮೆಲಾ ಗೊತ್ತು

ಉಪ್ಪರಿಗೆ ಚಾವಡಿದ್ ಬೋದಿಗದ ಕಂಬೊಲು
ತರ್ಕಿರಾವಂದಿ ತೊಲುಲು ಮರತ್ತವೇ ಸೊತ್ತುಲು
ಮನೆ ಮಂಚಾವುಡು ನಂಬಿ ಸತ್ಯೊಲೆ ಮುಗ ಪಾಪೆಲು
ಇಲ್ಲ ನಿಲಿಕೆ ತೆಲಿಕೆ ನಲೆಕೆದ ಜೋಕುಲು ಬಾಲೆಲು

ಅಜ್ಜೆರೆಗ್ ಬಚ್ಚೆರೆದ ಹರಿವಾಣ- ಪೀಕ್‌ದಾನಿ
ಬತ್ತಿ ಬಿನ್ನಗ್ ಬೆಲ್ಲ ನೀರ್‌ದ ಮರಿಯಾದಿ ದಾನಿ
ಗಡಿಪತ್ತಿನಾರ್, ಗುತ್ತಿನಾರ್ ಗುರ್ಕಾರೆ ಯಜಮಾನಿ
ಬನ್ನಗ ಪೋನಗ ಸಾದಿ ತೆಲದುಂತುವೆರ್ ನರಮಾನಿ

ಜಾಲ್‌ಡ್ ಬಾರ್‌ದ ಕದಿಕೆ ಬರಿಟ್ತ್ ಬೈತ ಮುಟ್ಟೆ
ನುಗನಾಯೆರ್ ಹಪ್ಪಳ ಕೊಪ್ಪರ ಆಯೊಡು ತುಳಸಿಕಟ್ಟೆ
ಕಿದೆಟ್ ಗಿಡ್ಡೆರು ಗುಂಟೊಡು ಕಟ್ಟದ ಪೂಂಜೆ ನೀರ್ ಬಾರ್‌ದ ತಟ್ಟೆ
ಅರಿಬಾರ್ ಕೊಜಿಲುನ ಎಲಿಪೆರ್ಗುಡೆದ ಮಾಂಟೆ ಒಟ್ಟೆ

ಕಿದೆನಿಲಿಕೆ ಕಂಜಿ ಕೈಕಂಜಿ ಎರ್ಮೆ ಪಾರೊಲು
ಗೂಡುನಿಲಿಕೆ ಕಿನ್ನಿ ಪೆರಡೆ ಲಾಕಿ ತೆಲವುಲು
ಮಾಮಿ ಸಮ್ಮಲೆ ತಗೆ ತಂಗಡಿ ಅಜ್ಜ ಅಜ್ಜೆ ಸಂಬಂದೊಲು
ಒಟ್ಟಡೇ ಬೆನ್ನಿನ ಕೂಡುದು ಉನ್ನಿನ ಸಾರ್ಥಕ ಇಲ್ಲುಲು.

ಇನಿ

ದರ್ತ್ ಕಟ್ವದಿ ಗುತ್ತದಿಲ್ಲದ ಆಪುಜಿತ್ತೆ ಗುರ್ತ

ತಿರ್ತ್ ಮಿತ್ತ ಸ್ಲೇಪು ಮಾಳಿಗದ ಕಟ್ಟೋಣ ಉಂತುದುಂಡ್ ಸರ್ತ

ನೆಲಕ್ಕ ಗ್ರಾನೈಟ್ ಗೋಡೆಗ್ ಮಾರ್ಬಲ್ ಮಿಲ್ಕವೈಟ್

ಗುಲಕ್ಕ ತೋಜುನ ಪ್ಲಾಟ್ ಟೀವಿ ಡಿವಿಡಿಗ್ ಬೇತನೆ ಸೈಟ್

ಡೈನಿಂಗ್ ಟೇಬಲ್ ಟೀಪಾಯಿ ಪೋನ್ ಮ್ಯಾಗಜಿನ್ ಪೇಪರ್ ವೈಟ್

ಶೈನಿಂಗ್ ಜುಮ್ಮರ್ ಡಿಮ್‌ಲೈಟ್ ವಿಸ್ಕಿ ಯಜಮಾನೆ ಏಪಲಾ ಟೈಟ್||

ಪೊರ್ಲುದ ಪುದರ್ 'ಮಹಲ್' ಪರೆಬೆರ್ ಮೂಲು ಬೀದಿ ಪಾಲ್

ಕರ್ಲ್ದ ಸಂಬಂಧ ಇಜ್ಜಿಮೂಲು ಸಂಪತ್ತದನೇ ಸವಾಲ್

ಪುರುಬಾಲೆಗ್ಲಾ ಬೊಡ್ಡಿ ತೊಟ್ಟಿಲ್ ಪೆದಿ ಅಪ್ಪೆ ಜಕ್ಕಿಲ್

ಪರಪರನೇ ಡನ್‌ಲಪ್ ಏಸಿಡೇ ಹೇಸಿಗೆ ಪೂರಾ ಆರ್ಪಿಫೀಶಿಯಲ್||

ಇಲ್ಲದಲಯೇ ಬಾತ್ ರೂಮು- ತಂಡಾಸ್- ಮೋರಿ

ಮಲ್ಲಕಜ್ಜದಾನಿ ಟಾಂಕಿಡ್ ನೀರ್ ಮುಗಿಂಡ ಇಲ್ಲೊರ್ಮೆ ಮೂರಿ

ಕರಕುದುಪೆ ಕತ್ತಿ ಮುಟ್ಟಿ ಪೆರೆದನೆ ಮಾಯ ಚಾಕು ಚೂರಿ

ಕುಕ್ಕರ್ ಗ್ರ್ಯಾಂಡರ್ ಹೀಟರ್ ಸೋಲಾರ್ ನೆಕ್ಲೆನನೇ ಸವಾರಿ||

ಪರ್ಂಡ ಮಿರಿಂಡ ಪೆಪ್ಪಿ ಕೋಕೋ ಕೋಲಾ ನೆತ್ತವೇ ಮೇಲ

ಬೈಕ್ ಕಾರ್ ಪೋಶ್‌ಗ್ ಕ್ಯಾಶ್‌ಗ್ ಮುರ್ಕ ಸಾಲ

ಪತ್ತೊಂದುಂಡು ತಾಲ ನಡುಗೊಂದುಂಡು ನೆಲ ತಿರ್ಗೊಂದುಂಡು ಕಾಲ

ಬದಲಾಂಡ್ ಮಾತಲ - ದಿನಲ- ಜನಲ- ನಮಲ- ನಮ್ಮ ಇಲ್ಲೆಲ||

ಅಶೋಕ್ ಪಕ್ಕಳ



ನೀರ್

ಜಲಜಕ್ಕನ ಮಗಲ್ ಆಮ್ಲಜನ್ನ ಮಗೆ.....

ಒಟ್ಟಾನಗ ಉದಿತಿನ ಬಾಲೆ ಉಂದು.....

ಭೂಮಿ ತಿರ್ಗಂಡಲಾ ಮೈತ ಅಸರ್ ಆಜಾದ್.....

ಅಲಂಕಂದೆ ಪರಪುನ ಸೇಲೆ ಉಂದು.....

ಇರ್ತ- ಗುರ್ತ ಅಮ್ಮನ ಗರ್ಭೋಡೆ.....

ಒಂಬ ತಿಂಗೊಲು ಉಂದೆನ್ ಅಲೆಂಜಾಯೆ.....

ಜಗತ್ತ್ ಜಾರ್ನಗ. ತೋಜಿಂಡೆನ್ನ ಪಜ್ಜಿ ದೃಷ್ಟಿಗ್.....

ಎನ್ನಪ್ಪೆನ ಮುಚ್ಚಿದಿ ಕಣ್ಣ್ ಒಸರುನ ನೀರ್.....

ಪನಿ ಪಜಿರಡ್ ಪಸೆ- ಪಾದೊಲು ನಲಿಪುನಗ.....

ಮುಗಲ್ ಮುಚ್ಚಿದಿ ಬಾನ ನೀರಾದ್ ಸೆಲಿಪುನಗ.....

ತೀಪೆ ನೀರ್ ದ ಜಾಲ್ಡ್.. ಉಬರ್ ಮೊನುಲು ಪಾರ್ನಗ.....

ದಿಂಜಿ ಬೊಲ್ಲದ ಕಲಂಕ್ ಮುಲಿ ಮಾಡ್ ಮುರ್ಕ್ನಗ.....

ಅಜ್ಜೆರೆಡ ಕೇಂಡೆ.. ಈರ್ ಪನ್ನೆ ನೀರ್ಗ್ ದಾಯೆಗಿಂಚಿ ಗೇಲ್?

ಸೋಲು ದಾಂತಿನ ನೀರ್ ದ ಬೇರ್ ಓಲು ?

ಭೂಮಂಡಲೊಡು ನೆತ್ತ ಏತ್ ಪಾಲ್ ?

ಪಂಡೆರ್ ಅಜ್ಜೆರ್.. ಮಗಾ ಭೂಮಿ ನೀರ್ಡ್ ನೀಂದುನ ಓಡ.....

ನೀರ್ ಅಮೃತ.. ಪನವುದುರ್ಲ ಜಾಸ್ತಿ ಐತಗಾಡ.....

ಅರ್ಲು ತೂನ್ ತೆಕ್ಕಾದ್.. ಚಂದ್ರನ್ ತೂದ್ ಉರ್ಕಾದ್.....

ಜೀವೊರ್ಡ್ ಜೀವೊಗ್ ಪರಪುನ ಪುರ್ಪ ಅವು.....

ಬಾಜೆಲ್ಗ ನೀರಾಲಾ ಐತ ಸೋಂಕುಡು ಅರಳುನ ಪೂಪಿಂಗಾರ ಆ.....

ಬೊಲ್ಡು ಕುಂಟುಡ್ ಐತ ಆದ್ ಪಿದಡಿಯೆರ್ ಅಜ್ಜೆರ್.....
ಆರ್ಲ ಕಡೆಕ್ ಪರ್ನಿ ಒಂಜಿ ಬೊಟ್ಟು ತುಳಸೀ ನೀರ್.....
ದಿನಸಾಗಾಂಡ್..... ವರ್ಷ ಕರೀಂಡ್.....ನೀರ್ ನೀರೆ. ಪೇರ್ ಪೇರೆ...
ಇತ್ತೆ ಕಲಿಗಂಗಸರನೆ ನೀರ್..... ಬಯ್ಯಡ್ ಬೋಡ್ ಬೀರ್.....
ಅಂಕ ಆಯನೊಡ್ಲಾ ಸಾಲ್ ಸಾಲ್ಡ್ ಬಾರ್.....

ಓಲುಂಡು ಉಜೆತ ಒಸರ್‌ದ ನಿರ್ಮಲ ನೀರ್.....?
ಆರ್‌ದಾಂಡ್ ಮನಸ್‌ಲೆಡ್ ತೀಪೆ- ತೀರ್ಥದ ನೀರ್.....?
ಕಂತ್‌ದಾಂಡ್ ಪಾತಾಲೊಗ್ ಸತ್ಯ ಕಲಶದ ನೀರ್.....
ಉರ್ಕಾಂಡ್ ನೀಲಿ ಕಡಲ್‌ದ ನೀರ್..... ಬದ್‌ಕ್ ಕೊರ್ತಿನ ನೀರ್.....
ಎರೆಡ ಕೊರೊಲಿ ದೂರು.....? ಪರೊಂದುಲ್ಲ ನೀರ್.....

ಮರ್ದ್ ಮಾಯದ ನೀರ್.....
ಮಾಯ ಮದಿಪುದ ನೀರ್.....

ಗಂಗಾಧರ ಘಣಿಯೂರು

ಬಾನದ ಬಟ್ಟಲ್ ಭೂಮ್ಯಪ್ಪೆ ಮಟ್ಟಲ್.....
 ನಿಲೈದ ದಿಂಜೆಲ್ಡೇ.....
 ಮುಗಲ್ನ್ ಬುಲ್ವಾದ್ ಉಡಲ್ನ್ ತೆಲಿಪಾವು.....
 ಉಂದೆಂಚಿ ಸೋಜಿಗಯೇ.....
 ಕಣ್ಣ್ಗ್ ತೋಜಂದೆ ಪಾರುಂಡು ಊರೂರು
 ವಾ..... ಯುಗತ ಜನ್ಮಪರಾ.....?
 ಸೋಂಕುಂಡು ಇರೆಗೆಂಕ್ ಸುಂಯತೊಂದು ನಲಿಪುಂಡು
 ಏರಂದ್ ನೆಕ್ ಪಾಗಾರಾ.....
 ಕೆಸರ್ದ ಇಮಾನೆ..... ಮಲ್ಲಿಗೆ ಕಮ್ಮೆನೆ.....
 ಮುಡಿತೊಂದಿ ಮದಿಮಲ್ಯೇ
 ಪಡ್ಡಾಯಿ ಬಯಿಲ್ದ್ ಜಪ್ಪುಂಡು ದಿಬ್ಬಾಣ.....
 ತನಿತೊಂದು ಎದುಕೊನ್ನೆಯೇ.....
 ತುಡರ್ನ್ ಅರ್ದಾದ್ ಬೊಲ್ವುನು ಬೆಳಗಾವು
 ಮಾಯಾದ ಮಾನೆಚ್ಚಿಯೇ.....
 ಪಾರೂನ ಪಕ್ಕಿಲ ಪಟ-ಪಟ ರೆಂಕೆಲು
 ನೀಂದುನು ನೆಟ್ಟತ್ತೆಯೇ.....
 ನೀರಾಜು ಮಣ್ಣಾಡ್ ತೂ ಸೇಂಕು ನೀರ್ಡ್
 ಗಾಳಿದ ತಮೆರೇರ್ಯೇ.....
 ಪಾರುನ ದೊಕ್ಕೆಲು ಬೂರುವ ಕೊದಡಾದ್
 ಗಾಳಿದ ಬೇಲಿಡ್ಯೇ.....
 ಗಾಳಿದ ಬೇಲಿಡ್ಯೇ.....



ಸ್ಥಿತಿ ಇನಿತ

ಕಣ್ಣೆಡ್ಡೆ ನೆತ್ತರ್ಡೆ ಒಸರಾದ್ ಕಣ್ಣೀರ್ ಪರತೊಂದುಂಡು
 ತಿಗಲೆದ ಭಾವನೆಲು ಬೆಚ್ಚ ಏರ್ಡ್ ಭೂಮಿ ಕಂಪನದ ಅನುಭವ ಕೊರ್ಪುಂಡು
 ಪುಟುದಿನ ಬಾಲೆದ ಮೋನೆದ ತೆಲೈ ಮಾಜಿದಾಂಡ್
 ಅಪ್ಪೆನ ಉಡಲ್ದೇದೇ ರಗಳೆನ್ ದಿಂಜಾವೊಂದು ಭೂಮಿಗ್ ಬರ್ಪುಂಟು
 ಎದೆ ಜಾಗ್‌ದ ಕುಂಟು ಜಾರಾಂಡಾ
 ತೆರಿಯೊಡು ಕಲಿಯುಗ ಅವುಂದ್
 ಗುರುಹಿರಿಯೆರೆನ ಪಾತೆರ ಉಂದು
 ಜವನಾದಿಗೇದ ಮದ, ಗರ್ವ

ಮೈಡ್ಡೆ ಕುಂಟು ಜಾರಾವೊಂದುಂಡು
 ಬಾಟ್ಟಿ ಒಂಜಿ ಕೈಟಾಂಡ ಕುಡೊಂಜಿ ಕೈಟ್ ಸಿಗರೇಟ್
 ಮೊಬೈಲ್ ಒಂಜಿ ಬರಿಟಾಂಡ ಲ್ಯಾಪ್‌ಟಾಪ್ ಕುಡೊಂಜಿ ಬರಿಟ್
 ಇನಿತ ಜನಕುಲೆನ ಉಂದೇ ವೈವಾಟ್
 ಕಿಲೆತ್ ಪಾತೆರಾಂಡಾ ಬಿಸತ್ತಿ ಪಾಡುವೆರ್
 ಮಲೆತ್ ತೂಂಡ ಗೋಲಿಡ್ ರಟ್ಟಾವೆರ್
 ನ್ಯಾಯ ನೀತಿ ಪುಸ್ತಕದ ಶಬ್ದೊಲು

ಅನ್ಯಾಯ ಅನೀತಿ ಅತ್ಯಾಚಾರ ಇನಿ ಜೀವನ ಸೂತ್ರೊಲು
 ಪಚ್ಚೆ ನೋಟು, ಬೊಲ್ಪು ಕುಂಟು ಕೋಟು ಕುರ್ಚಿ ಮೇಜ್‌ದ ಮೋಹ ನರ್ಕ
 ಜೀವದುಲಾಯಿ ಕುಲ್ಪುನ ಪರಮಾತ್ಮನ ಪರಿಚಯನೇ ಇಜ್ಜಿ ಇನಿಕ್

ಸಂಬಂಧೋಲೆನ ಬಂಧನನೇ ಮೂಲಿಜ್ಜಿ
 ಕೊಲ್ಕೆಲುದಾಂತಿ ಸರಪೊಳಿಲು ಮಾತಾ
 ಪುಟ್ಟಿ ಬಾಲೆಲೆಗ್ ಅಪ್ಪೆ ಅಮ್ಮೆ
 'ಬೇಬಿ ಸಿಟ್ಟಿಂಗ್' ನಾಡುವೆರ್
 ಪ್ರಾಯದ ಅಪ್ಪೆ ಅಮ್ಮೆರೆಗ್ ಜೋಕುಲು
 'ವೃದ್ಧಾಶ್ರಮ' ಬುಕ್ಕಿಂಗ್ ಮಲ್ಪುವೆರ್
 ಇತ್ತಿನಾಯಗ್ ಖರ್ಚಿ ಮಲ್ಪುನ ಚಿಂತೆ,
 ದಾಂತಿನಾಯಗ್ ಖರ್ಚಿದ ವ್ಯಥೆ
 ಸಮಾಜ ಬದಲಾವೊಂದುಂಡು ಪನ್ನನಮ
 ಆಂಡ ನಮನ್ ನಮ ಸರಿ ಮಲ್ತೊನರೆ ಪಿರ ಜಾರುವ
 ಭಾಷಣೊಲೆಡ್ ಇನಿ ಭರವಸೆ ಇಜ್ಜಿ, ನರಮಾನಿಡ ಆದರ್ಶ ಇಸ್ತಿ
 ಯಾನ್ ಬದುಕೊಡು, ಈ ಸೈತಡಲಾ ಎಂಕ್ ಬೇಜಾರಿಜ್ಜಿ
 ತಾನ್ ಬದ್ಕಾದ್ ಬೊಕ್ಕೊರಿಯನ್ ಬದ್ಕಾವೊಡು
 ಪನ್ನಿನ ವಿಶಾಲತೆನೇ ಇಜ್ಜಿ
 ಪಾರಮಾರ್ಥ ದಾಂತಿನ ಸ್ವಾರ್ಥದ ಬದ್ಕ
 ಕಡೇಕ್ ನಮನ್ ತುಂಬರೆ ನಾಲ್ ಜನ
 ಬೋಡಿನ್ನಿನ ಧ್ಯಾನಲಾ ನಮಡಿಜ್ಜಿ

ಆಶಾ ಕೆ. ಸಾ:ರುನಿ

ಮಣ್ಣು

ಉಂದು ಎನ್ನ ತುಳು ಮಣ್ಣು ,ಪವಿತ್ರ ಮಣ್ಣು

ಬಂಗೊಡು ಬೆನ್ನಿನಕಲೆ ಬದ್ಧ ಕೊರ್ದಿ ಮಣ್ಣು

ಸೊರ್ಕುಡ್ ಬೀರೆರೆಗ್ ಜನ್ಮ ಕೊರ್ದಿನ ಮಣ್ಣು

ಧೀರ ವೀರೆರೆನ್ ತಾಂಕಿನ ಮಣ್ಣು

ಪಾವನ ಪರಮ ಸುದೆಕುಲು ಪರಪುನ ಮಣ್ಣು

ಸೋಬನ ಪನ್ನಿ ತಾರೆ ಕಂಗಲು ಬುಲೆದಿನ ಮಣ್ಣು

ಜಾಜಿ ಸಂಪಿಗೆ, ದುಂಡುಮಲ್ಲಿಗೆ, ಪೊರ್ಡು ಕೇದಗೆ, ಸೇವಂತಿಗೆ

ದಿಂಜಿ ಕಮ್ಮೆನ, ಪಾರಿಜಾತ ಸೋಕುದ ಸೊರಗೆ

ಮಾಲೆ ಮಲ್ತ್ ಸೇರೊಡಾಂಡ್ ಎನ್ನ ನಾಡ್‌ದ ಮಣ್ಣು ದೇವೆರೆಗೇ...

ಸಾರ ಸಂಕಟೊಲೆನ್ ದೂರ ಮಲ್ಪರೆ ನೆಲೆ ಆಲೆ ನಾಡ ದೇವೆರ್

ಸರ್ಲ ಧರ್ಮೊಗು ರಕ್ಷೆ ಕೊರ್ದಿನ ದೈವ ದೇವೆರ್

ಉಂಡು ಮಲ್ತಿನ ಉತ್ತಮ ಮಣ್ಣು

ನ್ಯಾಯೊಗು ಪುದರ್ ದೀಡ್, ನೀತಿಡ್ ತಾದಿ ನಡಪಾವು

ಸತ್ಯದ ಸಬಿ ದಿಂಜಾದ್, ಸುಳ್ಳುನು ಸುಡ್ಪುನ ಸೊರ್ಕುಡ ಮಣ್ಣು

ಪ್ರೀತಿಗ್ ಸೊಲ್ತೆ ಸಂದಾವೊಂದು, ಪ್ರೇಮೊಗು ಸೋತಿನ ಸೋಕುದ ಮಣ್ಣು

ಸ್ನೇಹದ ಕಮ್ಮೆನ ದಿಂಜಾವೊಂದು, ಸಂಗ ಶಕ್ತಿದ ಮೋಕೆದ ಒಸರ್‌ನ್ ಉರ್ವಾವು ಮಣ್ಣು

ಕಾಡ್ ಕೋಗಿಲೆ ನಾಡ್ ನವಿಲೇ ನಲ್ಪುನ, ಪೆತ್ತಪಿಲಿ ಸಾಮರಸ್ಯೊಡು ಬಾಳಿನ ಮಣ್ಣು

ಬೇತಪ್ಪೆ ಬಾಲೆಗ್ ಎದೆ ಪೇರ್ ಕೊರ್ಪು ಸಾಂಕಿನ ಮಮತೆದ ಪ್ರತೀಕ ಈ ಮಣ್ಣು

ತೇರ್, ಪರ್ಮೊಗು ಪುದರಾಯಿ, ಸೋಬನ ಪಾಡ್ಡನೊಗು ಜನ್ಮ ಕೊರಿನ ಮಣ್ಣು

ಕಟ್ಟ ಕಟ್ಟಲೆಗ್, ಕೋಲ ಬಲಿಕ್, ಆಟ ಕೂಟೊಲೆಗ್ ಜಾಗ್ ಕೊರಿನ ಮಣ್ಣು

ದೇಶೊಗಾದ್ ಪ್ರಾಣಕೊರಿ ವೀರೆರೆ ಬೆಚ್ಚನೆತ್ತರ್ ಸೋಂಕುದಿ ಮಣ್ಣು

ವೀರ ಪುಣೊಕು ಆಸರೆ ಆಯಿ ಸಾರ್ಥಕ ಮಣ್ಣು

ಎನ್ನ ಜನ್ಮನು ಮೆಲ್ಲ ತೆಲ್ಲಿ ಪೊರ್ಡು ಮಣ್ಣು

ಕಂಡು ಕಪಟ, ಮೋಸ ವಂಚನೆ ದಾಂತಿನ ಸತ್ಯದ ಮಣ್ಣು

ಎನ್ನ ಜನ್ಮೊಗು ಮೆಲ್ಲ ತೆಲ್ಲಿ ಪೊರ್ಡು ಮಣ್ಣು

ಎನ್ನ ಜೀವನದ ಪುಣ್ಯ ಮಣ್ಣು

ತುಳುವ ನಾಡ್‌ದ ಸಿರಿ ಮಣ್ಣು

ಆಶಾ ಕೆ. ಸಾಮನಿ



ಬಾವುಟ ಏರಿಸಾಗ !

ಸ್ವತಂತ್ರ ಭಾರತ ದೇಶದ ಐವನೆ
ವರ್ಷದ ಬಾವುಟ ಏರಿಸಾಗ - ನಮ
ರಾಷ್ಟ್ರ ಪತಾಕೆನ್ ಏರಿಸಾಗ - ಓ
ಬಂಧುಲೆ ಬಲೆ ಕೊಡಿ ಏರಿಸಾಗ
ಬಾನೊಡು ಎತ್ತರ ಎತ್ತರೊಡು
ರಾವೊಂದುಪ್ಪಡ್ ಮಿತ್ತರೊಡು ||1||

ಭಾರತ ಮಾತೆನ ಭಾಗ್ಯದ ಬಾವುಟ
ಎಂಕಲೆ ಅಪ್ಪೆನ ಅಭಿಮಾನ
ಕಣ್ಣೆಗ್ ಎಣ್ಣೆನ್ ಪಾಡ್ಡ್ ಕಾಪುಲೆ
ಅಂದ್ಡ ಅಪ್ಪೆನ ಸಂತಾನ
ಮಲ್ಪುವ ಎಂಕುಲು ಸಂಮಾನ
ಅಮ್ಮೆಗ್ ದಾಯೆಗ್ ಅನುಮಾನ ||2||

ಮೂಜಿ ಸುತ್ತಲ ದಿಂಜಿದಿ ಕಡಲ್
ಪರಪುನ ತುದೆಕುಲು ಮೂಲುಲ್ಲ
ಬಡಕಾಯಿಡ್ ತರೆ ದೆರ್ತುದುಂತುದಿನ
ಬರಪುದ ಪರ್ವತ ಮಾಮಲ್ಲ
ಮಣ್ಣೆದ ಗುಣನೇ ಬೆರಿಸಾಯ
ಬೆನ್ನಿದ ರೈತಗ್ ಆದಾಯ ||3||

ಮರ ಗಿಡ ಬಳ್ಳಿಲು ಬಾನೊಡು ಬೊಳ್ಳಿಲು
ಪಕ್ಕಿಲು ಮುಗೊಲು ವಾ ಪೊರ್ಲು !
ಕಿಲೆಪುನ ಕೋರಿಲು ನಲಿಪುನ ನವಿಲುಲು
ತೆಲಿಪುನ ಗಿಳಿಲು ಮೆಯಿ ಮರ್ಲು !

ಕಡಮೆ ಉರೆಕುಲೆನ ಕೊಂಡಾಟ

ಬಲಿಪೆ ಆನೆಲೆನ ಪುಂಡಾಟ! ||4||

ಆರ್ಯೆರ್ ಬತ್ತೆರ್ ಮೊಗಲೆರ್ ಬತ್ತೆರ್
ಏರೇ ಬರಡ್ ಭಾರತೊಗು
ಎದೊಂದು ಅಗಲೆಗ್ ಪೇರ್ನ್ ಪರ್ಪಾದ್
ತರ್ಕೊಂದು ತಾಂಕಿನ ನೆಲ ಉಂದು

ರಾಮ - ಕಿಶ್ನೇನ ಅಬತಾರ

ಬುದ್ಧನ ಶಾಂತಿದ ಭಂಡಾರ ||5||

ಬೊಲ್ಡು ತುಗಲ್ ದೊರೆಕುಲು ಬತ್ತೆರ್
ಪಡ್ಡಯಿ ಕಡಲ್ ದಾಂಟೊಂದು
ಬೇರೊಗು ಬತ್ತೆರ್ ಬೇರ್ನೆ ಕಡ್ಡೆರ್
ಪುಣೆವೊಂದಿತ್ತ ನಮ ಕಂಟೊಂದು

ಪರ್ದೇಸಿ ಜನೊಕ್ಲೆನ ದರ್ಬಾರ್

ಸುರು ಆಂಡ್ ತಡೆಪುನಕುಲು ಏರ್ ||6||

ತೆಟ್ ದಾಯಿ ಬೊಕ್ಕ ಬುದ್ಧಿನ್ ತೆರಿಯೆರ್
ಲಕಿಯೆರ್ ಜವಣೆರ್ ಪೊರುಂಬರೆಗ್
ಕಾದರೆ ಪೋದು ಲಡಾಯಿದ ರಂಗೊಡು
ಪಗ್ಗೆಗ್ ಮರ್ದನ್ ಅರೆಪರೆಗ್

ತುಳುವೆರೆ ರಾಣೀ ಅಬ್ಬಕ್ಕ

ಚೆನ್ನಮ್ಮ ಲಕ್ಷ್ಮಿನಕುಲು ಬೊಕ್ಕ ||7||

ಗಾಂಧೀ ನೆಹರೂ ವೀರ ಸುಬಾಸೆರೆ
ತ್ಯಾಗೋಗು ಬಿಲೆ ಕಟ್ಟರೆ ಉಂಡಾ?
ಭಗತ ಸಿಂಗ್ ಸುಖದೇವ ರಾಜಗುರು
ಜೀವ ಕೊರಿನ ಮದಪರೆಗುಂಡಾ?

ನಾಲಿಗ್ ಉರ್ಲುನು ಪಾಡಿಯೆರ್
ಪಾಸಿದ ಕಂಬೊಡು ನೇಲಿಯೆರ್ ||8||

ಇಂಚನೆ ಏತೋ ದೇಶ ಭಕ್ತೆರೆನ
ತ್ಯಾಗದ ಬುಲೆ ಈ ಸ್ವಾತಂತ್ರ್ಯ
ಗುಂಡುಗು ತಿಗಲೆನ್ ಒಡ್ಡುದು ನೆತ್ತೆರ್
ಜಪುಡಾದ್ ಪಡೆಯಿನ ಸ್ವಾತಂತ್ರ್ಯ!

ಭಾರತ ಮಾತೆಗ್ ಜಯಕಾರ
ಭಾಗ್ಯೋದ ಭೂಮಿಗ್ ಜಯಕಾರ ||9||

ಬಿ. ಎಸ್. ಕುರ್ಕಾಲ್

ಡಯಾನ ಓ ಡಯಾನ!

ಪದಿನಾಜೆಡೇ ಕೊದಿಯರೆ ಸುರು ಆಯ
ಪೆದಂಬು ಸಾದಿಡ್ ಪಜ್ಜೆ ಪಾಡಿಯ
ಮಹಾರಾಣಿನ ಮೋಕೆದ ಮಗನ್ ತೂಯ
ಮದಿಮೆ ಆಯ; ಮಾಮಲ್ಲ ಮಹಲ್ ಸೇರಿಯ ||

ಸುದ್ದಿ ಸುಲೊಕೊಲೆಗ್ ರಂಗ್ ಏರಾಯ
ಸೊರ್ಗೊಗು ಮೂಜೇ ಗೇಣಾಂದ್ ತೆರಿಯ
ಪದ್ದೇಯಿ ದಿಂಜಿಗೇಡ್ ಮಟ್ಟಿಲ್ ದಿಂಜಾಯ
ಪನ್ನೀರ್ದ ಕೆದುಟ್ಟು ನೀಂದ್ ಮೆರೆಯ

ಆಣ್ ಜೋಕುಲು ಇವೇರೆನ ಅಪ್ಪೆ ಆಯ
ಆಂಡಲ ಬದ್‌ಕ್ ಚಪ್ಪೇಂದ್ ಕೊರಗಾಯ
ಕಟ್ ಕಟ್ಟಲೆದ ತೊಡಮೆ ದಾಂಟಿಯ
ಮರ್ಯಾದಿನ್ ಮೂಜಿ ಕಾಸ್‌ಗ್ ಮಾರಿಯ

ಬೀಚ್‌ಗ್ ಪೋಯ; ನಾಚಿಗೆ ಬುಡಿಯ
ಬಿಕಿನಿದ ಬಿದ್‌ಡ್ ಸುರ್ಪ ದೆಪ್ಪಾಯ
ಕುದ್ರೆ ಸವಾರನೊಟ್ಟುಗು ಕತೆ ಬರೆಯ
ಕೆಲವೆರೆನ ಕೂಟೊಡು ಕಬಿತೆ ಕಟಿಯ

ಬುಡುಗಡೆ ಬೋಡುನ್ನಗ ಒಪ್ಪಿಗೆ ಕೊರಿಯ
ಪರಿಯಾರ ತಿಕ್ಕನಗ ಪತೊಂದು ಪಿದಾಡಿಯ
ಸಂಬಂಧ ಕಡೀನಗ ಸಂತೋಸುಡು ಪೋಯ
ರೆಂಕೆ ಕುಡ್ತುದು ರಾವೊಂದೇ ಪಾರಿಯ

ಓಲು ಇತ್ತಿನಾಲ್ ಓಡೆಗ್‌ಪೋಯ
ಕತೆ ಒಲ್ಪ ಉಂತಾಯ? ಓಲು ಮುಗಿತಾಯ?
ಉಂದೆಂಚಿನ ಅಂತ್ಯ ಒರ ಪನೆಯನಾ?
ಡಯಾನಾ ಓ ಡಯಾನಾ, ಡೈ ಆಯನಾ!

ಬಿ. ಎಸ್. ಕುರ್ಕಾಲ್



ಸುಧಾರಣೆ

ಐವ ವರ್ಸೋಗು ದುಂಬು
ಮುಲ್ದದ ಈ ನಾಕೆಡ್
ಎಂಕೆಲ್ನವೇ ವಿಶ್ರಾಂತಿ ಗೃಹ
'ರಾಮ್ ಭರೋಸೆ ಹಿಂದೂ ಹೊಟೇಲ್
ಬೆಗರ್ ಜಪುಡುದು ಬೆನೊಂದಿತ್ ಎಂಕುಲು
ಪುದಾರ್ ಪೋತಿನ ಉಸಲ್ ಪಾವು ಮಿಸಲುಲು
ದೂರ ದೂರದಕೆಲೆಗಲ ಮೂಲೆ ಪಲಾರ
ಎಂಕಲ್ನ ತಾಪತ್ರಯೊಕ್ಕುಲ ಪರ್ಯಾರ
ಇಲ್ಲಡ್ ಶಾಂತಿ....ವಿಶ್ರಾಂತಿ.

ಕಾಲ ಬದಲಾಂಡ್
ಕಚ್ಚೆ ಪೈರಾನ್ ಪೋಂಡು ಪೇಂಟ್ ಶರ್ಟ್ ಬತ್ತಂಡ್
ಪರಕಡಾಯಿ ಉಲಾಯಿ ಪೋಂಡು
ಪೊಸ ತಿಂಡಿ ತಿನಸ್ ಪಿದಾಯಿ ಬತ್ತಂಡ್
ಇತ್ತೆ ಎಂಕಲ್ನ ಉಡುಪಿ ಕೃಷ್ಣಭವನ
ಇಲ್ಲಡ್ ಶಾಂತಿಯೇ ಶಾಂತಿ.

ಕೈಟ್ ಬಿಲ್‌ಬುಕ್ ಬತ್ತಂಡ್
ಟೇಬಲ್‌ಗ್ ಸನ್‌ಮೈಕಬತ್ತಂಡ್
ಮಗಕ್ಕೆ ಮೀಸೆ ಬತ್ತಂಡ್

ಒಂಜಿ ಬನ್ನಗ ಒಂಜಿಪೋಂಡು
ದೋಸೆ ಕುಸ್ಕುಂಡು ಇಡಿ ನುಂಗುಡು
ಇತ್ತೆ ಅಮ್ಮೆ ಇಲ್ಲಡ್-ಮಗೆ ಗಲ್ಲೆಡ್

ಈತ್ ವರ್ಸ ಮುಟ್ಟ
ಎಂಕಲ್ಲ ಒಟ್ಟುಗೇ ಇತ್ತಿನ
ಬೀಡಿದಂಗಡಿದ ಪಾಂಡು ಪವಾರ್
ಬರಿತ್ತ ಬನಿಯೆ ಪೇರ್‌ದ ಬಯ್ಯೆ
ಬದ್ಡ್ ಬದಲಾವಂದೆ ಅಂಚನೇ ಉಲ್ಲೆರ್
ಚಾ ತಿಂಡಿಗ್ ಬೇತೆ ಕೋಡಿಗ್ ಪೋಪೆರ್
ಎಂಕಲ್ಲ ಹೋಟೇಲ್‌ಡ್ ಖಾಲಿ ವಣಸ್
ಮಟನ್ ಮಸಾಲೆ-ತಂದೂರಿ ಚಿಕನ್
ಗ್ರನೈಟ್‌ದ ಗೋಡೆ ಕಾರ್ಪೆಟ್‌ದ ನೆಲ
ಇತ್ತೆ ಪುದಾರ್ 'ಪ್ಯಾರೇ ಪಂಜಾಬ್'

ಬೇರ ಹೆಚ್ಚೊಂದು ಪೋಂಡು
ಪುದಾರ್ ಪರಡೊಂದು ಪೋಂಡು
ಉಲ್ಲಾಸ್ ಉರ್ಕರೆ ಪತ್‌ಂಡ್
ಮಂಡೆ ಸೊರ್ಕರೆ ಪತ್‌ಂಡ್
ಪಂಜಾಬುಗು ಗುಮ್ಮೆ ನೂರುಂಡು
ಬೋರ್ಡು ತಿರ್ತ್‌ಜಾರ್‌ಂಡ್

ಅಂದ್: ಪಾಂಡು ಪವಾರ್ ಬನಿಯೆ ಬಯ್ಯೆ
ಇತ್ತೆಲಾ ಉಲ್ಲೆರ್- ಅಂಚನೇ ಉಲ್ಲೆರ್
ಎಂಕುಲು ಗೋಡೆ ಪುಡಪ್ಪಾಯ
ಪೋರ್ಲು ಮಲ್ಪಾಯ ಎ.ಸಿ. ದೀಪಾಯ
ಪರ್ಮಿಟ್ ಮಲ್ತ್‌ದ್ ಬಾಟ್ಟಿ ನಡಪ್ಪಾಯ
ಇತ್ತೆ ಕತನೇ ಬೇತೆ- ಕೋಲುಡು ತಿನರೆ

ಪುದಾರ್ 'ಚಿಂಗ್ ಚೋಂಗ್ ಚೈನಿಸ್'
 ಕಾಲೊನು ಕಾತ್‌ಜ ಎಂಕುಲು
 ಕುಡ ಒರ ಭಯಂಕರ ಬದಲಾವಣೆ
 ಈ ಸರ್ತಿ ಪುದಾರ್ 'ಗೋಲ್ಡನ್ ಡಾಗ್'
 ಬಾಕಿಲ್ ಬಂದ್ ಆಂಡ್ ಲೈಟ್ ಡಿಮ್ ಆಂಡ್
 ಉಲಾಯಿ ಜುಮ್ ಆಂಡ್
 ಮರ್ಲ್ ಪೋಣ್ಣುಲು ಪೋರ್ಲ್ ಕಂಟುಲು
 ಬೇಂಡ್ ಬೊಟ್ಟಾವ ಗೋಡೆ ಗದ್ದಾವ
 ವಿಸ್ತಿ ಪರ್ಪಾವ ಲಾಗ ದೆಪ್ಪಾವ
 ಸೊಂಟ ತಿರ್ಗಾವ ಮಾಲೆ ಪಾಡಾವ
 ಇತ್ತೆ ಮೂಲು ಮಾತಲಾ ತಿಕ್ಕುಂಡು
 ತೂದು ಬೆಕ್ಕಸಿನ ಅಮ್ಮೆ ಪನ್ನೆರ್
 ಛೀ! ಹೇಸಿಗೆ ಮಲ್ತ್ ಬುಡಿಯಮಗ
 ಮುರ್ಕುದಿನ ಮಗೆ ಪನ್ನೆ- ಇರೆಗ್ ಗೊತ್ತುಂಡೆ?
 ಹೇಸಿಗೆದ ಜಾಗ್ಡೇ ಕಾಸ್ ಬುಲೇವುನು!

ಎಂಕಲ್ಲ ಶಾಂತಿ?
 ವಿಶ್ರಾಂತಿಗೃಹತ್ತ ಗ್ರಹಚಾರ
 ಶಾಂತಿ ಏಪನೇ ಸೈದೊಲು
 ಅಲೆ! ಇತ್ತೆ ಪೋನು ಬತ್ತಂಡ್
 ಭಾರೀ ಗಲಾಟೆಗೆ- ದರ್ತ್ ಪಾಡ್ಡ್
 ಹೊಟೇಲ್‌ನ್ ಲೂಟಿಯೆರ್‌ಗೆ
 ಪತ್ತ ಜನೊಕ್ಕು ಕುಲ್ಲಾಯೆರ್‌ಗೆ
 ಮೂವರೆಗ್ ಪೊಗ್ಗಾಯೆರ್‌ಗೆ
 ಗಲ್ಲೆದಾಯಗ್ 'ಡಿಶಾಂ' ಮಲ್ತೆರ್‌ಗೆ !

ಕೋಡು ಭೋಜ ಶೆಟ್ಟಿ

ಕಾಂತಪ್ಪಣ್ಣನ ಬರ್ತಡೇ

ಜಗ ಜಗ ಪನ್ನಿನ ಲೈಟುಲು
ತಿಗಲೆ ಅಲ್ಕಾವುನ ಮೆಂಚಿಲು
ತೆಡಿಲ್‌ದರ್ತಿಲೆಕ್ಕ ಇಂಗ್ಲೀಷ್ ಪದೊಕ್ಕುಲು
ಒಸರ್ ಉರ್ಕುನ ಟೇಬಲುಲು ಸುತ್ತ
ಅರ್ಧ ಮುರ್ಕಿನಕುಲು ಮಿತ್ತ್ ಮುಗಲ್
ಎಲು ಮುಳ್ಳುದ-ರಾಶಿ ಕಾರಡಿಟ್ವ್
ಗಿಲಾಸ್ ಪತೋಂದ್ ಕಾಂತಪ್ಪಣ್ಣ ಕಡಿಟ್ವ್

ಭಾರಿ ಗಮ್ಮತ್ ಇತ್ತೆಂಡ್
ಈರ್ ಒಂತೆ ಬೇಗ ಬರೊಡಿತ್ತೆಂಡ್
ಕೆಂಟಕಿಚಿಕನ್ ಅಗ್ಗುನಲ್ಲೆ ಒರಿಪಂಡೆರ್
ಕಜೆಅರಿತ್ತ ಮಣ್ಣಿ ತೂವಂದಿನ
ಮೂಜಿ ಕುಕ್ಕುದ ಕುಂಟ ಕಾದ್ರಿಗ್
ಆಜಿಗೇನದ ಕೇಕ್ ದಾಯೆಗ್‌ಯೇ ?
ಕಟ್ವ್ ಮಲ್ತ್‌ದ್ ಜಪ್ಪು ಜಪ್ಪುದಕಲೆನ
ಬಾಯಿಗ್ ತಲ್ಲೊಂದಿತ್ತೆ
ನಿರೆಕರೆತ್ತ ಮಂಗಣೇಲು ಸರೀ ತಿಂದ
ಬುಡೆದ್ದಿ ಪಾಪ ತಿಂದ್‌ಜಿ
ಅಂದ್ ಐಕ್ ತೀಪೆ ಪಡ್ಕೆ-ಡಯಬಿಟೀಸ್ !

ತಂದೂರಿದ ಎಲು ಉಬ್ಬಿದ್ ಗಿಲಾಸ್‌ದೆನ್
ಸರಕ್ಕ ಒಯಿತ್‌ದ್ ಕುಡೂರಿ ಪಂಡೆರ್
ಎಲ್ಕಕರಿನ ಪರಕಡಲಗ್ ವಾ ಬರ್ತಡೆ ?
ಏಪ ಪುಟುದಿನಿ ಉಪ್ಪಡಲ್ವ
ಓಲು ಪುಟುದಿನಿ ಗೊತ್ತುಂಡ ಕೇಣಿ

ಈ ಲಾಯಿಲಾಟ ಮಾತ ಬಾಕಿದಕಲೆಗ್
 ಎಚ್ಚ ನಲಿಪೆರೆ ಎಚ್ಚ ತೆಲಿಪೆರೆ
 ಎಚ್ಚ ಪರಿಯೆರೆ ಬಲ್ಲಿ ಪಂತೆರ್ಗೆ ಡಾಕ್ಟರ್
 ಅಂದ್ ಆಯಗ್ ನೆತ್ತೆರ್ದುನಿಪು-ಬ್ಲಡ್ ಪ್ರೆಶರ್.

ಈ ಮೈಡ್ಸ್ ಬೆರಿಬೊಟ್ಟಿಯೆರ್ ಬೊಕ್ಕೊರಿ
 ಮಾಮಲ್ಲ ಪೋಂಚಿದಿನಾಯೆ
 ಮಡಿಕುಂಟುಡು ಮಸೆಲುನ ತೂತೊಡು
 ಅತ್ತಡ ಅಕುಲು ದಾಯೆಪನಿ ಇತ್ತೆಲಾ
 ಕೊಡಿಕಾರ್ಡ್ ಉಂತುನುಯೆ?
 ಎಕಾಡ್ ಪಟದೆಪ್ಪಾದಿನ ಪೋರ್ಲುದಾನೆ
 ಈ ಬರಿಟ್ಸ್ ಚಂದ್ರಕಾಂತಾ ಪಾಟೀಲ್
 ಆ ಬರಿಟ್ಸ್ ಕಾಂತಾಬೇನ್ ಪಟೀಲ್
 ನಡುಟ್ಟು ನಮ್ಮ ಕಾಂತಪ್ಪ ಸೆಟ್ವಾಲ್
 ಪಿದಾಯಿ ಪೀಂಕುರುನ ಸೆಟ್ವದ ಇಡೇಡ್ಡ್
 ಮಾಂಜಿದ ಮುಲ್ಲು ಒಯಿತ್‌ದ್
 ಕೆಬಿತ್ತ ಬರಿ ಕಿಸ್ಕ ತೆಲಿತ್‌ದ್ ಪಂಡೆರ್
 ಈ ಪೋಣ್ಣ ಮರ್ಲಗ್ ಬರ್ತ್‌ಡೇ ಅತ್ತ
 ಮುಂಜಿ ಮದ್ದೆ ಮಲ್ಲಿ!

ಮೂಜಿ ಮುಕುಲಿಡೇ ಮಲಕ ಪಾಡುನ
 ನಾಲಾಯಿಗ್ ಪಸೆಕೊರ್ದು
 ಮಂಡೆ ಕಂತಪಾಡ್ಡಿನಲ್ಲೆ ಪಂಡೆರ್
 ಬರಿಟ್ಸ್ ಕುಲುದಿನಾರ್
 ರಡ್ಡ್ ಪಾತೆರ ಪಾತೆರಿ ಈರ್ ತೆರಿನಾರ್
 ಲಕ್‌ದ್ ಉಂತಿಯೇ ಒರಿಯಗೊರಿ
 ಮುಡುಮುಡು ತಾಂಟಾದ್
 ಎನ್ನಂಚಿ ತಿರ್ಗ್‌ದ್ ಕುಲ್ಲಿಯೆರ್

ಕೆಬಿಕೊಂಡೆ ಮಲ್ತೆರ್ ದಾದ ಪನ್ನೆ ಇಂದ್ ಕಾತೆರ್
ಟೇಬಲ್ಡ್ ತಂದೂರಿಚಿಕನೂಲು
ಮಂಡೆಗದ್ದಾಯ ಗಿಲಾಸೂಲು ತಮೆಲೆರೆ ಪತ್ತಿಯ
'ಮಾಂಜೀಲು ನೀಂದರೆ ಪತ್ತಿಯ, ಯಾನ್ ಬಾಯಿಜಪ್ಪೊಡ್ಡನೇ

'ವ್ವಾ ಕ್ಯಾ ಬಾತ್ ಹೈ' ಸೈಡ್ಡ್ ಸರಪಿದಾಡ್ಂಡ್
ಕೂಡುದಿನ ಗ್ರಾಸ್ತರೆ-ಯಾನ್ ಪಂಡೆ
ಪನ್ನಿನೆನ್ ಮಾತ ಕುಲೊಂದಿನಲ್ಲೇ
ಬಾಕಿದಕುಲು ಪಂಡ್‌ದಾಂಡ್
ನನ ಯಾನ್ ಪನಿಯರೆ ದಾದ ಉಂಡು?
ಅಂಡಲಾ ಒಂಜಿ ಆಸೆ ಎನ್ನ
ಈ ಗೈಲ್ ಗದ್ದಲ ಇಂಚಿನೇ ನಡಪ್ಪೊಡು
ಕಾಂತಪ್ಪಣ್ಣೆ ಒಸೊರ್ಗೊರ ಅತ್ತ್
ಬಯ್ಯ ಬಯ್ಯಡ್ ದಿನೋಲಾ ಪುಟ್ಟೊಡು
ಖಾಲಿ ಗಿಲಾರ್ಸನ್ ದೆರ್ತ್‌ದ್ 'ಚಿಯರ್ಸ್' ಪಂಡೆ
ಆಜು ಬಾಜು ಕೂಡಿನಕುಲು 'ಗೋ' ಪಂಡೆರ್
ಕಾಂತಪ್ಪಣ್ಣೆ ಜೋರುಡು ತಾಟಿ ಬೊಟ್ಟಿಯೆರ್!

ಕೋಡು ಭೋಜ ಶೆಟ್ಟಿ

ಕವಿಕೃತ್ಯ ಜ್ಞಾಪ್ತಿ

ಡಾ | ಸುನೀತಾ ಶೆಟ್ಟಿ

ಬಿ 28, ಸರ್ವೋದಯ ಸೊಸೈಟಿ

ಶಿವಸೃಷ್ಟಿ, ಕುರ್ದ (ಈಸ್ಟ್)

ಮುಂಬಯಿ- 24

☎ 022-25227033

ಸಿಮಂತೂರು ಚಂದ್ರಹಾಸ ಸುರ್ವರ್

ಸಿ1, ತಳಅಂತಸ್ತು, ಜಲ್ ಕೀರ್ತಿ

ಕೋ- ಆಪರೇಟಿವ್ ಹೌಸಿಂಗ್ ಸೊಸೈಟಿ,

ಜಯ್‌ರಾಜ್ ನಗರ್, ಮಹಿಷಮರ್ದಿನಿ

ದೇವಳ ಬಳಿ, ಬೊರಿವಿಲಿ (ವೆಸ್ಟ್)

ಮುಂಬಯಿ-400 091.

☎ 09821621501, 022-28986287

ಡಾ| ಸೀತಾರಾಮ್ ಆರ್. ಶೆಟ್ಟಿ

ನಂ. 108, ತುಲಿಪ್ಪಾ

ಸಾಯಿ ಬಾಬ ವಿಹಾರ್ ಕಾಂಪ್ಲೆಕ್ಸ್ ಜಬಿರಸ್ತೆ

ಠಾಣೆ ವೆಸ್ಟ್- 400 601.

☎ 98292085401

ಅರುಷಾ ಎನ್. ಶೆಟ್ಟಿ

ಮುಂಬಯಿ.

☎ 9870239132

ಶಶಿಕುಮಾರ್ ಸಿ. ಕುಂದರ್

ನಂ.305/1 ಬಿ ಸಂದೀಪ್ ಬಿಲ್ಡಿಂಗ್

ಜಯಪ್ರಕಾಶ್ ನಗರ, ರಸ್ತೆ ನಂ.5

ಗೋರಗಾಂ ಈಸ್ಟ್

ಮುಂಬಯಿ- 400 063.

☎ 022-26860133, 9820904031

ಡಾ| ಕರುಣಾಕರ್ ಎನ್ ಶೆಟ್ಟಿ ಪೇಶಿಯ ಊರು

602, ಆದಿನಾಥ್ ಕೋ-ಆಪರೇಟಿವ್

ಸೊಸೈಟಿ, ರಾಮಚಂದ್ರ ನಗರ-1, ವಾ 1

ಎಸ್ಟೇಟ್ ಅಂಚೆ ಠಾಣೆ- 400 604.

☎ 25805347

ಶಾರದಾ ಎ. ಅಂಚನ್

ಬೆ-202, ಸೆಕ್ಟರ್ 2 ಪ್ಲಾಟ್ ನಂ.22 ()

ಇವಿ ರಿಜಿನ್ಸಿ, ಕಲಾಂಬ್ಲೆ

ನವೀ ಮುಂಬಯಿ- 410218

☎ 09819270675

ಶಿಮುಂಜೆ ಪರಾರಿ

305, ಹವಾ ಮಹಲ್

ಡಾ. ಚರತ್ ಸಿಂಗ್ ಕಾಲೊನಿ

ಅಂಧೇರಿ (ಈಸ್ಟ್), ಮುಂಬಯಿ-400 093

☎ 022-28379783

ಪಾಂಗಳ ವಿಶ್ವನಾಥ ಶೆಟ್ಟಿ

ಸಿ-105, ಮಧುಬನ್ ಕ್ಲಾಸಿಕ್

ಅಲಂಧ್ ರೋಡ್, ವಿಶ್ರಾಂತ್‌ವಾಡಿ

ಪುಣೆ.

ಕಡಂದಲೆ ವಾಸು ಶೆಟ್ಟಿ

ಸಾಯಿ ದರ್ಶನ್ ಅಪಾರ್ಟ್‌ಮೆಂಟ್

2ನೇ ಮಹಡಿ, ಜಿಐಡಿ‌ಸಿ ಕಾಲೊನಿ

ಅಮೇರಿಕನ್ ಹಾಸ್ಪಿಟಲ್ ಬಳಿ

☎ 09320139894

ಪದ್ಮಾ ಆನಂದ್ (ಅರವಿಂದಾ)

202, ಶಿವದರ್ಶನ ಅಪಾರ್ಟ್‌ಮೆಂಟ್
ಲೋಕಮಾನ್ಯ ನಗರ್ 2
ಥಾಣೆ ವೆಸ್ಟ್, ಮಹಾರಾಷ್ಟ್ರ
☎ 9867893642

ನಂದಳಿಕೆ ನಾರಾಯಣ ಶೆಟ್ಟಿ

148/4045 ಮಯೂರೇಶ್ ಸಿ.ಎಚ್.ಎಸ್.
ವಲ್ಲಭಾಗ್ ಲೇನ್ ಘಾಟ್‌ಕೊಪ್ಪರ್ (ಈಸ್ಟ್)
ಮುಂಬಯಿ- 75.

ಶ್ರೀನಿವಾಸ ಜೋಕಟ್ಟೆ

ಬಿಲ್ಡಿಂಗ್ ನಂ.171, ಪ್ಲಾಟ್ ನಂ.302
ಸೆಕ್ಟರ್ 6, ಅವೆನ್ಯೂ ಫೇಸ್ 2
ಎವರ್‌ಶೈನ್ ಸಿಟಿ, ವಾಸೈ (ಈಸ್ಟ್)
ಥಾಣೆ ಜಿಲ್ಲೆ- 401 208, ಮಹಾರಾಷ್ಟ್ರ
☎ 9869394694

ಅನಿತಾ ಪಿ. ಪ್ರಜಾರಿ

ಕಸ್ತೂರಿ ಆಶೀರ್ವಾದ್ ಬಿಲ್ಡಿಂಗ್
“ಸಿ” ವಿಂಗ್, ರೂಮ್ ನಂ. : 303
3ನೇ ಮಹಡಿ, ಶಾಸ್ತ್ರಿ ನಗರ
ಹಳೆಯ ದೊಂಬೆಲಿ (ವೆ)
ಥಾಣಾ, ಮಹಾರಾಷ್ಟ್ರ - 421202

ಉಮೇಶ್ ಕೆ.ಕರ್ಕೇರಾ

ನಂ.304, ಕಾರ್ಗಿಲ್ ರೆಸಿಡೆನ್ಸಿ
ಬ್ಯಾಕ್‌ಸೈಡ್ ಆಫ್ ಸ್ಟೆಲ್ಲಾ ಪೆಟ್ರೋಲ್‌ಪಂಪ್
ವಾಸೈ (ವೆಸ್ಟ್), ಥಾಣೆ- 4-1 201
☎ 09869736825

ಜಿ. ಪಿ. ಕುಸುಮ

ರೋಹಿದಾಸ್ ಹರಾಲೆ, ಸಿಎಚ್‌ಎಸ್
ಬಿ-ವಿಂಗ್, 7ನೇ ಮಹಡಿ, ಪ್ಲಾಟ್ ನಂ.702,
ಕಾಮದೇವ್ ನಗರ್, ಕಾಂಭದೇವಿ
ದೇವಸ್ಥಾನದ ಬಳಿ, ಸಿಯಾನ್(ವೆಸ್ಟ್)
ದಹಿಸರ್, ಮುಂಬಯಿ- 17
☎ 9922780677

ದೇವದಾಸ್ ಪಿ. ಸಾಲ್ಯಾನ್

ಡಬ್ಲ್ಯು 101, ಆದಿಶ್ವರ್ ಕೃಪಾ ಕೋ-
ಆಪರೇಟಿವ್ ಹೌಸಿಂಗ್ ಸೊಸೈಟಿ
ಶಾಚಿತಿ ಪಾರ್ಕ್, ಮೀರಾ ರೋಡ್
ಥಾಣೆ ಜಿಲ್ಲೆ-0 401 107.
☎ 09869517465

ಪ್ರಮೋದ ಎಸ್. ಮಾಡ

ಎನ್. ಜಿ. ವಿಹಾರ್, 7-401
ಲಕ್ಷ್ಮೀ ಪಾರ್ಕ್‌ನ ಹತ್ತಿರ
ವರ್ತಕ್ ನಗರ, ಥಾಣಾ - 400606
ಫೋನ್ : 9987524474, 25884102

ರಾಮ್ ಮೋಹನ ಶೆಟ್ಟಿ ಬಳ್ಳುಂಜೆ

ಪತ್ರ ಪುಪ್ಪ ಕನ್ನಡ ಮಾಸಿಕ ಮುಂಬಯಿ
ಬಂಟ್ಲೆ ಅಸೋಸಿಯೇಶನ್ ಮುಖ್ಯ
ಅಧ್ಯಾಪಕ ಭವನ್, ಸಿಯಾನ್ (ವೆಸ್ಟ್)
ಮುಂಬಯಿ- 400 022
☎ 9892490337

ಸಾದಯಾ (ದಯಾನಂದ ಸಾಲಿಯಾನ್)

ಸಿ 39, ಸಾಯಿ ಸಂಗಮ್ ಸಿಎಚ್ ಎಸ್
1ನೇ ಮಹಡಿ, ಆರ್. ಬಿ.ಐ ಕ್ವಾರ್ಟರ್ಸ್ ಬ್ಲಾಕ್
ಓಲ್ಡ್ ಡೊಂಬಿವಿಲಿ, ಥಾಣೆ ಜಿಲ್ಲೆ- 421 201 .
☎ 9004957989, 9004039080

ಶಾಂತ ಶೆಟ್ಟಿ

602 ರಾಮ್ ತೀರ್ಥ್ ಸೊಸೈಟಿ
ರಾಮ್ ಮೂರ್ತಿ ರೋಡ್
ನೌಪಾಡ್ ಥಾಣೆ- 400 602.
☎ 9820078544

ಸುಜನ ಶೆಟ್ಟಿ

ಸಿ-402 ಲ್ಯಾಂಡ್ ಮಾರ್ಕ ಓಎಫ್‌ಎಸ್
ಲಿಂಕ್ ರೋಡ್, ಮುಂಬಯಿ
ವೆಸ್ಟ್‌ಮುಂಬಯಿ- 64
☎ 9869137684, 9930311881

ವಿಶ್ವನಾಥ್ ಕಾಪು

ಮೋತಿ ಸಿಎಚ್ ಎಸ್ ಪ್ಲಾಟ್ ನಂ 5
1ನೇ ಮಹಡಿ ಶಿವಾಜಿ ಹಾಸ್ಪಿಟಲ್ ಎದುರು
ಧಾಣೆ ಬಾಲಾಪುರ್ ರಸ್ತೆ
ಕಲ್ಲಾ (ವೆಸ್ಟ್) ಧಾಣೆ- 400 605.
☎ 9867107299

ಸಾತ್ವಿಕಾ ಪಿ. ಶೆಟ್ಟಿ

ಬಿ 28 ಸರ್ವೋದಯ ಸೊಸೈಟಿ
ಶಿವಸ್ವಪ್ನ ಕುರ್ರ ಈಸ್ಟ್, ಮುಂಬಯಿ- 24.
☎ 9892722773, 9892711477

ದಯಾಮಣಿ ಶೆಟ್ಟಿ

ಮನೋಮೆಟಿಕ್ಸ್ ಇಂಡಿಕಾ ಗಾಲ ನಂ.84
ಪಂಜಾಬಿ ಇಂಡಸ್ಟ್ರಿಯಲ್ ಎಸ್ಟೇಟ್
ಪೋಕಾರ್ನ್ ನಂ.1 ಕೋಪಾಟ್
ಧಾಣೆ ವೆಸ್ಟ್- 400 601.
☎ 9224345882

ಪೇತ್ರಿ ವಿಶ್ವನಾಥ ಶೆಟ್ಟಿ

ನಫೀಸಾ ಮಂಝಲ್
ರೂಂ ನಂ. : 14, ಕೊಂಡಿವಿಟ್ಟಾ ರೋಡ್
ಎಂ.ಐ.ಡಿ.ಸಿ., ಅಂಧೇರಿ ಪೂರ್ವ
ಮುಂಬಯಿ - 400059
☎ 09892602314

ಅಶೋಕ್ ಪಕ್ಕಳ

ಸನ್ನಿಧಿ, ಒಪಸಿಟ್ ಶ್ರೀರಾಮ್ ಮಿಲ್
ಎಸ್.ಎಸ್.ಅಮೃತೇಶ್ವರ ರೋಡ್
ವಡ್ಡಿ, ಮುಂಬಯಿ- 400 013.
☎ 9323822352

ಗಂಗಾಧರ ಪಣಿಯೂರು

ಈ 3, ಭಕ್ತಿ ವಿದ್ಯಾದಾಯಿನಿ ಸಿಎಚ್‌ಎಸ್
ಲಿಮಿಟೆಡ್, ಓಂ ನಗರ, ಅಂಧೇರಿ
(ಈಸ್ಟ್),
ಮುಂಬಯಿ- 400099.
☎ 022-28214895, 9967273004

ಆಶಾ ಕೆ ಸಮಾನ

ಗಾಯತ್ರಿ ಪರಿವಾರ್ ಟ್ರಸ್ಟ್ ಬಿ3/ 202
ಹರಿ ಓಂ ಸಿಎಚ್‌ಎಸ್‌ಸಿಎಸ್ ರೋಡ್,
ಆನಂದ್ ನಗರದಹಿಸರ್ (ಈಸ್ಟ್),
ಮುಂಬಯಿ- 68.
☎ 9867447136


ಬಿ. ಎಸ್. ಕುರ್ಕಾಲ್

ಪ್ರಾಣ್ ಭುವನ್, 401 ಶೆಟ್ಟಿಸ್
4ನೇ ಮಹಡಿ, ಎಂ.ಜಿ.ರಸ್ತೆ
ಬೊರಿವಿಲಿ ಈಸ್ಟ್,
ಮುಂಬಯಿ- 400 066
☎ 28962912, 9224197643

ಕೋಡು ಭೋಜ ಶೆಟ್ಟಿ

ಎ-10-10 ಅಪೂರ್ವ ಅಪಾರ್ಟ್‌ಮೆಂಟ್
ಗೋವರ್ಧನ್ ನಗರ,
ಎಲ್.ಬಿ.ಎಸ್.ಮಾರ್ಗ್ ಮುಲುಂದ್ (ಃ),
ಮುಂಬಯಿ- 400 080
☎ 022-67969827, 09324544268





ತುಳು ಕಾವ್ಯ ಪರಂಪರೆಡ್ ಮುಖ್ಯವಾದ್ ಪ್ರಾಕ್ದ ತುಳು ಕಾವ್ಯೊಲು, ಪಣಿಯಾಡಿ ಯುಗೊತ ತುಳು ಕಾವ್ಯೊಲು, ಬೊಕ್ಕ ಪೊಸಕಾಲೊದ ತುಳು ಕಾವ್ಯೊಲು, ಇಂಚ ಮೂಜಿ ವಿಭಾಗ ಮಲ್ಪೊಲಿ. ಪ್ರಾಕ್ದ ತುಳು ಕಾವ್ಯೊಲು ಸುವಾರ್ 13-14ನೇ ಶತಮಾನೊಡು ತುಳು ಲಿಪಿಡ್ ತಾರಿದೋಲೆಡ್

ಬರೆತಿನ ಕಾವ್ಯೊಲು. ಇತ್ತೆ ಈತ್ನೇಟ ತೆರಿನವು ಪಂಡ ವಿಷ್ಣುತುಂಗನ ಭಾಗವತೊ, ಅರುಣಾಬ್ಬನ ಭಾರತೊ, ಬೊಕ್ಕ ಕಾವೇರಿ, ಇತ್ತೆ ಇಂಚಿಪ ಲಿಪ್ಯಂತರ ಆಯಿನ ಕರ್ಣ ಪರ್ವ. ಪ್ರಾಕ್ದ ಸಾಹಿತ್ಯೊ ಉಂತಿಬೊಕ್ಕ ಕಾವ್ಯೊ ಮುಡೆಪಿನ ಕೈಂಕರ್ಯ ಸುರುವಾಯಿನೇ ಪಣಿಯಾಡಿನ ಕಾಲೊಡು. ಪ್ರಾಕ್ದ ಸಾಹಿತ್ಯೊಲು ಪೂರ ವೈದಿಕ ಪುರಾಣೊಲೆಗ್ ಸಮ್ಮಂದ ಪಟ್ಟಿನ ಆದಿತ್ತಂಡ ರಡ್ಡೆನೇ ಮಜಲ್ಡ್ ಕವಿಕುಲು ತುಳುನಾಡ್, ತುಳುವಪ್ಪೆ, ತುಳುಬಾಸೆದ ಮಿತ್ತಾದ ಮೋಕೆಡ್ ಕಬಿತೆಲೆನ್ ಬರೆಯರೆ ಸುರುಮಲ್ತೆರ್. ನರ್ಕಲ ಮಾರಪ್ಪ ಶೆಟ್ಟಿ, ಎನ್.ಎಸ್.ಕಿಲ್ಲೆ, ಕೆಮ್ಮೂರು ದೊಡ್ಡಣ್ಣ ಶೆಟ್ಟಿ, ಪೊಳಲಿ ಶೀನಪ್ಪ ಹೆಗ್ಡೆ, ಮೋನಪ್ಪ ತಿಂಗಳಾಯ, ಎಚ್. ನಾರಾಯಣ್ ರಾವ್, ದಾಮೋದರ ಪುಣಿಂಚತ್ತಾಯ, ಸೀತಾನದಿ ಗಣಪಯ್ಯ ಶೆಟ್ಟಿ ಇಂಚ ಕೆಲವು ಜನ ಕವಿಕುಲು ಈ ಕಾಲೊಡು ಕಾವ್ಯೊಲೆನ್ ಬರೆದ್ ಬೊಳ್ಳುಗು ಕನತೆರ್.

ಡಾ. ಪಾಲ್ತಾಡಿ ರಾಮಕೃಷ್ಣ ಆಚಾರ್



ಶಿಮಂತೂರು ಚಂದ್ರಹಾಸ ಸುವರ್ಣ
(ಸಂಪಲ್ತಿನಾರ್)